



中醫百日通

中國醫藥
入門叢書

外科入門

上海
中西醫藥書局印行

叢書
總目

診脈入門 內經入門 女科入門 外科入門 [附疔科]
辨舌入門 金匱入門 產科入門 傷科入門
藥性入門 傷寒入門 痘科入門 喉科入門
湯頭入門 溫病入門 幼科入門 眼科入門

中國醫藥
叢書
外科入門

上海
中西醫藥書局印行

◎ 家庭學說明物
日用新本草

本書乃藥劑師房雄所著，是記載各種民間日常應用的單方，本草，凡動物，植物，礦物，各種常用藥品的形態，成份，效用，用法，用量，一一詳細說明，類別二百數十種，一一用照相版製圖附入，以作標本，備研究者之參考，說理透剔，中西兼顧，實為民間醫藥書中之翹楚，而中西醫藥界，尤不可不備也。

上海望平街中西書局發行

中國醫藥
入門書叢
外科入門目錄

【一】南豐李樾外科證治詩

一·癰疽總論

二·腦頸部

腦發五種

頭瘡

風屑

白禿

軟癰

大頭腫

鬢

疽

耳瘡
附侵淫瘡
月蝕瘡

內疔瘡

疥腮

瘰癧

痰

核

瘦瘤

三·手部

疣

甲疽

代指

天蛇頭

鵝掌風

紅絲瘡

四·胸腹部

乳癰 肺癰痿 心癰附脅癰 胃癰 腸癰 腹癰

五·背腰部

背發七種 腰發二種

六·臀腿部

臀癰附臀蛆瘡 便毒 路歧 懸癰附穀道中瘡 痔

漏 陰瘡 陰囊癰附小兒陰囊生瘡 婦人陰瘡附交接出血

附骨疽附腿上寒濕瘡 杖

七·足膝部

鶴膝風 人面瘡 腎藏人瘡 賺瘡 脚根瘡附脚肚瘡及

袴口瘡 脚發 嵌甲瘡 脚指了瘡 脚背發

八·遍身部

五疥 五癬 血風瘡 癩風 楊梅瘡 疔瘡 多骨

疽 翻花瘡 流注 癰 疔 暑濕瘡 痲瘡

寒冷瘡 凍瘡 手足皸 蝸瘡 癰瘡 侵淫瘡 白

蛇纏 湯火瘡 肌瘡 疥瘡 漆瘡 竹木刺 折傷

破傷風

【二】南豐李樾外科藥方賦

一·癰疽

黃連消毒散 內托羌活湯 白芷升麻湯 內托升麻湯

十味中和湯 八味逍遙散 內托芪柴湯 附子六物湯

內托酒煎湯 瀉心湯 護心散 龍胆瀉肝湯 清肝湯

清肝解鬱湯 清肝益榮湯 梔子清肝湯 柴胡清肝湯

內疎黃連湯 清熱消毒湯 打膿散 追膿化毒散 潰

膿散 托裏散 托裏消毒散 托裏清中湯 托裏溫中湯

托裏和中湯 托裏建中湯 托裏抑青湯 托裏益黃湯

二·腦疽

托裏益氣湯 當歸羌活湯

三·瘰癧

酒歸飲 升麻調經湯 柴胡通經湯 海藻散堅丸 軟硬

皂子丸 必効散 立應散 斑雞丸 白蛇散 白蠶丸

宣熱丹 補中勝毒餅 銀石散 蠶繭散 貓蝠散 貓

頭丸 單夏枯草散膏 治瘰癧潰爛方

四·痰核

含化丹 海帶丸

五·瘰癧

神効開結散 舐掌散 單蜘蛛方 南星膏

六·乳癰

一醉膏 古芷貝散 單青皮湯 瓜萋散 單蒲公英方

治乳癰爛見心方

七·肺癰

消膿飲 參芪補肺湯 參朮補脾湯

八·肺痿

紫苑散 單白欵散 單白芨散

九·心癰

內固清心飲
清心散
清心丸

十·脅痛

神效瓜蒌湯

十一·胃癰

大射干湯
三仁湯
牡丹湯

十二·腸癰

大黃湯
敗醬散
梅豆湯

十三·便毒

兩解湯

十四·懸癰

國老膏

十五・痔瘡

連魏散

連歸丸

加味連壳丸

加味香蘇散

乾葛湯

秦羌湯

止痛丸

三神丸

槐角丸

加味槐角丸

槐胆丹

加味地黃丸

蝟皮丸

十六・漏瘡

釣腸丸

痔瘡方

牽牛酒

豚胃丸

芎歸丸

內生肌

丸

加味蠟礬丸

黑玉丹

薰漏瘡方

洗漏瘡方

齒

髮散

蜂房散

取漏蟲法

蝸牛膏

古熊冰膏

十七・男子疝瘡

柏蛤散

銅錄散

蘆腦散

津調散

鳳衣散

旱螺散

截疝散

鵝管散

洗下疝瘡方

十八. 婦人陰瘡

補心湯 古硫鯉丸

藿香養胃湯

十九. 陰囊濕癢

牡礬丹 硫檳散 黑龍湯

二十. 附骨疽

漏蘆飲子 靑草瘡柏湯

二十一. 人面瘡

大苦參丸

二十二. 臙瘡

白膠香散 謝傅傷手瘡方 龍骨膏 馬齒膏 窑土膏

桐油膏 蘄艾膏 蠟礬紙 黃蠟膏

二十三・疥瘡

活血四物湯

樺皮散

何首烏散

當歸飲

當歸丸

連歸湯

摩風膏

一上散

二十四・頑癬

吳茱萸湯

剪草散

三黃散

硫黃餅

頑癬丸

古萍

蛇丸

大馬齒膏

下麻風醉仙散

再造散

二十五・癩風

大癩風丸

紫雲風丸

補氣瀉榮湯

活神丹

加味苦參

丸

單苦參酒

三蛇丹

白花蛇丹

蠲痺散

換肌散

換骨丸

二十六・楊梅瘡

凌霄花散 浴癩方 加減通聖散 加減通聖丸 搽楊梅

瘡方 洗楊梅瘡方 化毒散 吹藥 阜刺丸 皂根丸

仙遺糧湯 仙遺糧丸 單仙遺糧丸 象牙丸 大楓

丸 取輕粉法 治天庖瘡方

二十七·疔瘡

提疔錠子 賽金丹 追疔湯 保生錠子 蟾肝丸 賽

命丹 一捻金 治疗單方 五聖湯

二十八·折傷

蜂蛇散 疔瘡方 雞鳴散 花蕊石散 單人中白散

當歸鬚散 古蚌霜散 古烏附湯 乳香定痛散 應痛丸

陣王丹 夾骨法 小麩散 接骨紫金丹 接骨丹 麻

藥方 門齒方 接指方

二十九·破傷風

蜈蚣散 單全蝎散 古星風散 二烏丸 烏蛇散 蟻

螯酒 魚膠散 硃砂指甲散 瓜石湯 小芎黃湯 羌

麻湯 榆丁散 江鱧湯 大芎黃湯 養血當歸地黃湯

三十·外科通用

白朮防風湯 破傷風方 忍冬藤湯 蠟礬丸 葱礬丸

返魂湯 化毒丸 乳香止痛散 竹葉黃芪湯 聖愈湯

人參黃芪湯 隔蒜灸法 豆豉餅 桑枝灸法 葱熨

法 洗毒散 肉汁湯 爐灰膏 去惡散 陰陽散

抑陽散 抑陰散 雞血散 鐵箍散 鐵井爛 單

巴豆膏 單小粉散 單糯米膏 上品錠子 中品錠子

下品錠子 青金錠子 取久疽朽骨法 隔皮取膿法

射膿法二方 透膿散 生肌定痛散 生肌長肉膏 完肌

散 平肌散 易簡方 斷血藥 斂口藥 古香禰散

又方 太乙膏 雲母膏 麒麟竭膏 神應膏 萬應

膏 千槌膏 呼膿長肉膏 白蠟膏 琥珀膏 水粉膏

白膏藥 紅膏藥 綠膏藥 貼膏藥法

中國醫藥
入門叢書
外科入門

〔二〕南豐李挺外科證治詩

一．癰疽總論

【癰】疽毒要氣血勝。內外因皆濕熱凝。癰者。壅也。爲陽。屬六腑。毒騰於外。其也。爲陰。屬五臟。毒攻於內。其發緩。而所患沉深。傷筋蝕骨。凡年壯氣血勝毒則順。年老毒勝氣血則險。有內因飲食結毒者。經日膏梁之變。足生大疔。榮氣不從。逆於肉裏。榮氣卽胃氣。胃和則榮衛順而滋養皮膚。膏梁金石。厚衣烘被。以至蘊熱臟腑。濕熱聚下。燒燂腎水。陰火熾盛。入脈沸騰。經隧凝滯。故水穀精微。不能上行。陽道。反逆聚肉之腠理而成癰。有外感風寒濕蘊毒者。經曰。地之濕氣。感則害人皮肉。又曰。諸癰腫筋變骨痛者。此寒氣之腫入風之變也。蓋風濕外侵。鬱久爲熱。自膀胱左遷。移熱小腸。小腸移熱於胆。風性上衝。瘡形高。色赤作痛。小則爲癰。大則爲癰而已。非若疽之自裏也。有因心氣鬱結。饑飽勞役。房室過度。水竭火炎。痰凝氣滯而成。所謂相火能爲瘡瘍。諸痛痒瘡瘍。皆屬心火是也。因火有君相。瘡分微甚。或鬱痛而不甚腫。或虛腫而不甚痛。雖然病該三因。總皆濕熱。丹溪云。人身血行脈中。氣行脈外。氣血周流不息。惟寒濕搏之。則凝滯而行遲。火熱搏之。則沸騰而行速。氣爲邪鬱。津液爲痰爲飲。積久滲入脈中。血爲之濁。此陰滯於陽而爲癰。血爲邪鬱。隧道或

溢或結。積久溢出脈外。氣爲之亂。此陽滯於陰而爲疽。蓋陽氣無形。陰血有質。必濕熱泣血。而後發爲癰疽。故局方曰。癰疽。皆熱勝血也。又曰。二熱相搏。熱化爲膿。蓋熱非濕則不能腐壞肌肉爲膿。譬如夏熱諸物。皆不壞爛。壞爛者。交秋濕熱大行之際。此理甚明。

純陽焮赤潰斂易。純陰色黯全不疼。半陰半陽腫痛慢。用藥回陽乃可生。

癰疽有大而愈者。有微如豆而死者。陽發初起皮薄作熱色赤。焮腫疼痛。潰後肉色紅活。此爲外發。更加身健能食。發熱便祕。脈數有力。爲純陽。易治。陰發初起皮厚。不熱。色黯。微腫。硬如牛皮。不痛。陷軟不作膿。不潰。微開。闊破後。肉色紫黑。此爲內發。未潰臟腑已前壞爛。更加身倦少食不熱。便利脈軟無力。爲純陰。不治。又有半陰半陽。似腫非腫。似痛非痛。似赤非赤。似潰非潰。脈數無力。如陽多陰少。用藥托裏變陽者生。陰多陽少。用藥托亦不起。投陰必死。就中尤以有熱無熱爲死生妙訣。蓋陽症有熱。則氣血行而生肌。陰症無熱。則氣血滯而不斂。遇有熱者。切不可退熱。但宜溫藥清滲。些小癰毒。無熱亦不妨。

風則多痒氣則痛。濕腫食則熱寒增。

癰疽雖止發於一經。或兼二經。多有挾風挾濕挾痰挾氣挾血挾陰虛等症。大較風氣

食三種。俱以不換金正氣散加川芎木香爲主。兼風多痒。加祛風藥。兼氣多痛。加調氣藥。兼食多發寒熱。加消積藥。兼濕多腫。加滲濕藥。又云。熱瘡焮痛。虛瘡淡白。風寒瘡口帶白。○古方外因四氣。單用大黃半生半熟。甘草節等分爲末。每空心酒下二匙。以利爲度。○內因七情。單用遠志爲末。酒調二錢。澄清服。以查敷患處。○不外因金石炙博房勞。國老膏。一切熱毒。槐花酒。

藥毒堅硬有如石。金石藥毒。則堅硬如石。不痛。宜黑豆甘草煎湯解之。

虛瘦重着怕潮蒸。虛勞瘦弱。營衛否澀。患處重着。如負石然。因其有骨蒸潮也。治宜滋補。故不可用養命丹等香燥疎泄之藥。亦不可過用降火滯脾

之藥。惟腎氣丸托裏散。甚得其宜。且古方謂藥毒勞蒸。癰疽極重。

近骨生蟲近虛漏。近骨者多冷。久則化血爲蟲。多痒少痛。近虛者多熱。久則傳氣成漏。多痛少痒。

細認穴道屬何經。腦發屬督脈足太陽經。鬢發手足少陽經。眉發手足太陽少陽經。頤發髭發足陽明經。腮發手陽明經。背發中屬督脈。餘皆足太陽

經。腋發手太陽經。乳癰內陽明外少陽經。乳頭足厥陰經。腎癰足太陽經。外腎癰足厥陰經。腿發外足三陽。內足三陰經。喉癰臍癰。任脈足陽明經。穿襠發。督衝任三

脈。跨馬癰囊癰足厥陰經。內疽肺癰手太陰經。腸癰手太陽陽明經。胃脘癰足陽明經。惟少陽太陰小陰多氣少血。厥陰太陽多血少氣。肉皆難平。惟手足陽明氣血俱多

。分經用藥。則不犯經禁。禁以致妄下妄汗。且瘡屬腎經者最重。脾肺二經者次之。他經者又次之。腦乃諸陽所在。咽喉飲食所通。腎命根所係。皆至險之地。又不

可多着艾炙。俗方專圖人形瘡樣而忽經絡。謬哉。

外因寒熱宜表散。毒因外感發者。內無便溺阻隔。外有六經形症。腫痛雖甚。飲食如常。脈浮數。邪在表也。宜托裏微汗以表散之。如發腦項背分。黃

連消毒散。尻臀分。內托羌活湯。臂上白芷升麻湯。乳胸內托升麻湯。兩脅十味中和湯。腿外側內托酒煎湯。腿內近膝股內托芪柴湯。通用敗毒散九味羌活湯。辛熱手足

太陰經分。自汗浮腫。流注四肢。附子六物湯。辛溫發熱。十六味流飲養命丹。暑月內托復煎散。寒對內托十宣散。或不換金正氣散。丹溪治形實脈浮數。冬月背生紅腫及胛骨下痛者。用桂麻各半湯加生附酒柏瓜瓞仁甘草節羌活青皮人參黃芩半夏。姜煎服。六貼而愈。此正內托法也。有謂瘡家身痛不可汗。汗之則發痊者。邪不在表而誤汗也。

內熱痛祕急疎行。內傷飲食積毒者。腫痛異常。外無六經形症。內有便溺阻隔。口渴飲四順清涼飲。輕者清熱消毒飲加紫草。或清心散滲之。○內積熱毒。外有感邪者。宜發表攻裏。五香連翹湯防風通聖散。毒盛者解毒湯下神芎丸。濕盛者除濕丹。

勞傷氣鬱無表裏邪在經中和衛榮。毒因內傷虛損。戶勞鬱怒而發者。形雖腫邪在經也。不可妄施汗下。只宜補形氣。調經脈。和榮衛。或專補脾胃可也。鬱怒者。十六味流氣飲。虛勞者。托裏消毒散。內托復煎散。補中益氣湯。古人治癰以寒藥者。正治法也。治疽以熱藥者。從治法也。言藥性熱則開行。寒則疎泄。疽乃有形之物。非熱藥從治。豈能行之乎。此內托內疎正治從治之義也。

潰後托裏排膿毒膿盡肌肉自然平。潰後氣血大虛。惟恐毒陷。托裏之法。一日不可缺也。古方托裏散托裏清中湯托裏溫中湯托裏和中湯托裏建中湯托裏抑青湯托裏益黃湯托裏益氣湯選用。蓋托裏則氣血壯而脾胃盛。膿穢自排。毒氣自解。死肉自潰。新肉自生。瘡口自斂。若不務補托。而誤用寒涼。反助邪火。膿多臭穢。甚則脈洪大渴。真氣虛而死矣。丹溪云。但見腫痛。參之脈症虛弱。更與滋補。乃可萬全。又不必泥氣質素實。及參芪滿中滯痰也。但初

也。

潰時間有熱毒盛者。量如消毒清劑。如發背搭肩。膜破穿心必死。尤宜托裏。免至毒陷。托裏即護心也。若毒氣上攻。心神昏悶欲嘔者。間服護心散以救之。如帶表邪面赤等症。勢未甚起者。內托復煎散。或內托十宣散暫服。若無熱毒表邪。但見穢氣觸犯。虛熱少食不睡者。便進人參黃芪湯。但見膿多心煩少睡者。便進聖愈湯。但見脾虧氣弱。不能生肌收斂者。便進補中益氣湯。但見腎虛不能消潰收斂。或晡熱作渴者。便進八味丸或腎氣丸。緊急不及作丸。大料煎服。預防救危。始終妙劑。若不務本根。而專用敷圍生肌之藥。則斂口太速。毒反內攻。或旁邊再發一癰者有之。或愈後而惡症頓起。大命隨去者有之。唯務內治而不貴外治者為高。

外治初起灸最妙。

形傷則痛。氣傷則腫。或先痛後腫傷乎血。先腫後痛傷乎氣。腫痛並攻。氣血俱傷。皆因臟腑不和。而非外治能調。古法隔蒜灸法。

豆豉餅。唯外傷成瘡者不宜治。內發者。痛則灸至不痛。不痛則灸至痛時方住。早覺早灸為佳。一日二日。十灸十活。三日四日。十灸七活。五日六日。十灸四活。過七日則不可灸矣。其餘點割敷透。間有毒盛者。量用之則可。

熱痛半軟針相當。

癰疽毒氣已成。宜托裏。以速其膿。膿成者。當驗其生熟淺深而針之。若腫高而軟者。發於血脈。腫下而堅者。發於筋脈。肉色不變者。附於骨也。按之熱者有膿。不熱者無膿。按之使痛者膿淺。按大方痛者膿深。按之陷而不起者膿未成。按之而復起者膿已成。接之都軟者無膿。不痛者血瘤。痛者氣瘤。

按之一邊軟者有膿。若膿生而用針。氣血既泄。膿反難成。若膿熟而不針。腐爛益深。瘡口難斂。若瘡深而針淺。內膿不出。外血反泄。瘡淺而針深。內膿雖出。良肉受傷。元氣虛者。必先補而後針其膿。諸症自退。若瘡毒熾盛。中有肉黯者。宜內壯脾胃。外塗單巴豆膏。令其黯處漸低。赤處漸高。六七日間。赤黯之處。自有裂紋如刀割狀。

黯肉漸潰。當用披針利刺。徐徐引去。若膿出肉腐。腫痛仍作。必內有筋間隔。宜再引之。急補脾胃。不痛者。純用補藥。庶可收斂。若妄施針刀。傷肉出血。斲之不止者。立危。其披針用馬啣鐵爲之。

敷圍點瘀非得已。

人身氣血。遇溫則散。遇寒則凝。槩敷寒涼。閉塞腠理。氣凝血瘀。舊肉不潰。新肉不生。則毒反內攻。難以消斂。甚則不起。必內分

陰陽用藥。外分陰陽敷圍。內外夾攻。藥氣相通爲妙。純陽症。內服內疎黃連湯清熱消毒飲之類。外敷抑陽散。半陰半陽症。內服托裏消毒散。外敷陰陽散。純陰症。內服補中益氣湯加姜附入酒煎。外敷抑陰散。○點瘀爐灰膏。以去惡肉。藥線三品。錠子以透膿管。皆欲收腐盡塗。不至侵蝕筋骨。非得已而用也。

止痛欬口免開張。

癰疽不可不痛。不可大痛。未潰前痛者。爲熱毒便秘。宜內疎黃連湯解毒湯。作膿痛者。排之。膿脹痛者。針之。已潰膿出反痛者。虛

也。氣虛四君子湯加歸芪。血虛四物湯和參芪。氣血俱虛。托裏益氣湯。脾虛者。托裏和中湯。腎虛者。腎氣丸。因登廁犯穢氣觸者。藥中加乳香芷芍之類和之。風寒逼者。

加防風桂枝之類溫散之。燥者潤之。濕者去之。果係瘀血。惡肉凝滯者。方可乳香止痛散和之。○瘡口不斂。由於肌肉不生。肌肉不生。由於腐肉不去。腐肉不去。由於脾

胃不壯。氣血不旺。必以補托爲主。而佐以行經活血之藥。則肌肉受毒者自生。死者自潰。又何待於點割耶。大要氣虛體倦食少者。補中益氣湯。血虛肺熱內熱者。四君

子湯加歸地牡丹皮。膿水清稀者。氣血俱虛。十全大補湯。或不痛。或大痛。或不赤。或內膿不潰。或外肉不腐者。氣血虛敗。桑枝灸法。十全大補湯加姜桂。壯其陽氣。則

四畔卽消。瘡頭卽腐。若脾胃虛弱。慢腫不赤者。六君子湯倍白朮。若初起腫痛。或因

尅伐及入房。以致色黯而不痛者。乃脫陽變陰。急用古參附湯以救之。間有血分虛熱

者。黃瘡口熱。色必赤。四物湯加山梔連翹。氣分虛熱煩渴者。竹葉黃芪湯。要知瘡口難斂。或漸大漸間出血者危。俗皆以腫痕所至為暈。非真暈也。暈生于瘡口之畔。狀如紅筋。三暈。三暈尙可。四暈五暈者死。

洗能疎毒活血氣

洗藥疎通氣血。膿血掀聚之時。所賴朝夕煖醋醃洗敗肉。或洗毒散肉汁湯。風冷瘡口痛者。乾艾煎湯亦好。

貼膏不被風寒傷

膏藥多熱。輕小瘡癩貼之即消。發表不遠熱之意也。若大毒初起用之。迷塞凝滯。為害不小。惟潰後只用白蠟膏太乙膏。或水粉

膏。外護不致破傷風寒。

婦幼患此無他異。婦宜調血幼宜清。

婦人調血開鬱為主。值經閉及潰後月水又發。所患堅硬不破不腫不疼者。凶。小兒主

去胎毒。或有飲食積熱者。藥稍宜清涼。如素稟受體薄。及稍長而久病者。仍以補托氣血脾胃為主治之。

雜症仍以瘡為主。潰未清心要酌量。

脈症俱熱者。未潰前內消解毒。已潰後托裏消毒。脈症俱虛者。未潰前托裏消毒。已潰

後托裏補中。治其瘡而諸症自退。瘡為本病為標。若病急而元氣實。暫治其。而元氣虛。只治其本。心通諸竅。臟腑所包者一膜耳。若憂驚入心。膜破必死。藥中常

加茯神遠志為妙。

五善能食便調順。膿鮮不臭聲音長。

五善。動息自甯。飲食知味。一也。便利調勻。二也。膿潰腫消。水鮮不臭。三也。神彩

精明。語音清朗。四也。體氣和平。五也。此屬肺症。病微邪淺。若能慎節。勿藥自愈。

七惡皆因真氣損

七惡乃五臟虧損之症。外似有餘。而內實不足。法當純補胃氣。多有可生。不可因其惡而遂棄不治。大抵元氣虛弱。或膿水出多。氣血虧損。或汗下失宜。榮衛消鑠。或寒涼尅伐。氣血不足。或峻厲猛劑。胃氣受傷。以致真氣虛而邪氣實矣。

煩燥口乾渴非常。或泄或閉或淋瀝。

大渴發熱。或泄瀉淋閉者。邪火內淫。一惡也。凡瘡腫發熱潮煩。或失血過多。或潰膿

大泄。或汗多亡陽。或下多亡陰。以致陰血耗散。陽無所附。浮於肌表。而非火也。若發熱不寢。虛熱也。聖愈湯。兼汗不止。氣虛也。單人參湯。發熱煩燥。肉潤筋腸。氣血俱虛也。八物湯。大渴而赤。脈洪大而虛。陰虛發熱也。古歸芪湯。微熱煩燥。面赤脈沉而微。陰盛發躁也。四君子湯加姜附。凡渴不可專泥於火。若痲痛發熱。便利調和者。竹葉石膏湯。腫痛發熱。大便秘澀者。四順清涼飲。痲痛熾盛者。活命飲。膿水多者。聖愈湯。胃傷內亡津液者。錢氏白朮散。腎水乾涸者。八味丸。有先作渴小便頻數而後患疽者。或愈後作渴。或舌黃乾硬。小便頻數而後患疽者。尤其惡也。宜預服八味丸補中益氣湯。以滋化源。可免是患。蓋癰疽未有不因腎虛而作。切忌知母黃柏。捐陽則陰氣無由而生。○泄瀉因寒涼傷脾者。六君子湯加砂仁。或托裏建中湯托裏溫中湯。脾虛下陷者。補中益氣湯吞二神丸。命門火衰者。八味丸料煎吞四神丸。腎虛不固者。古姜附湯加吳萸五味子。大孔痛者。附子理中湯四逆湯。凡癰疽嘔瀉腎脈虛者死。○便秘因熱毒入臟。嘔逆心逆。發熱腫硬。秘結。固宜通之。又有伏熱。陽氣怫鬱。面赤便秘者。為邪火在經。宜汗以發之。潰後氣虛血涸便秘者。十全大補湯。或因入房傷腎便秘者。加姜附以回陽氣。則大便自潤。凡便秘能食而肚腹不脹者。切

不可下。若腹痛脹而祕者。豬胆法。用豬胆一枚。剪去頭。入鹽醋少許。將鵝管插入胆中。灌穀道內。須臾自通。○小便淋瀝。頻數短少。或莖中澀痛。皆腎虛惡症。

潰後腫痛臭難當。

膿血既泄。腫痛尤甚。膿色臭敗者。胃虛火盛。二惡也。人參黃芪湯。或十全大補湯加麥門冬五味子。

黑睛緊小白青赤。

目視不正。黑睛緊小。白睛青赤。瞳人上視者。肝腎陰虛而目係急。三惡也。腎氣丸料或八物湯。俱加炒山梔麥門冬五味子。

喘急恍惚喜臥床。

喘粗短氣。恍惚嗜臥者。脾肺虛火。四惡也。六君子湯加姜棗。或補中益氣湯加麥門冬五味子。心火射肺金。人參平肺散。陰火傷

肺。腎氣丸料加五味子煎服。

虛惡肩背四肢重。

肩背不便。四肢沉重者。脾肺虧損。五惡也。補中益氣湯十全大補湯。俱加山藥山茱萸五味子。

食少嘔藥傷寒涼。

不能下食。藥而嘔。食不知味者。胃氣虛弱。六惡也。六君子湯加木香砂仁。甚加附子。夾痰者。托裏清中湯。挾火者托裏益黃

湯。○抑論瘡腫時作嘔。熱毒攻心。潰時作嘔。陰虛。潰後作嘔。脾虛。如熱盛熾痛。活命飲護心散。詐膿熾痛。托裏消毒飲。膿熟脹痛。托裏散。或針以泄之。熾痛便祕者。

內疎黃連湯。寒涼傷胃者。六君子湯加乾姜木香。木乘土位。加芍藥柴胡。胃脘停痰。加桔梗。脾虛自病。或水侮土。加益智仁砂仁。鬱結傷脾。加川芎山梔蒼朮香附。濕氣

侵胃。倍白朮。白朮生肌斂口妙劑。又有登廁觸穢作嘔者。仍宜補胃。

聲嘶唇鼻變青色。面目四肢腫且黃。

脾肺俱虛。七惡也。補中益氣湯加姜棗。或六君子湯加炮姜。甚加附子。或十全大補湯

加炮姜。

陽虛寒戰腹疼甚。自汗飢逆雷鳴腸。

陽虛皆因誤服寒涼。或潰後勞役。或吐瀉之後。或誤入房夢遺。或外邪所乘。初則虛火

假症。仍發熱頭疼。良久寒戰。咬牙腹痛。雷鳴泄瀉飢逆。自汗盜汗。湯虛寒氣所乘之症。八惡也。急用托裏溫中湯。後用六君子湯加附子。或姜桂。甚者用大劑參芪歸朮

倍加姜附。以手足溫為度。

虛極發躁欲坐井。驀然變瘥身反張。

潰後發熱。惡寒作渴。怔忡睡臥不甯。陽衰陰盛。發燥脈洪大。按之微細。或無。此陽

虛極。驀然牙關緊急。腰背反張。變為瘥瘥。陰縮。或無汗惡寒。或有汗不惡寒。九惡也。俱宜八味丸料加參芪歸朮。大劑煎服。

陰虛晡熱夜不寐。消渴便汚血難藏。

原稟瘦怯。或房慾竭精。或瘡出膿多。或誤汗下。以致日晡潮熱。口乾作渴。夜寐不着。

瘡出紫血。四物湯托裏益氣湯腎氣丸主之。便汚黑者不治。便血汚滯者。犀角地黃湯救之。瘡瘍時或愈後。口鼻吐衄。牙宣齩露。皆因瘡瘍出血。虛火動而錯經安行。

當求經審其因而治之。肝熱則血安行。四物湯加山梔牡丹皮黃芩白朮。肝虛則不能藏血。腎氣丸。心火不能主血。四物湯加炒黃連牡丹皮芩朮。脾虛熱不能統血。四君

子湯加炒山梔牡丹皮。脾結鬱結者。歸脾湯加五味子。脾肺氣虛者補中益氣湯加五味子。氣血俱虛者。十全大補湯。陰火盛者。腎氣丸加五味子。大凡失血過多。而見煩

熱發渴等症。勿論其脈。急用單人參湯補之。經云。血生於氣。苟非甘溫參芪歸朮之類。以生心肝之血。決不能愈。若發熱脈大者死。

五善見三容易治。七惡見四真惡瘡。正傳以善為順。惡為逆。瘡瘍仍忌倒陷。又增為九逆。殊為有理。

又有一般無名腫。非癰非疽。非瘡非癬。狀如惡瘡。或癢或劇。名曰無名腫毒。隨其見症。在表在裏在經。用藥。外以槐枝煎湯洗淨後。以赤小豆吳萸

白膠香黃連黃柏貝母硫黃糯米黃丹輕粉為末。麻油調搽。一切惡瘡。人所不識者皆同。

癰癧瘰癧也同方。闊一寸至二寸為癰。一寸至五寸為癧。五寸至一尺為疽。一尺至二尺為竟體疽。未潰色紫黑堅硬。已潰深陷如岩為瘰。四畔生如

牛唇。黑硬為癩。無頭面色淡紅為癩。是知腫起為癰。沉潰為疽。發出於外者為外發。隱伏腸胃者為內疽。癰此癰疽更輕。瘰癧瘰多難治。○瘰多生乳膏豚膀。全宜大補氣

血脾胃。及蠟禁丸護膜生肌。冀其萬一

- 一一. 腦頸部 腦發五種 頭瘡 風屑 白禿 軟癩 大頭腫 鬢疽 耳瘡 附侵淫瘡 月蝕瘡 內疳瘡 疔腮 癩癧 痰核 癭瘤

【腦】後頸後頂心發。六腑陽毒好上蒸。六腑陽毒聚頂。惟太陽膀胱主之。久積痰火。濕熱上蒸於腦。古謂發腦。發鬢。

發眉。發頤。發背。謂之五發。至險。凡眼不見瘡。皆惡。○有生於兩眉髮際穴者。如有核宜取核以去病根。○有生於腦心者。四邊腦赤連耳項。不急治。膿水從頭中而

出。血逆痰起不治。○有生於頸後者。瘡頭向上。瘡尾向下。形如蜂窠。乃反症也。揪痛者急宜托裏散加升麻赤芍桔梗。防毒攻心。如痰發或流入兩眉者不治。○有生腦

後對口者。名曰天疽。其狀大而色紫黑。不急治。熱入淵腋。前傷任脈。內薰肝肺。十餘日而死。○有生耳後一寸三分至命之處。名曰發頤。又曰銳毒。凡頭上癰疽。宜服

降火化痰消腫托裏之藥。不可針灸。惟初起隔蒜灸之則可。但艾炷宜小而少。勢成者外敷南星膏。或陰陽散。斂口古香榔散。若熱上蒸。連頤而穿口。必主穿喉而死。

焮腫納冷真熱症。

焮腫作痛。煩渴好飲冷水。宜解毒湯加天花粉以除痰火。濕熱或黃連消毒散。當歸羌活湯。清熱消毒飲。活命飲選用。

口乾飲熱腎虛情。

腫痛口乾作渴。好飲熱湯。為腎陽虛火熾。宜托裏消毒散托裏益氣湯。腎氣丸。八味丸。慢腫微痛少食者。補中益氣湯。痰多者托

裏清中湯。若色黯不潰不飲。為陰精消涸。名腦爍。不治。

【頭瘡】【風屑】【禿】【軟癩】

總是濕熱症稍輕。

頭瘡宜內服酒歸飲。外用雄黃水銀各等分為末。以臘月

猪脂半生半熟。和勻洗淨敷之。濕爛者。用燕窠土黃柏為末。乾糝。痂高者用黃蠟瀝清。同熬敷之。○頭上風屑。白屑極痒。宜內服單苦參丸。下虛者薄荷茶。外用藜蘆煎

湯。避風洗頭。候稍乾分開頭髮。仍以藜蘆末糝頭皮上。絹帕緊縛。兩日夜頭風亦効。○禿瘡。初起白團班剝如癬。上有白皮。久則成痂。遂至滿頭生瘡。中有膿孔。細虫入

裏。不痛微痒。經久不瘥。宜內用通聖散酒拌。除大黃。另用酒炒。共為末。再用酒拌。令乾。每一錢水煎服。外用紅炭淬長流水洗。去瘡痂。再用淡豆豉一合。炒香烟起色

焦。屋塵一團。飯飲調劑。炭火煨令灰燼。等分為末。入輕粉少許。麻油調搽。如有熱加黃連寒水石。有水加枯礬。有虫加川椒麝香少許。腫厚加消皮烟洞烟管。香爐蓋上

香膠。如久不愈。有虫者。摩風膏加黃柏黃丹烟膠各一兩。一方用鹽烏魚頭燒灰。麻油調搽。○軟癩用抱鷄卵壳燒存性。入輕粉黃連減半為末。清油調敷。外腎生瘡亦

效。愈而再作者。用野蜂房一個。燒存性為末。以巴豆甘粒去壳。煎清油二三沸。去豆

以清油調敷。或枯礬亦可。多年不愈者。用猪頸上毛。貓頸上毛。各一握。燒存性。鼠

屎一粒爲末。清油調敷。或加輕粉尤妙。如暑月生癰。用木槿花搗爛。敷之最妙。

【大頭腫】痛。又名雷頭風。時行毒。濕在高巔之上。故頭面腫痛疙瘩。甚則咽隘填塞。害人最速。冬溫後多病此症。似傷寒寒熱身痛。

治分表裏三陽屬。連兩目鼻面腫者。陽明也。發耳前後并頭角者。少陽也。腦後項下腫起者。太陽也。脈浮表症多者。清震湯或敗毒散加荆防。脈沉裏

症見者。宜卷活黃芩。俱酒炒。大黃酒蒸。爲主。陽明加乾葛升麻芍藥石膏。少陽加瓜蒌仁牛蒡子。太陽加防風荆芥。水煎時時呷之。取大便邪氣去則止。甚者加芒硝。或

防風通聖散加牛蒡子玄參。俱用酒炒。微微下之。咽喉腫痛者。用姜蠶一兩。大黃二兩。蜜丸如彈。并水化服。凶荒勞役。宜普濟消毒飲。以安裏虛者加參歸。便秘加大

黃。或人中黃丸亦妙。服後俱仰臥使藥氣上行。故非便秘熱盛。忌用降下之藥。

表裏症罷腫不消。磁鋒去血通關搗。表裏俱解腫不消者。芫去血。外用通關散。倍羊躑躅及藜蘆少許。搗鼻嚏以泄其毒。

久不愈欲作膿者。內服托裏消毒散。體倦食少惡寒者。補中益氣湯加桔梗。潰後腫赤不消。膿清色白者。六君子湯加桔梗芎歸。元氣素弱脈微者。卽用參朮芎歸陳及柴胡

升麻甘草各等分。以升舉陽氣。用牛蒡子玄參連翹桔梗減半。以解熱毒。腫赤便屬純陽。脈微便屬純陰。慎之。

【鬢疽】肝胆之怒火。或因風熱藥同裏。怒火風熱。俱宜柴胡清肝湯。腫痛甚者。活命飲。

腎虛血躁日晡熱。腎水不能生木。以致肝胆火盛血燥。鬢及頭目腫痛者。四物湯加玄參柴胡桔梗甘草。風熱連頭面咽喉牙痛者。犀角升麻湯。血虛四

物湯加參芪。

汗多喘渴脾勞過。

因勞役腫痛。寒熱喘渴自汗者。補中益氣湯去升柴加五味麥門冬炮姜。

【耳瘡】三焦肝風熱。

耳瘡發熱焮痛。屬三焦厥陰風熱者。柴胡清肝湯梔子清肝湯。中氣素虛者。補中益氣湯加酒炒山梔黃芩牛蒡子。寒熱作痛屬

肝。風熱者。小柴胡湯加山梔川芎。

痒痛出膿兼養血。

內熱痒痛出膿。寒熱溺數。牽引胸脅脹痛。屬肝火。血虛者。八味逍遙散。

出水貪冷屬腎虛。火動切忌風藥切。

耳內痒痛。出水喜冷。銀簪探入。屬腎經虛火。挾怒忌用風藥。躁筋宜腎氣丸。○耳邊

侵淫瘡出黃水者。用殺羊鬚荆芥棗肉等分。燒灰入風粉為末。麻油調搽。○月蝕瘡。生耳鼻面間及下部諸竅。隨月盛衰。用胡粉炒黃枯礬黃丹黃連輕粉各二錢。胭脂燒灰一錢。麝少許為末。先用鹽水洗淨。或麻油調搽。

【內疳】瘡生於口上腭。治以鈎刀并鐵烙。敷以雄粉支其牙。最是虛勞元

氣薄。

初發如蓮花根蒂。小而下垂乃大。治法以鈎刀決其根。燒鉄烙以止其血。次以雄黃輕粉粉霜白芷白欬為末敷之。以槐枝作枕。支其牙頰間。毋使口合。一兩

時許。瘡癩定合。口自便。次日出膿。以生肌散敷之。

【疔腮】髮發

風熱犯其胃。表分寒熱裏不利。

外因風熱腫痛。在表寒熱者。升麻胃風湯。在裏二便不利者。四順清

涼飲。如表裏俱解腫痛又不消。欲作膿也。托裏消毒散。治同大頭腫。

積熱腫痛頗難當。

膏梁厚味。胃經積熱。腮腫作痛。或發寒熱者。用升麻黃連連翹牛蒡子白芷等分。水煎服。連耳上太陽部分腫。屬風熱。加羌活防

風。連耳下少陽部分腫。屬怒火。加柴胡山梔牡丹皮。連耳後少陰部分腫。屬相火。加知母黃柏。頭面齒牙俱腫。內熱口乾者。犀角升麻湯。齒牙唇舌俱腫出血者。用清胃

散加石

內寒不潰宜補劑。

內傷生冷。涼藥不能消潰。食少體倦者。補中益氣湯。內傷氣血俱虛者。八物湯加麥門冬五味子。傷七情有寒熱者。八味逍遙丸。傷

色慾連頤及耳後腫者。腎氣丸。八味丸。十全大補湯。不可誤用風藥剋伐之劑。

【瘰癧】馬刀屬少陽。風熱痰氣結核囊。

生頸前項側。結核如大豆。如銀杏。曰瘰癧。生胸脅腋下。堅硬如石。形如馬刀

虫。曰馬刀。多氣少血之病。總皆手足少陽相火所主。蓋耳前後與缺盆肩脾下。屬足少陽部分。延及頰項類車與頸。屬足陽明部分。延及胸中中府雲門。肺經部分者

死。風癰尖而小。熱癰焮腫赤色。又名血癰痰癰。推動滑軟。氣癰。圓而動。又有鼠殘癰。大小不一。

實者化痰通經脈。清肝養血是上方。

無痰不成核。諸瘰初起。實者皆以化痰爲主。通用二陳湯加防風桔梗黃芩竹瀝。胸

緊者。以此探吐尤妙。○通經脈必用斑貓。疎滲小便。以瀉心火。古方必効散立應散是也。但此二藥甚峻。服後宜量體調治。體實風熱盛者。繼以宣熱丹服之。體虛者。托裏益氣湯。或八物湯合二陳湯。多服瘡口自斂。又有虛甚者。宜先服健脾藥。而後服二散。輕者只用斑鷄丸。便堅胃盛者。白鷄丸。或追膿化毒散。軟硬皂子丸。少陽分者。柴胡通經湯。陽明分者。升麻調經湯。少陽陽明二經。二湯合服調之。誤下則犯經禁病禁。○清肝者。胆與肝合病。則筋累累如貫珠。寒熱厥痛。乃肝氣動而為病也。當清肝火為主。佐以養血。若寒止而瘡不愈者。乃肝血躁而為病也。當養血為主。佐以清肝。清肝益榮湯。梔子清湯。柴胡清肝湯選用。

虛久滋潤肺脾腎

瘡如豆粒。附筋肉色不變。內熱口乾。精神倦怠。久不消潰。及肝脈弦緊。腎脈洪數。乃腎水不能生木。以致肝火血動筋攣。忌用風藥燥肝經。久爛破膿血大泄者。脾腎愈虧。火炎於肺。皆宜腎氣丸補中勝毒餅為主。兼報逍遙散加枳硬麥門冬玄參以清肺火。多怒有肝火者。清肝解鬱湯。有寒熱者。單夏枯草散。引火旺甚。或近骨處生虫作痒者。盧菴丸。通用貓頭丸海藻散堅丸。外治銀右散。蘇蘭散貓蝠散。虛弱者。單夏枯草膏。內服外貼加麻油。

成瘦瀉水補且防

瘦。即漏也。經年成漏者。與痔漏之漏相同。但在頸則日瘰漏。在痔則日痔漏。治法則一。初起者宜溫散風冷。及行腎經濕熱。邪水久則大補氣血。兼用薰洗。平肌寒竅之藥。古方白蛇散治瘰癧成漏。以其有牽牛能利腎經惡水。免至淋漓穿穴。但利後當量體調治。痛節酒色財氣。丸漏治詳漏條。

女人經閉有潮死

經調及經閉無潮者。可治。經閉有潮或咳者死。古方用玉燭散治瘰癧。和血通經。服之自消。日進一服。七八日見効。便不閉者。柴胡通經湯升麻調經湯。久虛者。加味逍遙散清肝益榮湯。或用二陳湯合四物湯加牡蠣柴胡黃芩玄參神麴為末。以桑椹膏搗丸菘豆大。每五十丸。澁酒下。或腎氣丸

尤妙。

男子潮咳是真傷。瘰癧傷症之標也。故瘰癧瘰癧有曰腹中有塊。頸上有核。最為難治。况成潰漏。而不清金降火。滋腎健脾。病人又不清心淡口。則潮

汗咳瀉。惡症蜂起。其可生乎。但視其目內赤脈貫瞳人。有幾條則知其幾年死。面色既白。金尅木。脈洪大。為元氣虛敗。俱為不治。故曰實者可治。虛者可慮。

【痰核】在頸全不痛。頸項生核。不紅不痛。不作膿。推之則動。乃痰聚不散也。不可

加桔梗黃芩玄參麥門冬及防風少許。入竹瀝。多服自消。如耳後與項間各有一碗者。含化丹。

在臂或痛亦不紅。臂核或作微痛者。以內無膿。故外雖腫不紅。或生背膊。皆宜陳皮

各五分。甘草三分。水煎服。半夏茯苓防風酒各一錢。連翹二錢。皂角刺一錢半。川芎蒼朮

遍身結塊多痰注。濕痰下體却宜通。凡遍身有塊。多是痰。但在上體。多兼風熱。在下體。多兼濕熱。宜加味小胃丹竹瀝達痰

丸。量體虛實服之。通用海帶丸。

【瘰癧】有五應五臟。舊分五瘰六瘤。惟薛立齋止言五瘤。蓋瘰癧瘤本共一種。皆痰氣

動肝火。血燥筋攣。曰筋瘤。心主血。勞役火動。陰火沸騰。外邪所搏。而為腫。曰血瘤。脾主肉。鬱結傷脾。肌肉消薄。外邪搏而為腫。曰肉瘤。肺主氣。勞動元氣。腠理不密。

。外邪搏而爲腫。曰氣瘤。腎主骨。勞傷腎水。不能榮骨而爲腫。曰骨瘤。瘤之名有五者此也。仁齋云。筋脈露曰筋癭。赤脈交絡曰血癭。皮色不變曰肉癭。隨憂愁消長曰氣癭。堅硬不可移曰石癭。癭之名有五者。此也。癭瘤俱內應五臟。藥治相同。

瘤走遍身癭頸項。

癭瘤所以兩名者。以癭形似櫻桃。一邊縱大亦似之。槌槌而垂。皮寬不急。原因憂恚所生。故又曰癭氣。今之所謂影囊者是也。瘤初

起如梅李。皮嫩而光。漸如石榴瓜瓠之狀。原因七情勞慾。復被外邪。生痰聚癭。隨氣留住。故又曰瘤癆。總皆氣血凝滯結成。惟憂恚耗傷心肺。故癭多着頸項及肩。勞慾邪氣乘經之虛而住。故瘤隨處有之。

雖無痛痒有虛實散堅行氣不可妄。

癭瘤或軟或硬。無痛無痒。體質者。海藻散堅丸海帶丸。痰火盛者。舐掌散神効開結

散。此皆化氣破堅化痰之劑。久虛者不可妄服。虛者筋瘤腎氣丸。或八物湯加山梔木瓜炒黑龍胆草。肝火盛者。間以蘆薈丸暫服。血瘤四物湯加茯苓遠志。肉瘤歸脾湯補中益氣湯。氣瘤補中益氣湯。骨瘤腎氣丸。補中益氣湯。○通用初起者。十六味流氣飲。單蜘蛛方。稍久者蠟礬丸常服。自然縮小消磨。外敷南星膏。切不可輕用針刀決破。破則膿血崩潰。滲漏無已。必至殺人。但有一種脂瘤紅粉色。全是痰結。用利刀破。去脂粉則愈。或有如茄垂下。根甚小者。用藥點其蒂。俟茄落。卽用生肌斂口藥敷之。防其出血。

二二 手部疣 甲疽 代指 天蛇頭 鷺掌風 紅絲瘡

【疣】屬肝胆小腸經。多患於手背及指間。或如黃豆大。或如聚粟。或如熟棗。拔之則絲長三四寸許。又曰手背發。

風熱怒火或亡精。風熱血燥筋縮者。八味逍遙散加黃連。或清肝益榮湯。怒火者柴胡清肝湯。亡精腎枯筋縮者腎氣丸。

切忌寒涼繫與灸。誤犯出血必傷生。誤用寒涼降火之藥。及螻蛄蝕蛛絲繅花漿線繫着艾灸等法。輕者反劇。重者大潰。

腫痛發熱出血而死。慎之。

【甲疽】惡代。雖害事不似【鵝掌風】難平。甲疽乃毒氣攻於手足。指擊肉裏。上指甲疼痛出血。瘡中有虫。或因

剔甲傷肌。或因甲長侵肌。遂成腫痛。俱用綠礬五兩。置鐵板上。以炭火封之。吹令火熾。其礬即溶。流出赤汁者。是真候。流汁盡去火待冷去為末。色似黃丹。收之。先以

鹽湯洗拭後。用綠礬為君。入乳香少許敷之。重者用綠礬五錢。蘆薈一錢半。麝香一字為末。以絹袋盛藥。納所患指於袋中。線札定。以瘡為度。○代指。指頭先腫。焮熱

掣痛。然後於爪甲邊結膿。甚者。爪甲俱脫。先用芒硝煎湯淋洗。然後用烏梅核中仁為末。米醋調成膏。入指漬之自愈。或用豬脂和蚯蚓搗爛敷之。○天蛇頭瘡。生手指

上。或足。瘡旁一塊開口腫痛。用鷄母楊根攷醋浸一宿即消。或以雄黃入雞子內。以患指浸其中。一宿。次早更以蜈蚣燒烟薰病指一二次。即消。如痛甚流血不止者。用

雄黃蜈蚣全蝎為末。擦在瘡上。却以少油抹帛上扎之。○鷺掌風癬。用豬前蹄爪破開。入菊花蒼耳末。以線縛定。炊爛食之。次日用白蘇皮皂角雄黃各五分。鉛製水銀三

分為末。臨夜用鵝脂姜汁調搽。次早以沙擦去。然後量體服去風之藥。此癬乃楊梅瘡類。如多年不愈者。先用磁鋒礬刮。次以葶麻子一兩。枯礬二錢為末。桐油調擦。火烘

極熱。再以棗肉三兩。水銀五錢。枯礬三錢。搗爛如泥。每日擦手千餘下。女以肥皂酒
精洗淨十次神効。更灸勞官或內關一穴。斷根。又方桐油調密陀僧末。搽掌。外用
水龍骨火燒烟薰之。治手足掌風。
及棉花癬。更以樟葉煎湯洗之。

【紅絲瘡】最害人速。或生於手。或生於足。發疱初黃變紫青。絲迤入心毒入

腹。紅絲瘡。因喜怒不常。氣血逆行。而生於手足間。有黃疱。其中忽紫黑色。即有一
條紅絲。迢迢血上而生。若至心腹。則使人昏亂不救。或有生兩三條紅絲者。急以

針橫截紅絲所到之處。刺之。令其出血
。以膏藥貼。或嚼萍草根敷之。立愈。

四。胸腹部乳癰 肺癰痿 心癰附脇癰 胃癰 腸癰 腹癰

【乳】房膽胃乳頭肝。婦人之乳。男子之
腎。皆性命根也。

病初嘔渴增熱寒。煩渴嘔吐者。胆胃風熱也。甚則毒氣內衝。咽隔妨礙。寒熱者。肝
邪也。此皆表症。宜不換金正氣散加天花粉。能止渴嘔。定寒熱。

咽隔有礙者。甘桔湯加生姜。或
護心散。如潰後見此四症為虛。

婦人胃厚多憂鬱。火化汁濁塞竅端。結核有兒吹熱氣。飲食厚味。忿怒憂鬱。
以飲食厚味。忿怒憂鬱。乳房

汁化為濁膿。肝經氣滯。乳頭竅塞不通。致令結核不散。痛不可忍。初起便當隔蒜灸
法。切忌針刀。能飲者一醉膏加芎歸各一分。一服兩服即効。不能飲者瓜散。結

核亦有氣血虛弱。略被外感內傷。以致疾癥凝滯。俱以古芷貝散爲主。血虛合四物湯。更加參朮柴胡升麻。氣虛合四君子湯。更加芎歸柴胡升麻。憂思傷脾者。歸脾湯加瓜蒌根貝母白芷連翹甘草節。水酒各半煎服。有肝火結核。腫痛甚者。清肝解鬱湯。吹乳。因乳子膈有痰滯。口氣燥熱。含乳而睡。風熱吹入乳房。凝住不散。作痛。初起須忍痛揉令稍軟。吸令汁透。自可消散。不散宜益元散冷姜湯。或井水調。一日一夜服三五十次自解。重者解毒湯頓服之。挾氣者古芷貝散單青皮湯。外用漏蘆爲末。水調敷。又有乳汁不
妹乳脹痛者。湧泉散。

核久成【癰】硬腫漫

核久內脹作痛。外腫堅硬。手不可近。謂之乳癰。未潰者仍服瓜

兩乳間出黑頭。瘡頂下作黑眼者。內托升麻湯。已潰寒熱者。內托十宣散。少食口乾者。補中益氣湯。晡熱內熱者。八物湯加五味子。胃虛嘔者。六君子湯加香附砂仁。胃寒嘔吐或瀉者。六君子湯加乾姜藿香。遇勞腫痛者。八物湯倍參芪歸朮。遇怒腫痛者。八物湯加山梔。

又有核小全不痛。久則潰漏療益難

鬱怒有傷肝脾。結核如蟹碁子大。不痛不

癌。滴盡氣血方死。急用十六味流氣飲。及單青皮湯兼服。虛者只用清肝解鬱湯。或十全大補湯。更加清心靜養。庶可苟延歲月。經年以後。必于乳下潰一穴出膿。及中年無夫婦人。死尤速。故曰夫者妻之天。惟初起不分屬何經絡。急用葱白寸許。生半夏一枚。搗爛爲丸。芡實大。以綿裹之。如患左塞右鼻。患右塞左鼻。一宿而消。

男兒乳疾何須怪。怒慾損傷精血乾

男子乳疾。治與婦人微異者。女損肝胃。男損肝腎。蓋怒火房慾過度。以致肝虛血燥。

腎虛精怯。不得上行。痰瘀凝滯。亦能結核。婦人胎產後亦有肝虛者。大概男子兩乳腫者。瓜蒌散十六味流氣飲。左乳者。足三陰虛鬱怒所致。八物湯加山梔牡丹皮。或清肝解鬱湯。火盛風熱者。更加炒黑草龍胆五分。腎虛者腎氣丸。食少作嘔。胸脇作痛。日晡頭痛。溺澀者。六君子湯加芎歸柴胡山梔。潰爛作痛者。十全大補湯腎氣丸。因勞怒則痛。併發寒熱者。補中益氣湯加炒黑山梔。不可輕用清熱敗毒之劑。

【肺癰】因【痿】火益炎

經年久咳熱極。葉焦而為痿。猶草木亢甚。則枝葉痿落也。火燥甚。則腐脹為膿血。成癰病。因汗吐下後亡津。或腎虛

能轉側。或厚味薰蒸而成。其候惡風咳嗽。鼻塞流涕。項強不能轉側。皮膚不澤。胸脇脹滿。呼吸不利。吐痰血腥穢。

癰口乾燥痿涎粘膿成胸痛或開竅調利金水胃脾堅。肺痿脈數而實。寒熱

中涎多。知母茯苓湯主之。如咯而將變癰者。紫苑散。火盛者。人參平肺散。為丸含化。虛損者。劫勞散。虛冷不渴者。炙甘草湯加乾姜。喘急有寒邪者。小青龍湯。喘急

面浮鼻塞胸脹者。古葶藶散。是知肺痿有寒有熱。而以清金降火豁痰為主也。○肺癰脈數而虛。口燥咽乾。胸脇隱痛。二便赤澀。咳唾膿血腥臭。置之水中則沈。桔梗湯主

之。如吐膿者。消痰飲。咽痛者。甘桔湯。便秘者。太乙膏。為丸白湯下。又有胸脇間開一竅。口中所咳膿血。與竅相應而出者。宜大補氣血。血多者。梅豆湯。冷熱不調者。

雲母膏為丸。甘桔湯下。痰多少食者。托裏清中湯。咳喘短氣溺少者。參芪補肺湯。脾虛少食者。參朮補脾湯。七情飢飽勞力傷脾肺者。團參飲子。咳唾痰壅者。腎虛也。腎

氣丸。口乾燥者。虛火也。八味丸去附子加五味子。有吐膿血如肺癰。口臭。諸般藥不効者。消風散加髮灰米飲下。大概面赤當補脾腎。面白當補脾肺。蓋補脾以生肺金。

補肺以生腎水也。如陰火發熱。咳吐膿血。痰如糯米粥。脈浮大者死。若膿血自止。脈浮而短濇者生。

【心癰】胸發名井疽。胸乳間生蜂窠癰發名井疽。狀如豆大。三四日起。不早治。入於腹。十日死。

外發可治內傷。降火清心爲要藥。心熱盛極。急用疎導心火之藥。遲則不救。大便澁者。清心散。或涼膈散去硝磺加白

芫天花粉罌麥木通。大便祕者。內固清心散。或涼膈散去硝磺加白芫天花生地。

【脇癰】一樣忌虛補。初起神効瓜蒌湯。或柴胡清肝湯。蓋胸脇肝心火盛。虛中有熱。決不敢投陽藥。潰後方敢清熱托裏。兼滋腎水。誤投熱藥。

易傷骨膜。慎之。○脇癰用鷄屎粘搗爛。入鹽少許。醋和敷之。消腫止痛。膿成者敷之。卽安。

【胃癰】胃熱咳膿血。人迎反盛胃脈沉。胃脘癰。因飲食七情火鬱。復被外感寒氣所隔。使熱濁之氣。填塞胃脘。胃中清

氣下陷。故胃脈沉細。惟寒氣所隔。故人迎緊盛。有此二脈者。胃癰真也。

寒熱如瘧皮毛縱。先宜疎利次補升。外症寒熱如瘧。胃濁則肺金失養。故身皮錯縱。或咳或嘔。或唾膿血。俱大射干湯主之。

胃火盛者。清胃散。痰壅者。甘桔湯。大便不利者。太乙膏爲丸服。小便不利者。三仁湯。內痛者。失笑散。虛而痛者。牡丹散。膿出食少者。補中益氣湯升提胃氣。或佐以

前藥調之。不可專治其瘡。

【腸癰】小腹痛若淋。濕熱痰瘀注內膜。甚者腹脹有水聲。便膿臍瘡皆敗

惡。濕熱鬱積成癰。痰火盛者。脈數而滑。挾瘀血多者。脈數而芤。外症小腹腫強。

按之則痛。小便若淋。儼似奔豚。發熱惡寒。脈遲緊者。未有膿也。大黃湯或五香連翹湯下之。不敢下者。敗毒散加秦芫連翹。脈芤滿者。四物湯加桃仁紅花玄胡索木香。脈洪數者。已有膿也。三仁湯神效瓜萸湯。小腹疼痛。小便不利者。膿壅滯也。牡

丹散。若腹脹大轉側聞有水聲。或遠臍生瘡出膿。大便屢下膿血者。不治。

有虛冷皮甲錯。腹皮似腫按軟弱。中無積聚外無潮。脈數還宜用溫藥。

脈數外無潮熱。內無積聚。身皮甲錯。腹急如腫。按之却軟。乃內虛陰冷。凝痰成癰。牡丹散或內托十宣散。加茯苓。甚者敗醬散。以小便利為驗。

又有冷熱相交併。消瘀和中後補托。腸癰冷熱症。用雲母膏為丸。牛膠煎酒下。刺去瘀膿則愈。其間有痛甚大便從小便出。

者亦宜。如下膿過多者。梅豆湯合甘桔湯和之。臘礬丸尤妙。膿止後內托十宣散或八物湯補中益氣湯。以固本元。愈後却宜靜養。若動作躁暴。或被驚恐。則腸斷而死。

凡癰生小腸分尤可。大腸分近肛門者。難治。肛門破者。即死。

【腹癰】腹痛關脈數。飲食七情火滯着。腹癰生於肚腹皮裏膜外。左關脈洪數而腹痛甚者是也。膏梁七情火鬱。以致脾

虛氣滯而成。小兒多因驚積虧損而成。食積疝氣相類。不可誤治。

無膿腫硬色如常。慢腫堅硬。肉色不變。未有膿也。四君子湯加芎歸白芷枳壳。或托裏散。若癩腫痛甚者。邪氣實也。先用活命飲隔蒜灸以拔其毒。後

用托裏散以補其氣。

膿成腫軟色赭若。腫起而軟。色赭赤者。膿成也。托裏消毒散。若膿成而不外潰者。氣血虛也。臥針刺之。

潰未皆宜壯胃元。行經活血忌涼藥。不問初起已潰未潰。俱宜壯胃元氣。而佐以行經活血。若誤用尅伐及利下涼藥。則腫不

能潰。潰不能斂。壯者難治。老弱立死。若曾經誤下及服降火破氣消瘀之藥。大劑參芪姜附或十全大補湯救之。

吁嗟九疽認亦難。按穴方知審經絡。中府屬肺。巨闕屬心。期門屬肝。章門屬脾。中脘屬胃。京門屬腎。天樞屬大腸。丹田屬

三焦。關元屬小腸。每穴內隱隱痛者為疽。肉上微起者為癰。假如中府隱痛者。肺疽也。肉上微起者。肺癰也。各穴做此。十六味流氣飲或托裏散加當歸山梔黃芩杏仁。

五、背腰部 背發七種 腰發二種

【發背】五臟毒蘊成。七情六慾外邪并。背雖膀胱督脉所主。然五臟所係於背。或醞酒厚味。或鬱怒房勞。以致水枯

火炎。痰凝氣滯。或被外邪與毒相搏。隨處發生。

肩下脊上脾家毒。發在肩下脊上。乃因飲食感毒。廣一尺。深一寸。雖潰在骨。不穿膜不死。急治脾胃中之毒。內服護心散。外用敷藥。恐毒奔心。大

●要服藥截住。如通脊背腫者。不可救。

偏右蓮蓬子內生。

蓮子發生于右脾。中外如蓮。蓬內有子孔。恐其毒奔入心。大要用托裏散加芥連黃柏荷蓋散之。不令攻心。漸消可治。通背腫者危。

偏左初起汗即散。

脾發生於左膊間。初起可用燈火點破。內服追疔湯。汗之即散。

左搭右搭肺肝情。

右搭肩發。骨上。生者。以動之處可治。若串左肩難治。左搭肩發。骨上。生者。以動之處可治。若串右肩難治。二症內服托裏散加升

麻桔梗。外用去惡散或綿絮燒灰。為末糝之。乾者麻油調搽。

脊中蜂窠防膜透。

蜂窠發。正當脊心。形如蜂窠有孔。在上者不宜最為反症。宜托裏散加菊花生肌定痛。防毒攻心。難治。因心火未發故也。

對心火毒太相凌。

對心發極重。因心火甚而熱氣會生於此。其毒壯盛走暴。急用疎導心火之藥解之。

散走流注風熱盛。

散走流注發。毒氣乘風熱而走。急宜疎風定熱治之。則氣自息。若流注於手脚腿者。必死無疑。

氣食陰虛龜見形。

此發頭尾俱尖。四邊橫大。如龜之形。因飲食所致。而氣食相關。合陰虛而成之。氣虛而發者。所以開口而闕。急服托裏補藥。

腎俞濕熱單生發。房怒兼之雙發平。

腎俞發。因受濕并怒氣。飲熱酒傷於內腎。流毒腎俞生疽。急用藥解內腎之毒。若腎

經見有濕熱。更加房勞鬱怒過度。則兩腎俞穴生發。陽發於外者可治。陰發痰發傷腎膜及膿稀者死。又有腎俞一發。脾骨上。一發。肩膊上。又生一發。又謂之雙發。

慢腫難治。焮腫易。焮腫發熱。疼痛色赤。作渴脈滑數有力。先服活命飲。後用托裏消毒散。慢腫不熱。微疼色黯。作渴脈數無力者。腎虛也。托裏散。少

食者六君子湯加姜。補熱陰虛者。四物湯加參朮。或腎氣丸。惡寒熱四邊漸大者。陽虛也。單人參湯十全大補湯。小便頻數者。八味丸。初起食少者。邪盛脾虧也。急用

補中益氣湯救之。今俗專用賽命丹一捻金。施於因怒因飲食毒及肥人則可。若瘦人及因慾火者。反燥陰作渴致泄。或血澁毒氣不行。惟初起或一服之則可。凡焮腫氣血

勝毒易治。慢腫服托藥不應者。乃毒勝氣血。死在旬日。或已發出而不腐潰者。須急

用托裏藥。兼補脾胃。不應。死在二旬。若已潰而色不紅活者。用托裏散加參芪肉桂及補脾之藥。却不能生肌。瘡口黯暈。大而不斂。乃脾崩也。死在月餘。

總論中間法可憑。表症內托發汗。裏症內疎通。在經和解。體虛者。未潰托裏消毒。已潰托裏溫補。詳前總論。

六. 臀腿部 臀癰附臀蛆瘡 便毒 路歧 懸癰附穀道中瘡 痔漏 陰瘡 陰囊癰附小兒陰囊生瘡 婦人陰瘡附交接出血 附骨疽附腿上寒

濕瘡 杖瘡

【臀癰】太陽部位奧。雖然多血氣罕到。臀居小腹之後。部位僻奧。雖曰多血。然氣既罕到。血亦罕來。中年患此。誠為可慮。

慮。

陰虛濕熱是病根。內托固裏性無躁。初起未成膿者。隔蒜灸再用蔥熨法。欲作膿者。內托羌活湯。痛甚者活命飲。腫硬痛

者。托裏消毒散。微腫痛者。托裏散。脾虛不能消散。或食少不作膿者。六君子湯加芎歸黃芪。偏右腎腿者尤宜。腎虛不能消散。或作渴溺淋者。腎氣丸。有脾虛誤服消導藥。以致氣陷下腫痛甚者。補中益氣湯或十全大補湯。潰後尤宜進此二藥。以固其裏。兼節酒色。戒躁暴。乃可萬全。○腎蛆瘡痛痒者。摩風膏。只痒甚有虫者。用硫黃一兩。人言一錢為末。用醋調勻。慢火熬乾。復熬化。如火起。將醋酒數次傾地下。待冷成餅。用麻油磨濃。候瘡痒抓破。擦上三日即愈。

【便癰】屬足厥陰肝。

俗云便毒。實血疝也。生於腿脰小腹之間。乃厥陰肝經及衝任督三脉隧道。乃精氣出入之處也。

房慾強精只一端。

或入房忍精。或思色不遂。或當泄不泄。敗精凝滯為癰。腫痛在脰腹之間。先用五苓散利去敗精。便祕加大黃。有寒熱者小柴胡湯。

加山梔澤瀉。後用腎氣丸以補精。兼逐瘀血。

濕熱因勞或被冷補瀉方詢便易難。

內有濕熱。外被寒邪。相拒敗瘀不得散。治宜清肝火。活瘀血。滲利腎經邪水。體實二

便難者。兩鮮湯八正散。扶鬱怒者。流氣飲子。或復元通氣散加天花粉白芷清木香。腫痛甚者。活命飲。濕熱壅滯者。龍胆瀉肝湯。體薄大便易而小便澀者。小柴胡湯加芎歸知柏澤瀉。或神効瓜蒌湯加柴胡山梔。痛甚者。活命飲去大黃。○濕熱因勞倦氣滯者。補中益氣湯。潰後俱宜托裏散八物湯加柴胡。或十全大補湯。久欲成漏者。臘

黎丸。○單方用紫花地丁搗酒服最妙。

騎馬兩邊異名爾。

便毒左右兩邊俱發。或先有疔瘡而發。或卒然起核疼痛而發。用藥同前。古方初起宜國老膏入皂角炭少許主之。外用鳳尾草煎湯。

洗淨以明松香爲末。日三次乾
糝自愈。愈後仍戒房室行動。

【路岐】些小跨襠間。

腫痛者內服單蜘蛛方。外用炒葱熨三五次。後以消毒消腫藥
加大黃木鱉子南星草烏敷之。破者用生肌散。其症小兒患之

。多因食

積痰滯。

【懸癰】疔三陰虧損。

生穀道前陰囊之間。初發甚痒。狀如松子。漸如蓮子。日久
如桃李。加以赤腫。若破則大小便從此中而出。不可救也。

輕則漏瀝重則殞

輕則瀝盡氣血而亡。
重則內潰卽死。

初起量與清濕熱。

初起濕熱壅滯作痛溺澀者。活
命飲去大黃。或龍胆瀉肝湯。

大補氣血猶恐晚。

不成膿不潰者。八物湯。膿已成者急針之。欲其生肌收斂。腎虛者
腎氣丸。血虛者四物湯加參朮。氣虛者四君子湯加芎歸。脾虛者

補中益氣湯。久成漏者十全大補湯蠟鑿丸。此疾首尾常服國老膏。雖患亦輕。雖潰亦
淺。誤用寒涼。則不可救。○穀道中生瘡。用水中苜蓿。細搗綿裹。納下部。日三次卽
愈。

【五痔】原因食色傷

經曰。因而飽食。筋脈橫解。腸癰爲痔。蓋飽食則脾不能運。食
積停聚大腸。脾土一虛。肺金失養。則肝木寡畏。風邪乘虛下

流。輕則腸風下血。重則變爲痔類。或醉飽入房。精氣脫泄。熱毒乘虛下注。或淫穢入
房。過甚傷筋。忍精停毒。甚則以男交男。致傷膀胱與腎肝筋脉。蓋膀胱筋脉。抵腰

絡腎貫腎走肝環前後二陰故痔乃筋脉病發則面青痛甚肝苦急也○五痔。牡痔肛邊如鼠乳。牝痔肛邊一枚生瘡陷入腸痔結核腸內脫肛出血。血痔大便清血隨下如射線。脉痔腸口頻頻發癩。出血且痛且痒。五痔散主之。又有雙痔肛門腫痛便難。強力則肛出不收。加味香蘇散。酒痔飲酒則發。乾葛湯。虫痔浸淫濕爛。歲積月累。蝕腸穿穴。蝟皮丸黑玉丹。凡毒深者。大如鷄冠蓮花核桃。毒淺者小如松子牛乳鷄心鼠乳櫻桃。雖種種不同。皆三陰虛也。

濕熱風躁毒歸腸。痔非外邪。乃臟內濕熱風燥。四氣相合。蘊久流入大腸而成毒。有痛極者。火熱也。痛痒者。風熱也。大便祕者。燥熱也。小便澀者。肝火濕熱也。又瘡頭向上或硬者。熱多。向下或軟者。濕多。

涼血和氣清濕熱潤燥疎風止痛痒。痔以涼血為主。蓋熱則傷血。血滯則氣亦不運。而大腸下墜作痛。大要以槐花槐角生地

涼血芎歸桃仁和血生血。枳壳行氣寬腸。芩連山梔清熱。黃柏防已澤瀉行溫。麻仁大黃潤燥。秦芩荆芥防風風邪。陷下久者。防風升麻提之。氣弱者人參黃芪補之。氣不順者木香檳榔和之。古方熱痔黃連阿膠丸清心丸槐角丸槐胆丹。濕熱加味連壳丸或四物湯合敗毒散。風濕蒸芎湯。燥痔四順清涼飲。下血者芎歸丸。苦參丸。痛者止痛丸。痒者黑玉丹。腫硬者豚蝟丸。

外法割剔終有害。刀割線剔。損臟傷命。藥貼藥敷。閉毒變漏。初起只宜蒜灸。已成者防風荆芥槐花木鱉扑硝煎湯薰洗。滑脫加文蛤蓮蓬。洗後用古

熊冰膏蜈蚣油塗之。內痔宜內生肌丸。忌搽藥。

斷根滋補忌寒涼。

體質屬肺與大腸風熱者。加味槐角丸。加味地黃丸。三神丸。斷根更。易。體質屬肝脾腎三經陰精損者。腎氣丸。補中益氣湯。十全大補

湯。以滋化源。更節嗜慾。謹起居。方可斷根。又有兼下疳瘡者。有莖中出白津者。有兼疝者。蓋肝腎不足。變出勿專服寒涼瀉火。○蜈蚣油。端午取大蜈蚣一條。竹簽陰乾。搗發剪一寸煨存性。桐油調塗。輕則不發。重則次月對週日又發。再剪一寸。煨塗斷根。又發用生蜈蚣數條浸麻油內。俟生微略熬化。塗痔及諸瘡癬。

【尤漏】須知初與久。

凡癰疽久則宿膿腐肉。停蓄其間。穿孔必深。風冷外浸。涓涓穢膿流出。如缸之有漏孔。九漏。肝主狼漏。胃主鼠漏。大腸

主螻蠅漏。脾主蜂漏。肺主批蜂漏。心主蟻蠅漏。胆主浮蛆漏。腎主癩癩漏。小腸主轉筋漏。原因氣血壅滯。染觸蠢動含靈之毒。而名。其因治則一也。在痔則有穿腸穿腎穿陰者。又有無痔肛門左右別生一竅。流膿血。名爲箆漏。竅在皮膚者易愈。臟腑損者難治。又有原因痔漏。肛邊別生一塊作膿。就在痔孔出者。乃食積注下也。宜連槐散。

初濕熱兮久濕寒。

痔止出血。始終是熱。漏流膿血。初是濕熱。久是濕寒。初起淡紅微腫小核。宜涼血清熱燥濕。牽牛酒加味槐角丸。臟頭丸。古枳巴丸。

連歸丸。久則內如稿白。外如黑腐。淫虫惡臭。宜澁竅殺虫溫補。黑玉丹。釣腸丸。芎歸丸。苦參丸。蠟攀丸。又有初起因風冷者。久則虛而挾濕熱者。

大補氣血兼艾灸。薰洗平肌塞竅端。

十全大補湯。補中益氣湯。黃芪六一湯。主之。丹溪用參朮黃芪芎歸爲君。佐以蟬皮蛇退。

牛角腮蜂房之類。服之。外用津唾調附子末作餅。如錢厚。放槍上。漏大炷大。漏小炷小。灸令微熱。不可令痛。乾則易新餅再灸。如倦暫止。次日又灸。直至肉平爲度。外

用雲母膏貼之。畏炙者內生肌丸最妙。他如熏洗方齒髮散蜂房散。平肌寒竅取膿取虫諸方。粗實者酌用。清貴者慎之。

【陰瘡】三等屬腎肝。濕瘡風濕痒如癬。濕陰瘡由腎虛風濕相搏。邪氣乘之。搔痒成瘡。侵淫汁出。狀如瘡癬。

妬精作白腫痛痒。妬精瘡。因久曠房室。思色動慾。以致敗精流。入莖內。初發如粟。赤腫潰爛。作白痛痒妨悶。

陰蝕莖丸腫相繚。陰蝕瘡。因婦人子宮有敗精。帶濁。或月水未盡。與之交合。房室後。又未洗浴。男子腎虛。邪穢滯氣。遂令陰莖連翠丸腫痛。小便如

淋。

甚久潰爛成下疳。經久潰爛。侵蝕肌肉。血出不止。以成下疳。瘡久不愈。必成楊梅瘡。宜服仙遺糧湯預防之。

寒熱煩渴宜詳辨。非虛便是濕熱侵。身體煩熱壯熱惡寒。急宜治之。陰血虛而有熱者。小柴胡湯加參朮芎歸。腫痛發熱者。小柴胡湯加龍胆草黃連青皮。熱勝二便

四物湯加柴胡山梔。濕熱腫痛健裂寒熱者。小柴胡湯加龍胆草黃連青皮。熱勝二便。秘者。八正散。濕熱盛則腫痛溺澀及莖縮縱痒痛。或出白津者。龍胆瀉肝湯。如氣虛者。補中益氣湯加龍胆草山梔。煩渴不止者。竹葉黃芪湯。腫潰後氣血虛而有火者。八物湯加柴胡山梔。無火大便軟者。托裏散內托十宣散。大要此症肝經陰虛為本。肝

痛寒熱為標。宜常服腎氣丸。若專治肝則誤矣。

莖痒津出多脾軟。莖中痒。出白津。多因脾土軟弱。不能滋生金水。以致肝經血虛火燥。宜補中益氣湯。與清心蓮子飲間服。蓋脾胃為肝腎之源。心

主之。○外治濕陰瘡。柏蛤散銅綠散。妬精瘡。津調散盧腦散。陰蝕瘡。鳳衣散。下疳瘡。早螺散。玉葦破裂腫痛者。鷲管散。爛臭成瘦者。截肝散。或用洗藥。腎莖上生瘡者。不合口者。用經布燒灰密調塗上則愈。有陰毛間生虫作痒者。搗桃仁泥塗之。

【陰囊癰】屬肝腎經。都緣陰虛濕熱并。丹溪云。但以濕熱入肝施治。而佐以補陰。雖潰脫可愈。

溺澁清肝利濕毒。初起腫赤脹痛。小便澁滯。寒熱作渴。當清肝火。分清濕熱。宜黑龍湯吞滋腎丸。如全因入房囊腫大如斗許。小腹脹悶。溺澁發熱。

口乾痰壅。命在反掌。宜腎氣丸料加車前子牛膝煎吞滋腎丸。滲利濕熱後。仍腫痛者。宜補陰托裏。以速其膿而針之。若膿掀而便秘者。熱毒壅滯也。宜托裏消毒散。或

又不減者。熱毒未解也。宜清肝益榮湯。膿已成者。活命飲。

潰後托裏補陰精。膿潰皮脫。翠丸懸掛。或內見筋一條不消。陰囊悉腐。玉莖下面貼囊者亦腐。如半邊筆管。只宜托裏散加故紙黃芪五味子免絲子。

或四物湯加參朮吞腎氣丸。兼服補中益氣湯倍參芪歸朮。大補氣血。脾胃。切忌寒涼攻伐及淡滲損陰之藥。外涂白蠟膏。囊莖旬日可愈。雖曾去陰子亦無害。又有因水腫囊潰者。陰囊兩旁生瘡。濕痒甚者。牡礬丹。或連兩腿生風濕瘡者。硫磺散。○小兒陰囊生瘡。及陰股間汁出。先痒後痛。愈後復發。先以火炙瘡。抓去。加合乾以密敷之。却能搜麵作餅。炙熟乘熱熨之。冷則再炙再熨。以愈為度。

【婦人陰瘡】鬱火致。損傷肝脾濕熱注。如蛇如菌如雞冠。生虫腫痛痒脫。

墜

陰戶生瘡。乃七情鬱火損傷。肝脾濕熱下注。○陰中挺出一條。尺許如蛇。痛墜出水。溺澀者。朝服補中益氣湯。晚服龍胆瀉肝湯。外塗藜蘆膏而收。○陰中突出如菌如雞冠。四圍腫痛者。乃肝鬱脾虛下陷。先以補中益氣湯加山梔茯苓車前子青皮以清肝火。兼升脾氣。漸愈。更以歸脾湯加山梔茯苓川芎調理。外塗藜蘆膏。○陰戶突因勞力者。血虛。四物湯加龍骨。氣虛。補中益氣湯。○陰中生虫。隱如小蛆者。乃濕熱甚而心氣又鬱。氣血凝滯而生。宜藿香養胃湯補心湯占硫鯉丸。外用生艾汁調雄黃水。燒烟熏之。更用雄黃銳散納陰中。○陰中生細虫。痒不可忍。食入臟腑即死。令人發寒熱。與癆症相似。先以蛇床子煎湯洗淨拭乾。後用梓樹皮焙乾為末。入枯礬四分之一。麝香少許。敷之立効。○陰戶兩旁腫痛。手足不能舒伸者。用四季葱入乳香末同搗成餅。安陰中立効。○陰腫痛極。便秘欲死者。枳橘熨。但腫痛者。四物湯加柴胡山梔牡丹皮龍胆草。如時常陰痛者。四物湯加藁本防風。○陰戶腫痛不閉者。逍遙散十全大補湯。腫消不閉者。補中益氣湯。墜腫者。加山梔牡丹皮。○濕痒出水又痛者。憂思過也。歸脾湯加柴胡山梔牡丹芍藥生甘草。○潰爛者。逍遙散。

內症熱倦經不調。食少胸滿尿澀滯。

陰戶腫痛不閉。寒熱溺澀。體倦少食者。補中益氣湯加升麻柴胡至一錢。量入茯苓山

梔。○陰戶不閉。小便淋瀝腹中一物攻動脹痛者。逍遙散加柴胡山梔車前子。

又有交接血即來。涼藥房勞當禁忌。

交接出血。乃房室有傷。肝脾虛不藏血。補中益氣湯。外用熟艾帛裹入陰中。或用亂

髮青皮燒灰敷之。若出血過多。見雜症者。調補肝脾自愈。

【附骨疽】毒深着骨。賊風石緩不可忽。賊風得熱痛少寬。骨髓。故其痛亦徹。

骨。遇寒則甚。外症惡寒有汗。痛處常欲熱。失治變爲彎曲偏枯。宜越婢湯主之。

【緩】慢色黯【石】硬硯。緩疽石疽。皆寒氣伏于骨髓。但緩疽其熱緩慢。色紫黯。久則皮肉俱爛。石疽腫與皮肉相似。疼痛堅硬如石。二者初

起便宜溫熱托裏補虛。次乃隨症調治。

附疽內痛真如錐。外肉全無赤腫突。粗人多因冷露侵。濕熱痰火虛家發。

外感因露臥風冷。寒濕襲深者。初起痛不能轉。寒熱無汗經久寒鬱爲熱便秘者。漏蘆飲子主之。有不敢下者。須分經內托汗散。在尻臀者。內托羌活湯。腿內近膝股漫腫木硬者。內托芪柴湯。腿外者。內托酒煎湯。左腿外側。漫腫長闊。行步作痛。以手按至骨大痛者。黃連消毒散。通用檳蘇散敗毒散。內傷厚味。及勞役與酒後乘涼浴水。邪入脾樞。環跳穴左右。積痰瘀血搏成。宜青草蒼柏湯微汗。服此不愈。恐疽將成者。急掘地坑。用火燒紅。沃以小使。令患者赤體坐其上。以被席圍抱下截。使熱氣薰蒸。膝理開。氣血暢。而愈。內傷生冷飲食。寒涼藥物。血凝於內。飲食如常。活命飲。食少體倦者。六君子湯加常歸藿香。如因勞役傷食。右腿偏腫者。補中益氣湯。內傷鬱怒。腫痛如錐。赤暈散漫。先用活命飲。次用八物湯加柴胡牡丹皮山梔。內傷勞役。兩腿腫痛。寒熱食少。此濕痰下注也。補中益氣湯加半夏茯苓芍藥。內傷房室。兩腎腫硬。二便不通者。腎氣丸料加車前子牛膝煎服。兼用十全大補湯。有寒熱者。逍遙散。抑考附疽初起宜青皮甘草節二味煎服。以行其氣。或灸熨患處。若膿已

成。即用火針。使毒不得內潰。帶生用亦無妨。且不痛又易斂口。○附骨疽慢腫光色者。用蜂房蛇退頭髮灰各等分爲末。每三錢酒調服。或神應膏爲丸梧子大。每三十丸。溫酒下。外仍貼之。已潰者用平肌散。或狗頭骨燒烟薰之。魚眼瘡亦妙。○腿上一切寒熱瘡。用鴿子糞煨過爲末。乾糝。如燥痛加黃丹少許。桐油調敷。凡癰疽生伏者。穴者。不治。

【杖瘡】破瘀止其疼。定心補益是後節。杖瘡於法本不當治。據古方破瘀去血爲先。一杖畢。即飲童便和酒。不可喫茶。

免血攻心。待神氣定後。體盛者用鷄鳴散下之。體薄者瘡攻寒熱。惡心少食。宜當歸鬚散加柴胡羌活。氣鬱加木香。心腹脹痛加重便。心下脹滿氣不通暢加木香檳榔。外用熱豆腐鋪在杖處。其氣如蒸。其腐即紫。復以熱豆腐鋪之。以紫肉散盡。淡紅爲度。出膿血潰爛者。亦宜。甚者內服乳香定痛散。隨以熱酒盡量而飲。虛者潰後宜大補氣血脾胃。兼吞紫河車丹。最易平復。外貼黃臘膏馬齒膏。凡杖瘡忽乾。毒攻腹內。恍惚煩悶嘔吐者。難治。

七. 足膝部

鶴膝風 人面瘡 腎臟風瘡 膝瘡 脚根瘡附脚肚瘡及袴口瘡
脚發 嵌甲瘡 脚指了瘡 脚背發

【鶴膝風】如鶴之膝。三陰虧損風邪入。足三陰虧損。風邪乘之。以致內熱減食。肌瘦肢體攣痛。久則膝愈大而腿愈細。

有如鶴之膝然。初起宜用葱熨法以內消之。寒熱者。五積交加散加烏藥姜蠶。已潰者獨活寄生湯。大防風湯。

亦有虛火陰血枯。所以痢後多此疾。陽虛熱來復去者。無根虛火也。十全大補湯。大防風湯。臍腹疼痛。溺頻頭暈吐痰者。八

物丸。發熱大渴。面赤脉大。血虛甚也。古歸芪湯。○陰虛形瘦發熱者。腎氣丸。挾濕熱者。蒼龜丸。二炒蒼柏散。食少面黃者。六君子湯。津乾中氣不足者。○補中益氣湯

加五味子。膿清肌肉不生者。八物湯。婦人月經不調。發熱口渴。兩膝腫痛者。腎氣丸。蒼龜丸。逍遙散。加牛膝杜仲黃柏。

【人面】相傳積業冤。貝母一施淚便出。瘡象人面。眼口鼻全。多生膝上。亦有臂

悔過。內服十六味流氣飲。久者大苦參丸。腎氣丸。外用貝母爲末。敷之。乃聚眉閉口。仍用生肌斂口而愈。

【腎臟風】瘡有如癬。初起脛上遍身攻。此非膿瘡。亦非外腎風瘡。乃腎虛有火。血燥。或思色。精不出而內敗。初起兩

足時熱。脚根作痛。多於內脛。或膿上痒極。抓破成瘡。久則能漸延開。失治。延及腿股遍身者有之。

外症瘙痒滴膿水。內症潮汗痰倦如。倦怠。治以腎氣丸爲主。佐以四生散。腰脚

脾胃虛者。補中益氣湯爲主。佐以腎氣丸。四生散。又有遍身生瘡。膿水淋漓。兩腿尤甚。體倦作痒。經年不愈。乃腎虛火也。八味丸主之。○外治謝傳傷手瘡。方白膠香散。

【膿瘡】腫痛濕熱甚。生兩膿上。初起嫩腫作痛寒熱者。屬外邪濕熱。積蘇散敗毒散主之。毒盛發寒熱者。活命飲。

慢腫寒熱陰分虧。慢腫作痛。或不腫不痛。屬三陰虛也。或發寒熱。俱宜八物湯十全大補湯。脾虛挾表邪者。補中益氣湯加桔梗白芷。脾虛濕熱流膿。

口乾少食者。補中益氣湯加茯苓芍藥。晡熱加炒黑黃柏熟地。挾怒氣加山梔川芎。有鬱者歸脾湯加山梔柴胡。若患處黑黯。肢體惡寒飲食少思者。屬肝腎虛敗宜（八味丸）

內熱口乾者。腎氣丸。久不愈者。大苦參丸。腎臟虛風。四生散黃芪丸。

外足三陽需外治。內足三陰更難醫。

外治外臙瘡。因風濕者。洗以葱湯。次用龍骨膏貼之。風熱者。馬齒膏。濕熱者。審土膏。

因血氣凝滯者。小駐車丸加乳香少許糝之。○內臙瘡初起。洗以鹽湯。次以蠟燭紙貼之。重者。桐油膏。痒甚者。斬艾膏。久不愈者。內外通用爐灰膏。點去瘻肉。後貼黃蠟膏。然內必量體服藥。若誤用攻伐傷胃者。亦能殺人。

【腳根瘡】乃督腎部內因虧損足三陰。

脚根。乃督脉發源。腎經過脉。內因飲食起居。虧損。足三陰所致。或外被犬兔所

咬而成。

初必腳軟并跟痛。一味滋補免侵尋。

慢腫食少者。補中益氣湯。哺熱頭昏者。逍遙散。腎氣丸。咳嗽吐痰者。十全大補湯。八

味丸。久不斂口。滴盡氣血而死。○脚肚上生瘡。初如粟。漸大抓搔不已。成片包腳。相交。黃水流。痒不可忍。久成痼疾。難愈。先用貫衆煎湯淋洗。後用百藥煎為末。津

唾調。逐旋塗敷。自外而入。○袴口瘡。生於脚脛。或因物打撲而成。其瘡口狹。皮內極闊。皮薄如竹膜。極痒痛。終日黃水流。延蔓而生。甚者數十年不愈。又易於染人。患

者須忌房室。則易愈。用韭菜地乾地龍屎為末。入清粉清油或白犬血調敷。內外臙瘡亦治。

【腳發】足心或縫間。三陽易治。三陰難。

生足掌或足指縫間。色赤腫痛膿稠者。屬足三陽。濕熱下注易治。微赤微腫膿

清者。屬足三陰。虧損。難治。若黑黯不腫痛不潰膿。煩熱作渴。小便淋瀝者。陰敗未傳。惡症不治。

湧泉發熱乃其兆。灸熨滋降可保安。

治法。濕熱下注者。先用隔蒜灸。及活命飲以解蘊毒。次服補中益氣湯腎氣丸。以補精

氣。三陰虛者。初起托裏消毒散或托裏散加牛膝檳榔杜仲。或托裏消毒散。潰後大防風湯十全大補湯八味丸。陰虛足心熱者。四物湯加知母黃柏。脾虧者。補中益氣湯。若專治瘡者死。

又有【嵌甲】不能行【五指濕爛】如湯潑。

（嵌甲）因靴窄研損。爪甲陷入。四邊腫嫩。黃水流出。侵淫相染。五

指濕爛。漸漸引上脚踏。抱漿四起。如湯潑火燒。日夜倍增。不能行動。以陳皮濃煎湯浸良久。甲肉自相離開。輕手剪去。肉中爪甲。外用蛇退一條。燒灰。雄黃四錢爲末。乾糝。乾者香油調敷。與甲疽條參治。○脚指了瘡。濕爛。及足指角急。爲甲所入肉。便刺作瘡。濕爛用枯礬三錢黃丹五分爲末糝之。或鵝掌黃皮燒灰糝之。○又方用細茶嚼爛敷之。因暑手抓。兩脚爛瘡。亦宜。能解熱燥故也。○指縫搔痒成瘡。血出不止。用糞桶穢篋燒灰敷之。○脚上及指縫中沙瘡。用燕窠泥略炒。黃柏二味爲末。香油調敷。痛者加乳香。

【腳背發】必兼消渴。輕者赤痛猶可活。重潰色黑名脫疽。甚重筋骨寧斬

割。脚背發。又名脫疽疔。以其能潰脫也。亦有患於手背及手指者。原因膏深房室。損傷脾腎。或先渴而後發。或先發而後渴。輕者色赤。作痛自潰。可治先用隔蒜灸。內服活

命飲或敗毒散加金銀花白芷大黃。痛止乃與托裏散或內托十宣散去桂加天花粉金銀花。挾氣者。十六呼流氣飲。下虛者。十全大補湯八味丸大苦參丸。○重者色黯不痛。先用隔蒜灸。吏服補藥固內。則惡肉不致上侵。庶可保生。又有內修手足口咬等傷。或外塗生肌涼藥。內服剋伐。兼犯房室。患處不潰不痛。色黯上延。亦多致殞。重者須用利刀解去其筋。則筋骨出而毒得泄。又甚在指則斬去其指。在肉割去其肉。外治用桐油及無名異煎一沸。入花椒一勺。看瘡大小剪蓼葉在內煎。同侵一七後。單以此葉貼瘡上即安。

八. 遍身部 五疥 五癩 血風瘡 癩風 楊梅瘡 疔瘡 多骨疽 翻花瘡
 流注 癩 痲 暑濕瘡 癩瘡 癩瘡 寒冷瘡 凍瘡 手足皸
 蝸瘡 癩瘡 侵淫瘡 白蛇纏 湯火瘡 肌瘡
 疣瘡 漆瘡 竹木刺 折傷 破傷風

【五疥】乾濕虫砂膿。五疥由五臟蘊毒而發。屬足三陰者尤多。

便祕爲實利虛風。瘡有遍體。難分經絡。必憑外症。以斷虛實。妖腫作痛。便祕硬。發熱者。爲風毒濕熱。慢腫痒痛。晡熱或時時熱。體倦少食。便順利者。爲血虛風熱。

乾疥癢痒肺燥甚。乾疥癢痒。皮枯屑起。便祕者。爲心肝火鬱於肺。四順清涼飲古荊黃湯搜風順氣丸。久者天門冬膏。便利者爲相火鬱於肺活血潤燥

生津飲。或四物湯加黃芩連翹天門冬。久者腎氣丸。久虛古烏荊丸。如素有肺風。面上多粉刺者。鞞皮散。

濕毒腫脾胃攻

濕疥腫腫作痛。久則水流如黑豆汁。便秘者。為脾鬱熱。毒防風通聖散。俱酒蒸。或炒大黃。另用酒煨炒三次。加木鱉子。或升麻

葛根湯加天麻蟬退。氣滯復元通氣散。濕勝者除濕丹。便利者為脾虛濕熱。補中益氣湯。量加芩連。清熱。芎芷燥濕。胃火作渴者。竹葉黃芪湯。脾鬱盜汗不寢者。歸脾湯。

溺澀腹脹者。胃苓湯加黃連。久者二炒蒼柏丸。濕勝單蒼朮。脾肺風毒者。何首烏散。

砂細作疼心血滯

砂疥如砂子細筒。或痛或痒。抓之有水。掀赤。乃心血凝滯。便秘者當歸丸或涼膈散合四物湯。久者酒蒸黃連丸。胸煩多痰者。牛

黃清心丸。心煩口乾小便不利者。連翹飲。便利者活血四物湯。久者當歸飲。

蟲瘡如癬肝火衝

火盛生虫。即腐草為螢意也。虫疥痒不知痛。延蔓易於傳染。便秘者。肝風熱甚。蘆薈丸。或敗毒散磨羚羊角汁刺之。久者古苦皂

丸。便利者肝經火鬱。逍遙散磨羚羊角汁刺之。久不愈者。胡麻散但諸瘡久則生虫。須兼外治敷洗為妙。

膿窠焮痛脾壅熱痛慢虛火腎不充

含漿稠膿。色厚焮痛便秘者。為濕熱。五香連翹湯升麻和氣飲。或竹葉石膏湯合四物

湯。含漿膿清。色淡不痛便利者。為腎虛火。八味逍遙散。或八物湯加知母黃柏。或四生散腎氣丸。

更分上下與肥瘦

上體多兼風熱。下體多兼風濕。肥人多風濕。瘦人多血熱。瘦弱虛損。腎枯火炎。縱有便秘發熱作渴等症。只宜滋陰降火。略加秦芫

蒼耳連翹之類。決不可純用風藥。涼血傷胃。因皮膚之疾。而壞臟腑者。有之。通用連歸湯。氣虛四君子湯。血虛合四物湯。風合消毒飲。濕合平胃散。

開鬱退熱殺其虫

開毒鬱。須辛溫。吳萸白芷之類。退肌熱。須苦寒。芩連大黃之類。殺虫須水銀之類。此丹溪外治三法也。乾疥吳茱萸散。或黃連大

黃爲末。豬胆汁調搽。濕疥一上散。砂疥剪草散。虫疥硫磺餅。膿窠三黃散。通用摩風膏。洗藥用荆芥黃柏苦參等分煎湯。痒加蛇床子川椒。腫加葱白。

【五癬】濕頑風馬牛總皆血熱肺邪留

疥癬皆血分熱燥。以致風毒尅於皮膚。浮淺者爲疥。深沈者爲癬。疥多挾熱。癬

多挾濕。疥發手足遍身。癬則肌肉癢疹。或圓或斜。或如苔梅。走散風癬。卽乾癬。搔之則有白屑。濕癬如虫行。搔之則有汁出。頑癬全然不知痛痒。牛癬如牛頸。皮厚且堅。馬癬微痒。白點相連。又曰狗癬。

清熱殺蟲祛風濕久則補腎自然收

諸風濕虫癬。與疥瘡大同。初起有可下者。打膿散。去黃連金銀花穿山甲芒硝。如赤

芍白芍。水酒各半煎。臨熟入大黃。露一宿。五更服。有可汗者。四物湯加荆芥麻黃各五錢。浮萍一兩。葱豉煎服。取汗。一切癩癬。皆效。經久不敢汗下者。只用防風通聖散去硝黃加浮萍皂刺水煎服。久年不愈體盛者。兼吞頑癬丸。或古龍虎丹。用何首烏白芷蘇木等分。及豬脂及鹽少許。浸酒送下。體虛者不可妄用風藥。氣虛者何首烏散。消風散。血燥者四聖不老丹。或腎氣丸。久服自效。有虫者俱宜間服蠟礬丸。○外治乾癬。用狼毒草烏各二錢半。斑貓七粒生爲末。津唾調搽。○濕癬用枯礬黃連各五錢。胡粉黃丹水銀各二錢。爲末。用豬脂油二兩。夾研合水銀星散盡。磁罐收貯搽之。○牛癬用舊皮鞋底。燒有性。入輕粉少許爲末。麻油調敷。○馬疥癬用馬鞭草。不犯錢器。搗自然汁半盞。飲盡。十日卽愈。○通用蘇油二兩。入巴豆草麻子各十四粒。斑貓七粒。熬煎三味枯黑。去渣。却入白蠟五錢。盧薈末三錢。攪勻磁罐收貯。括破塗

之。或用川槿皮浙剪草木鱉子等分爲末。醋調敷。○洗藥用紫蘇樟腦蒼耳浮萍煎湯。

【血風】血燥風熱鬱。初發疙瘡。或如丹。瘙痒抓破痛有水。妄投風藥血益

慳。血風瘡。乃三陰經風熱鬱。火血燥所致。瘙痒不常。抓破成瘡。膿水淋漓。內症晡熱盜汗。惡寒少食。體倦。所以不敢妄用風藥。大概肝風血燥。寒熱作痛者。當歸飲加柴

胡山梔。痛痒寒熱者。小柴胡湯加山梔黃連。夜熱語者。小柴胡湯加生地。肝脾鬱火食少寒熱者。八味逍遙散。脾虛晡熱盜汗不寐者。歸脾湯加山梔熟地。腎虛有熱。

作渴咳痰者。腎氣丸。通用遍身者。四物湯加浮萍黃芩等分。甚者紫雲風散換骨丸三蛇丹。兩足痛痒者。當歸拈痛湯。如因飲食後遍身痒如風瘡。抓至出血又痛者。用蟬

退薄荷等分爲末。每一錢。水洒調服。凡身發痒者。通用。○外治摩風膏大馬齒膏。

【癩風】審因分上下。

癩卽內經癘風。受天地間肅殺風氣。酷烈暴悍。最爲可畏。一因風毒。或汗出解衣入水。或酒後當風。一因濕毒。或坐臥濕

地。或冒雨露。三因傳染。然未必皆由外也。內傷飲食。熱毒過甚。大寒大熱。房勞穢

汚。以致火動血熱。更加外感風寒冷濕而發。初起身上虛痒。或起白屑。紫雲。如癩風

然。或發紫泡。疙瘡流膿。上先見者。氣分受病。上體必多。下先見者。血分受病。下體

必多。上下俱見者。氣血俱病。從上而下者。爲順風。從下而上者。爲逆風。但從上從下以漸來者可治。頓發者難愈。治失其法。以致皮死。麻木不仁。脉死。血潰成膿。肉死。割切不痛。筋死。手足緩縱。骨死。鼻梁崩塌。與失眉落眼昏。唇翻聲啞。甚則蝕傷

總是陽明血熱化熱甚痰瘀腐為虫。追虫取涎藥必伯。胃與大腸。無物不受。脾主肌肉。肺主皮

毛。然瘡痂雖見于皮肉。而熱毒必歸於腸胃。故法必先治陽明。初服宜防風通聖散。在上用麻黃以去外毒。在下用硝磺以去內毒。上下俱見者。用正料防風通聖散。解表攻裏。三五日後。即服醉仙散。以吐惡涎。服後又服。防風通聖散。去硝磺麻黃。多服久服。待胃氣稍定。用再造散以下其虫。又有宜先下虫而後吐涎者。吐下後仍以防風通聖散。量加參芪熟地。以固氣血。或脾胃弱者。白朮當倍用。

蟲已蝕臟壞五形。清肝涼血火須瀉。虫因火盛。氣血沸騰。充滿經絡。外瘡延蔓。內虫攻注。蝕肝眉脫。蝕心足底穿。蝕

脾聲啞。蝕肺鼻崩。蝕腎耳鳴如雷。宜先服瀉青丸。以瀉肝火。次隨症救治。虛痒者四物湯加酒芩。調浮萍末。痒甚加荆芥蟬退。搔痒皮皴白屑者。白花蛇丸。眉落髮者。三蛇丹或柏葉煎。眉脫鼻崩者。換肌散補氣瀉榮湯。蝕眼者。盧薈丸。肢節廢者。觸涼散。通用凌霄花散胡麻散加味苦參丸大楓丸換骨丸大麻風丸紫雲風丸活神丹腎氣丸。四聖不老丹八物湯。外治摩風膏。浴癩方。髮落不生者。先用生姜擦三次。後用半夏為末。麻油調搽。

【楊梅瘡】因風濕熱或傷氣分或傷血。楊梅瘡。因治與癩大同。多由肝腎脾內風濕熱之毒。間有天行濕毒傳染。但各

俗呼名不一。有呼楊梅為天疱者。有呼楊梅為大麻風者。以理推之。形如楊梅。嫩紅濕爛。痒痛屬心。多生乳膏。形如鼓針黃豆者。屬脾。多生滿面。謂之大風。疔形如綿花。屬肺。多生毛髮。形如紫蒲萄。按之緊痛者。屬肝腎。多叢生豚臂及筋骨之處。形如魚泡。內多白水。按之不緊者。謂之天疱瘡。乃此類之輕者。如發於鬢額口鼻穀道

邊者。屬陽明及少陽太陽。如發於足脛陰莖脇肋者。屬肝腎及太陰。大抵上先見者。氣分受病。上體必多。下先見者。血分受病。下體必多。上下俱見者。氣血俱病。

初宜疎瀉久補虛免成癰癤與漏缺。

初起即服防風通聖散一貼。去麻黃用硝黃。以去內毒。待胃氣稍定。再以一貼去硝黃。

用麻黃發汗。以去外毒。以後用加減通聖散丸。多服此方。內通臟腑。外發經絡。為首尾要藥。輕者服此一劑。更加搽洗足矣。重者十貼後。宜服化毒散三日。却用吹藥三日。瘡乾痂欲脫落者。服化毒散三日。後量用防風通聖散加減。上體多者。兼服敗毒散加荆防鉤藤。下體多者。兼服龍胆瀉肝湯。從鼻準腫起。遍身生瘡。面上尤多者。搽皮散。使燥者。搜風順氣丸。以此調理斷根。○失治。久則風毒深入經絡。挾濕而成頑癬。或氣血虛敗而成漏。或誤服輕粉水銀。及不遵禁戒而成風堆腫爛。流膿出血。謂之癰病。至於此亦有蝕傷眼鼻。腐爛玉莖。拳攣肢體。與癩無異。治宜消毒。兼以補虛。○消毒。頑癬者。皂根丸。筋骨痛者。皂刺丸。換骨丸。成漏者。象牙丸。腫塊者。仙遺糧丸。通用加味苦參丸。大楓丸。蠟礬丸。單苦參湯。○消毒補虛。仙遺糧湯加鉤藤。或補氣瀉營湯。胡麻散。○補虛。氣虛者。單人參湯。補中益氣湯。血虛者。四物湯加山梔。鉤藤。金銀花。甘草。節。或腎氣丸。四聖不老丹。氣血俱虛者。八物湯。八味丸。單仙遺糧丸。○外貼。太乙膏。白蠟膏。

【疔瘡】全是飲食毒發因災畜暴沴傷。

經曰。苜蓿之變。足生大疔。恣食辛辣厚味。炙博腥葷。及誤食自死禽獸。蘊毒於

中。而即發者有之。或卒遇大風大霧。大暑大寒。天地暴沴之氣。襲注經絡。觸動其毒而發者。或因感死畜蛇虫毒氣而發。其死尤速。初發者。或因衣物觸著而疼痛忽生。或因發疹抓破而成疔。僅一小瘡。殺人一二日間。比之癰疽尤毒。

生於四肢及頭面。疔發無定處。或肩背腰尤緩。在頭面耳鼻口目舌根唇上。及手足

心。生唇面口內。多有紅絲入喉者。俱難治。須急看以針挑撥其絲。出血以泄其毒氣。方可保生。

項硬根突近寸長。變黑腫爛透深孔。形色不一。極痛痒。瘡頭黑硬如釘。四畔

寸餘。隨變焦黑。未幾腫大而光。轉為濕爛。深孔透肌。如大針穿之狀。其形初起大小不一。或水泡。如吳萸。如豆如石榴子。其色有五。內經分應五臟。各有所屬部

位。局方別一十三種。一麻子疔。狀如黍米。稍黑。忌麻仁麻衣。二石疔。如黑豆甚硬。忌瓦礫磚石。三雄疔。四畔仰抱漿起。色黃。大如錢孔。四雌疔。四面抱漿。起心

間。色稍黃。如錢孔。俱忌房室。五火疔。狀如湯火燒。四畔有烟焰。忌火燒烙。六爛疔。色稍黑。膿水流出。忌沸湯熱食爛物。七三十六疔。狀如黑豆。今日生一。明日生

二。及滿三十六數。即死。忌噴怒。八蛇眼疔。狀如蛇眼。忌惡眼人。及嫉妬人見。九鹽膏疔。狀大如匙。面色赤。中有黑粒。忌食鹽。十水洗疔。狀大如錢。頭白裏黑。汁出中

硬。忌飲漿水。水洗渡河。十一刀鎌疔。狀如薤葉。大長一寸。肉黑如燒烙。忌刺及刀鎌切割。十二浮瀉疔。其狀曲圓。少許不合。大如薤葉。內黃外黑。黑處刺之不痛。黃

處刺之痛。十三牛狗疔。色赤袍起。搯不破。已上皆宜依法將護。若或觸犯。則脊強瘡痛不可忍。惟浮瀉牛狗無忌。不治自愈。又有一種魚臍疔。瘡頭黑深。形如魚臍。破

之黃水滲出。四畔浮漿。其毒尤甚。用絲瓜葉蓮鬚葱韭葉搗爛。以酒和服。其渣貼臍。破下。如兩在左手。貼左腋下。在左足。貼左膝下。右手足同。在中貼心臍。並用布縛住。

候肉下紅絲處皆白。則安。有潮熱者。亦宜却令人抱住。恐其顛倒。倒則難治。如或用蛇退燒灰。雞子清調敷。○一種水疔瘡。用黃荊葉十四片。獨頭蒜三個。百草霜二錢。

播酒服。取汗大効。

或不痛痒只麻木寒熱眼中流火光牙關急緊時驚惕甚則嘔吐毒陷腸。

諸症惟嘔吐最危。

治分虛實豁心火。

實者初服賽命丹三丸。以葱酒發汗。表症多者。追疔湯或敗毒散。加蟬退姜蠶金銀花。裏症多者。活命飲五聖湯。便利溺澀者。黃連

消毒散。此散初起服之內消。欲作膿者。托裏消毒散。○虛者初服保生錠子以解毒。或蟾肝丸。有表邪不敢汗者。補中益氣湯。加防風白芷。裏症不敢下者。蜂蛇散。腫痛

欲作膿者。托裏散內托十宣散。不能潰者。大料參茸歸朮補之。或補中益氣湯合生脉散。以防毒陷。○豁心氣者。疔毒入心。則神昏口乾。煩悶恍惚。似醉。嘔吐不定。危症

也。實者甲萬病解毒丹。以黃連當歸煎湯化下。虛者用古芎歸湯加茯苓神遠志蓮肉清之。毒上攻心嘔者。護心散。有因服賽命丹吐者。亦宜此解之。恍惚悶亂。坐臥不

寧。煩渴身痛便秘者。漏蘆飲子。煩燥作渴者。竹葉黃芪湯。○外治經者單蟾酥爲末。以白麵和黃丹搜作丸。如麥米大。用針挑破疔頭。以一粒納入効。重者賽金丹。危

篤者提疔錠子。

暴死灸法可回陽。

凡暴死者。多是疔毒。急用燈照遍身。若有小瘡。宜急灸之。并服賽命丹。亦有復醒者。如偏僻之處。藥難導達。惟灸有回生之功。

若專疎利表散者危。

【多骨疽】由瘡久潰。氣血不能營患處。久則腐爛骨脫出。只補脾胃壯元

氣。十全大補湯腎氣丸主之。外以附子餅灸。或蔥熨法祛散寒邪。補接榮氣。則骨自脫。瘡自斂。若腎氣虧損。其骨漸腫。待再歲月。潰膿出骨。亦當用葱熨法。若投以剋伐。

則真氣益虛。邪氣益甚。鮮不有誤。○有上脘腫硬。年餘方潰。半載未愈。內熱體倦。作渴。用補中益氣湯腎氣丸。元氣漸復。出骨一塊。仍服前藥而愈。有足背腫落一骨者。

有手背腫落一骨者。

【翻花瘡】因瘡收斂。元氣虛弱。肝火血燥生風。

翻出一肉突如菌。大小長短不一。或如蛇形。長數寸者。用雄黃末敷之。

內服補養脾胃藥。十全大補湯。或八物湯倍參芪歸朮。出血乃肝不能藏。脾不能約也。補中益氣湯加五味子麥門冬。或腎氣丸。有怒火者。八味逍遙

散。若用風藥。速其亡也。汗多必然發瘡。危哉。

外塗藜蘆膏要勻。藜蘆一味爲末。豬油調塗。週日一易。須候元氣漸復。膿毒將盡。時塗之。則腐肉自入。不然。雖入復出。若誤用針刀蝕灸。其勢

益甚。或出血如注。寒熱嘔吐等症。急補脾胃爲善。

【流注】膿塊非等閒。內傷外感濕痰干。跌撲閃挫并產後。氣流血注四肢

關。流者。行也。注者。住也。或結塊。或漫腫。皆因素有痰火。又或外感風寒。邪氣流行。至其痰注之處而發。或內傷鬱怒。以致痰火驟發。或內傷房室。陰虛陽氣湊襲。逆於肉理而成。或因傷勞。役飲食搏動而發。或跌扑閃挫。一時氣逆血凝而成。產後惡露未盡。復被感傷凝注。多生四肢。或胸腹腰臀關節之處。初處宜蔥熨法。實者十六味流氣飲。飲毒散。痰痛便秘者。古半硝丸。虛者二陳四物湯。托裏益氣湯。不換金正氣散。六君子湯加芎歸。補中益氣湯加木香枳殼。選用。令其自潰自消。若潰久不斂者。縱有表邪。只托裏爲主。十全大補湯人參養榮湯補中益氣湯托裏抑青湯托裏益氣湯八味丸。更佐以豆豉餅琥珀膏。祛散寒邪。補接陽氣。膿成以火針破之。內有膿管。以藥線腐之。若過用寒涼者不治。

癩大如梅小如粟。多生手指及腎足。色變不常深入肌。串筋見骨痛至極。

癩疽。一名蛇癩烟癧。地面多有之。先作點而後露肉。四畔若牛唇。黑硬。小者如粟如豆。劇者如梅如李。發無定處。或臂或臀。或口齒。或肚臍。多見手足指間。亦黑青白。色變不常。根深入肌。走臂遊腫。毒血流注。貫串筋脈。爛肉見骨。出血極多。令人串痛。狂言。痛入於心卽死。突出於外腎者。亦死。

惡風積毒血熱成。煩燥暖悶入心腹。原因感受惡風。入于脉理。或烟瘴地面。傷寒瘡後。及感觸蛇毒所致。二十已後。四十

以前者。皆積傷之毒入胃。壅聚而成。四十以後。六十以前。乃血閉不行。壅熱積血得之。治宜宣毒行血。用瓜蒌根酒煎。入乳香沒藥五靈脂皂刺等分。以下其毒。次用清心行血之劑。如係蛇毒。亦足蜈蚣最妙。雄黃白芷次之。或蠟礬丸。冷酒入麝香送下。外用荊芥白芷川椒葱白。煎湯入鹽。俟湯溫。自手臂上盪下。日三次。癩疽毒氣走腫。

所至處。宜緊繫之。自手發者。毒走至心。自足發者。毒走至腎。不救。各有小紅筋。尋其筋之住處。灸三炷。卽瘥。經云。在指則截。在肉則割。恐毒氣入心入腹。令人煩燥。嘔噎昏悶。或瘡出青水穢汗者。腎虛極也。死人至速。此瘡極虛引風。凡癰疽開一寸。則一寸引風。非必風入于其中。風邪襲虛。則肉爛透骨。惡血橫流。宜南星半夏白芷梢。最能去風。可以頻敷。其諸療卽。推廣癰疽法度行之。

【癩】發手足或掌心。或腰或臂。毒何深。無頭無面愈。又發。色帶淡紅。防瀉

侵。凡瘡氣血相搏。有頭有面。風邪內作。無頭無面。癩無頭面。皸裏間瘡。低貼肌肉。走注牽連。生於手肘。或掌心。或腰腿。或臂下。伸縮之處。初起渾身壯熱。手足不遂。

增寒頭痛。虛渴多汗。嘔逆四肢沉重。較之諸發。煩渴爲甚。或腫毒已平。數月後於他處大發。但作肉色微帶淡紅。終不能救。大要培養內氣。以防滑瀉。治與癰疽類推。外用神應膏貼之。如瘡出米泔汁者。必死。

小小【諸瘡】風毒滯。諸般小瘡。皆因心腎不交。飲食不節。腸胃停留。以致風熱寒濕之毒。與氣血相搏。凝滯肌肉之間。而發露也。

暑【痲】【凍】【裂】【手足】【皸】。夏暑心神鬱燥。熱逼汗漬成瘡。遍身或出膿血。赤爛如火。用南星半夏黃連黃柏各一錢。五倍子黃丹各

五分爲末。乾糝。如痒加枯礬雄黃。常服黃連阿膠丸以清心。○熱汗浸漬成瘡。痒痛不止。用黃芪當歸防風荆芥穗地骨皮木通各二錢。白礬一兩爲末。每藥一兩水三大碗。煎五六沸。濾去渣。稍熱淋洗患處。拭乾避風。少時立効。輕者只用臘雪水和蛤粉敷之。○痲瘡。因汗出見濕而生。輕者狀如撒粟。用青蒿煎湯洗之。或棗葉亦好。

重者熱汗浸漬。匝匝成瘡。用藜豆滑石各五錢爲末。綿襪撲之。摩破成瘡。加黃柏棗葉各五錢。片腦少許。○冬月下虛。身觸寒冷。血澁生瘡。頑滯不知痛痒。內服升麻和氣飲。去大黃。外用木香檳榔硫黃吳萸姜黃麝香爲末。麻油調搽。○凍瘡先痒後痛。然後腫破出血。黃水不止。用雄雉鷄腦一枚。搗爛。黃蠟各等分。清油減半。同於慢火上熬成膏。去查塗之。久不愈者。亦効。又方用生附子爲末。麵調塗之。○手足折裂作痛。用清油五錢。慢火煎沸。入黃蠟一塊。再煎溶。入水粉五倍末各少許。熬紫色爲度。先以熱水泡手足。火上烘乾。後用藥敷。以紙貼之。其痛立止。入水亦不落。或桐油膏塗之亦好。○手足皸。先用百沸湯泡洗。皮軟拭乾。然後用瀝清二兩。黃蠟一兩。共熬勻敷之。或用五倍子爲末。牛骨髓調磁罐收貯。埋地中七日。取中填敷中卽愈。或黃蠟膏雲母膏。俱好。補寒。

【蝮】**癰**侵淫【白蛇纏】 蝮瘡生手足間。相對如新菜莢。痒痛折裂。搔則黃汁淋漓。有孔如蝮。久而生虫。用杏仁乳香各三錢。

硫磺輕粉各一錢半。爲末。用麻油三錢。入黃蠟五錢。溶化入前末。煎攪成膏。去火毒。磁收用。又方用燕窠取抱子處土爲末。乾糝之。先用白芷大腹皮煎湯洗淨。然後敷藥。○走皮癰瘡。生滿頰項。發如豆梅。痒而多汁。延蔓兩耳內外。濕爛如浸淫瘡之狀。先用桑寄生桑根皮各一握。白芷黃連各少許。煎湯以綿蘸洗。候惡血出盡。拭乾。次用皂莢麻竹籐俱燒存性。黃連黃柏樟葉白芷各等分爲末。麻油調搽。神効。忌醋。○手趁瘡。用皂角枯繁輕粉黃柏黃連爲末。敷之。○小兒癰瘡。頭生紅餅瘡。先用生艾白芷大腹皮蔥白煎湯。洗淨拭乾。次用生藍葉。生艾葉。入蜜搗膏敷之。亦治惡瘡。○侵淫瘡。初生甚小。先痒後痛。汁出侵淫。濕爛肌肉。延至遍身。若從口發出。流散四肢者輕。從四肢發生。然後入口者重。用苦楝根晒乾。燒存性爲末。豬脂調敷。濕則乾糝。先用苦參大腹皮煎湯洗之。○白蛇纏瘡。有頭尾儼似蛇形。初起宜隔蒜於七

寸上灸之。仍用雄黃爲末。醋調敷之。仍以酒調服之。或萬病解毒丹。蠟鑿丸。外塗內服。

【湯火】【肥】【疔】【漆】【刺身】

湯泡火燒瘡。初時宜強忍痛。急向火灸。慎勿以冷物熨之。使熱不能出。爛入筋骨。後用寒水石七兩

黃柏黃連黃芩山柰大黃赤石脂各一兩。甚者加冰片少許爲末。酒調或鴨子清調敷。或陣王丹亦好。○小兒肥瘡。用松香爲末。以紙捲成條。香油浸燃之。滴油搽。或用豬爪燒灰。麻油調搽。○疔瘡。如魚鱗瘡。千百瘡一樣。多生手足。又名晦氣瘡。宜艾灸。初起者則自落。神効。○漆瘡。因見生漆中毒。面痒而腫。遠眼微赤。痒處搔之。隨起瘡。重者遍身如豆如杏。膿厥作痛。用生蟹取黃。隨瘡大小遍敷之。或臘茶爲末。麻油調搽。或柳葉冬瓜皮煎湯洗之。○竹木刺入肉不出。單糯米膏貼之。或頭垢或蟻蟻虫搗爛敷之効。或象牙爲末糝之。

【折傷】先問出血否。

折傷有損身體。或墜跌打撲。倒壓閃倒。氣血鬱逆而皮不破。或金刃骨皮出血。外損筋骨者。可治。內損臟腑重膜。及破陰

子耳後者。不治。

未出攻之出則守。

未出血者。宜蘇木去瘀。黃連降火。白朮和中。三味用童便入酒煎服。在上者宜韭汁和粥吃。在下者可下。血冷則凝。不可飲冷水。

引血入心卽死。消瘀鷄鳴散花蕊石散。順氣。木香勻氣散加重便紅麴或紅酒。已出血者。急用陣王丹止血。先服補托藥而後消瘀。虛甚者亦不敢下血。虛者四物湯加穿山甲。氣虛者用蘇木參芪當歸陳皮甘草。服半月脉散漸收。方敢以煎藥調下。自然銅末一味。空心服之。如骨不碎折者。忌用。素虛損甚者。紫河車丹去麝香。但損傷。妙

在補氣血。或被寒冷者。先宜起寒。

腹脇脹痛增熱寒。

折傷專主血論。非如六淫七情。有在氣在血之分。然肝主血。不問何經所傷。惡血必歸於肝。流於脇。鬱於腹。而作脹痛。或增寒熱。

實者下之。虛者當歸鬚散復元活血湯調之。或十全大補湯加香附陳皮貝母等分。水煎服。

最嫌嘔吐血出口。

凡損傷瘡口忽乾。毒攻腹內。恍惚煩悶。嘔吐。及已出血多而又嘔血不止者。難治。初起嘔吐者。用平胃散爲末。內服。外用姜汁

調敷。破傷風浮腫者。亦宜。初起吐血用蘇木煎湯調古烏附湯。或古蚌霜散。如惡血入腸胃。下血濁如瘀血者。用百草霜爲末。酒調服。如傷外腎。小便出血不通者。五苓散。

貼敷定痛脉須和。

如命門脉和緩關脉實者。縱傷重不死。命門虛促而脫者。雖傷淺難治。凡血未出者。脉宜洪大。已出血者。脉忌洪大。此損傷脉要

也。敷藥單糯米膏小麴散。定痛。乳香定痛散。夾骨法。折傷後爲四氣所侵。手足疼痛者。應痛丸。

接骨何人是妙手。

接骨須經絡穴法骨髓明透。而又有傳授。故古以危氏爲善。接骨。紫金丹接骨丹。

【破傷】

似症

中風有四因。

四因。百病皆然。不因氣動者二。卒暴損破風襲。或諸瘡湯洗艾炙。逼毒妄行。有因氣動者二。瘡口不合貼膏。留孔。風

襲。或熱鬱遍身白痂瘡口閉寒。氣難通泄。傳播經絡。燒燻真氣。是以寒熱間作。甚則發瘧。口喎。禁角弓反張。須臾欲死。用蝎稍餅。或三生飲加天麻爲末。每一錢用黑豆

淋酒調服。化痰。風盛者。二烏丸。風痰俱盛者。古星風散。風痰虛者。烏蛇散。血凝心
神昏悶者。單鵝翎燒灰存性。為末。酒調服一錢。服後飲酒一二盞。以助藥勢。如血多痛甚
者。如聖散。手足戰掉者。硃砂指甲散。蟾蜍酒。如頭目
青黑。額汗不流。眼小目昏。身汗如雨者。四逆不治。

治同傷寒表裏法。

風熱燥甚。拂鬱任表。善伸數欠。筋脉拘急。或時惡寒。或筋惕搖
擗。宜辛熱。治風。佐以辛寒。如傷寒。麻桂加黃芩石羔。知母是也。

若表不已。漸傳入裏。在肌肉者。宜退風熱。開結滯。辛寒之藥。或佐以辛熱調之。猶
傷寒半表裏而用小柴胡也。若裏熱已甚。而舌強口噤。項背反張。驚搖惕擗。涎唾稠
粘。腹滿塞。便溺閉結。或時汗者。宜祛風散結。寒藥下之後。復以清熱
開結之藥調之。又云。破傷風同傷寒懷症治。看有何經而用經藥祛之。

太陽宜汗少陽和。

表症去防風湯。去甘草加川芎獨活等分。水煎服。或調蜈蚣散。或
九味羌活湯。少用細辛加歸芍等分水煎服。便秘加大黃緩之通

之。或用古龍虎丹。發汗
亦妙。半表裏症。羌麻湯。

陽明下之工中甲。

若服表藥過多。臟腑和而自汗者。白朮防風湯。大汗不止搖擗者。
升麻葛根湯。加白朮黃芩。如臟腑閉。小便赤。自汗者。先用小芎黃

湯。二三服後。用大芎黃湯速下之。
或用江鱗丸。氣弱者。只用蜜道法。

本是血疾易入陰。

或始而出血過多。或瘡口早合。瘀血停滯。俱是血分受病。血屬陰
五臟所主。始雖在表。隨即入裏。故多死也。宜養血。當歸地黃湯

活神丹。托裏散。內托十宣散。以防毒陷。外用魚膠散。或用鼠頭骨為末。臘月豬脂
調敷。亦治狗咬。又有破傷水濕。口噤強直者。用牡蠣為末敷之。仍以甘草煎湯。調服

二錢。

病痊又恐氣亦乏。任是風邪不可攻。只宜大補令浹洽。或病已十分安痊。而忽有口噤反張。筋搐

痰壅。似傷風症。又似癩症。其實乃氣血俱虛也。凡癩疽潰後。膿血大泄。陽隨陰

散。變症。只宜大補氣血。果係風症。亦不宜以風藥治之。血虛者。四物加參芪。氣虛

者。補中益氣湯去升麻陳皮加酒炒黑黃柏五味子麥門冬肉桂。大劑服之。氣血俱虛。

汗多大渴。寒熱。十全大補湯加桂附麥門冬五味子。飢逆者。托裏溫中湯。若妄投風

藥者死。

【二】南豐李樾外科藥方賦

【癰疽】雖屬外科。用藥却同內傷。

凡癰疽。皆飲食七情房勞。損傷脾腎肝所致。間有外邪相搏。及小瘡瘍傳染。亦皆因內有毒

以召之也。是以薛立齋專用補中益氣湯以補後天。腎氣丸以補先天。中間雜症。氣用

四君子。血用四物湯。痰用二陳湯。鬱用越鞠丸。一同內科。惟初起內托內消和解。稍

似傷寒。故曰必通內科與

托邪毒而不陷。分經絡以用方。腦背尻臀。黃連羌活力厚。黃連消毒散。黃連羌活各一錢。黃芩

黃柏藁本防己桔梗各五分。生地知母獨活防風歸尾連翹各四分。黃芪蘇木陳皮澤瀉各二分。人參甘草各三分。水煎服。治足太陽經分癰疽。發於腦項。或背腫勢。外散熱

毒。掀發麻木不痛。宜先灸之。或痛而發熱。並宜服之。○(內托羌活湯)羌活黃柏各二錢。黃芪一錢半。防風藁本歸尾各一錢。連翹甘草蒼朮陳皮各五分。肉桂三分。水二盞。酒一盞煎至一盞熱服。治足太陽經分癰疽。發於尻臀。堅硬腫痛大作。兩尺脉緊無力。

臂膊乳膺。白芷升麻性涼。白芷升麻湯。白芷一錢半。升麻桔梗各一錢。甘草紅花煎服。治手陽明經分臂上生癰。此得八風之變也。○內托升麻湯。葛根升麻連翹各一錢半。黃芪當歸炙甘草各一錢。鼠粘子五分。肉桂三分。黃柏二分。水二鍾。酒一鍾。同煎服。治兩乳間出黑頭瘡。瘡頂陷下作黑眼子。併乳癰初起亦宜。

十味中和湯。疎邪於鬢耳側脇。石菖蒲牛蒡子羌活川芎防風漏蘆荊芥麥門冬前胡甘草各等分。水煎服。治手足少陽經分發癰。及時毒。脉弦在半表半裏者。

八味逍遙散。降火於手足少陽。當歸芍藥茯苓白朮柴胡甘草各一錢。牡丹炒山梔各七分。水煎服。治脾胃血虛有熱。生癰。或遍身癢痒煩熱。肢體作痛。頭目昏重。或怔忡頰赤。口燥咽乾。口舌生瘡。耳內作痛。或發熱盜汗。食少嗜臥。或胸乳腹脹。小便不利。或手足少陽大盛。內熱晡熱。月經不調。寒熱往來。或脇乳腫痛。耳下結核等症。如頭目不清。加川芎五分。蔓荊子七分。

太陰腿內膝足。芪柴附子湯入酒。內托芪柴湯。黃芪二錢。柴胡一錢。羌活五分。連翹一錢半。土瓜根酒洗一錢。歸尾七分半。

○肉桂三分。生地黃柏各二分。水二盞。酒一盞。煎熱服。治足太陰厥陰經分瘡生腿內。近膝股。或癰或附骨疽。初起腫痛勢大。○(附子六物湯) 附子防己肉桂各一錢。茯苓白朮各七分。甘草二分半。姜煎服。治足太陰經流注。四氣骨節煩疼。四肢拘急。自汗短氣。小便不利。手足或時浮腫。兼治五痺。

少陰腿外【賺脛】內托黃芪酒煎湯。內托酒煎湯。黃芪歸尾各二錢。柴胡一錢。連翹肉桂大力子白芷各一錢。升麻七

分。黃柏甘草各五分。水酒各半煎服。治足少陰經分癰生腿外側。或因寒濕得附骨疽。或微侵足陽明經分。堅硬腫痛難行。

瀉心護心。心主痛痒。瀉心湯。大黃一錢。黃連黃芩山梔漏蘆澤蘭連翹蘇木各五分。量虛實水煎服。治癰疽瘡毒。腫盛發躁。煩渴脉洪實而數。○

(護心散) 藜豆粉四錢。乳香一錢。爲末。甘草煎湯調。時時細呷。瘡已沉晦。加肉桂二錢。當歸一錢。煎湯調服。治諸發背疔腫。曾經汗下。毒氣攻心。迷悶嘔吐。喘嗽泄瀉而痛。喉舌生瘡。名曰心氣絕。初起宜服此藥。最能反出毒氣。不致內陷。發後亦可間服此藥。加山柰枳皮末二錢。又可外敷止痛。

瀉肝清肝。肝主瘡瘍。龍胆瀉肝湯。龍胆草澤瀉各一錢。車前子木通生地當歸尾山梔黃芩甘草各五分。水煎。治肝經濕熱。或囊癰便毒。下疳懸

癰。腫焮作痛。小便澀滯。或婦人陰瘡痒痛。或男子陰挺腫脹。或出膿水。○(清肝湯) 川芎當歸各一錢。白芍一錢半。柴胡八分。山梔炒牡丹皮各四分。水煎服。治肝經血虛而有怒火。○(清肝解鬱湯) 當歸白朮各一錢半。人參柴胡牡丹皮陳皮川芎各八分。茯苓貝母芍藥熟地山梔各一錢。甘草五分。水煎服。治癰疽因肝經血虛風熱。或肝經鬱火傷血。乳內結核。或爲腫潰不愈。凡肝胆經氣血不和之症。並皆治之。○(清肝益榮湯) 白朮二錢。熟地一錢半。當歸山梔木瓜茯苓各一錢。龍胆草八分。川芎

錢四分。陰一錢二分。甘草節上一錢六分。中一錢四分。下一錢三分。陰一錢六分。爲末。先以當歸煎酒。將瘡洗過。如瘡在頭心上者。服四錢四分。心膈中者。服三錢七分。腿足下者。服三錢半。肚腹內陰者。服四錢半。俱用水酒各一鍾煎調前末。通口盡服。如不足。好酒和之。取利爲度。治癰疽發背疔瘡癩癧對口乳癰男婦便毒魚口。已成未成皆効。

惟已發爲榮衛薄歟。當補托以接其虛怯。托裏清中溫中和中建中。抑青

益黃益氣相當。

托裏散。人參黃芪各二錢。白朮陳皮當歸熟地茯苓芍藥各一錢半。甘草一錢。水煎服。治癰疽氣血虛。不能起發。腐潰收斂。或惡寒發

熱。肌肉不生。宜此補托。如嫩腫熱毒。加黃連。漫腫氣虛。倍參朮。表邪加羌活川芎。表虛倍參芪。內熱欲冷便秘去參芪歸朮。加大黃。內虛飲熱。便秘。倍參芪歸朮。寒熱飲冷溺澀肝熱。去參芪加柴胡炒山梔。不作膿。膿不潰。氣虛也。加參朮桂。腫赤作痛。血凝滯也。加乳香沒藥。肉赤不斂。血有虛熱。加熟地牡丹皮。肉黯不斂。陽氣虛寒也。加參芪肉桂白朮。肉白不斂。陽氣虛也。膿多不斂。氣血虛也。俱倍參芪歸朮。漫腫不痛。肉死不潰。脾虛甚也。加參朮姜附。膿多帶赤。血虛也。倍參朮歸地。忿怒晡熱出血。肝火血虛也。加牡丹山梔熟地。面青脇脹出血。肝虛不能藏也。加山藥山茱萸五味子。食少體倦出血。脾虛不能攝也。倍參芪歸地。鬱結少寐出血。加遠志酸棗仁茯神龍眼肉。欲嘔作嘔。或外搽。內服寒涼。或痛甚。或感外邪。穢氣作嘔。胃虛也。加藿香參朮。少食腹痛。腸鳴冷瀉。脾虛寒也。加炮姜木香。膿多作渴。氣血虛也。加熟地五味子麥門冬。莖痛溺澀。精內敗也。加山藥山茱萸澤瀉。勞役溺赤。氣下陷也。加升麻柴胡。日晡頭痛眩暈。陰血虛也。加熟地。身熱惡衣。欲投水中。脉沈微

細。氣脫發躁也。加姜附肉桂。晡熱多痰。脾血虛也。倍歸地參朮。善思體痛。不寐盜汗。脾血虛也。加茯神酸棗仁。寢寐汗出。腎氣虛也。加五味子。飲食汗出。胃氣虛也。加參朮五味子。睡覺飽而盜汗。宿食也。加參朮半夏。婦人勞怒夜熱。或譫或適經行。熱在血分也。加柴胡生地牡丹皮。○托裏消毒散。人參黃芪當歸芍藥白朮茯苓陳皮各一錢。連翹白芷金銀花各七分。甘草五分。水煎服。一方去連翹加川芎皂刺乳香沒藥。治癰疽腫痛俱慢。色不甚赤。元氣虛弱。或行攻伐。不能潰散者。宜用之。未成者消。已成者潰。又去腐生新之良劑也。加減同前。但虛弱反已潰者。去翹止金銀花三味消毒之藥。○(托裏清中湯)人參白朮茯苓陳皮半夏桔梗各一錢。甘草五分。姜棗煎服。治癰疽脾胃虛弱。痰氣不清。飲食少思等症。○(托裏溫中湯)附子四錢。乾姜羌活各二錢。益智仁丁香沈香木香茴香陳皮各一錢。甘草二錢。姜煎服。治癰疽陽氣虛寒。腸鳴切痛。大使溏泄。飢逆昏憤。此寒變內陷。緩不可救。○(托裏和中湯)。人參白朮茯苓陳皮半夏炮姜各一錢。木香甘草各五分。姜棗煎服。治癰疽中氣虛弱。飲食少思。瘡不消散。或不腫痛。或潰而不斂等症。○托裏建中湯。人參白朮茯苓各二錢。半夏炮姜各一錢。甘草五分。姜棗煎服。治癰疽元氣素虛。或因寒涼傷脾損胃。飲食少思。或作嘔泄瀉等症。急服此藥。以健中氣。○(托裏益壽湯)。人參白朮茯苓陳皮半夏各一錢。芍藥柴胡各五分。甘草三分。姜棗煎服。治癰疽脾胃虛弱。肝木所侮。以致飲食少思。或胸腹不利等症。○(托裏益黃湯)。人參白朮半夏陳皮川芎香附山梔蒼朮各一錢。甘草五分。姜棗煎服。治癰疽脾胃虛。寒水侮土。以致飲食少思。或嘔吐泄瀉等症。兼治癰疽六鬱所傷。中氣虛弱。食少等症。○托裏益氣湯。白朮二錢。人參茯苓貝母陳皮香附芍藥當歸熟地各一錢。桔梗甘草各五分。水煎服。治癰腫硬肉色不變。或晡熱。或潰而不斂。并一切血氣內症。如口乾加五味子麥門冬。寒熱往來加柴胡地骨皮。膿清加黃芪。膿多加川芎。肌肉遲生。加白蘇肉桂。

且夫【腦疽】羌活最靈。

當歸羌活湯。當歸酒炒各二錢。酒柏連翹防風羌活各一錢。獨活藁本各七分。澤瀉五分。水浸良久。

入酒一匙。煎熱服。日二次。三日盡六服。却將藥清汁調下。木香檳榔末各三錢。因富梁熱鬱者宜。貧窮寒濕者少用。

【頭瘡】酒歸立化。

酒歸飲。酒當歸白朮各一錢半。酒芍酒芍川芎陳皮各五分。酒天麻蒼朮蒼耳各七分半。酒甘草黃柏各四分。防風三分。水煎日四五

服。服後蘊睡片時。

【瘰癧】未破宜內消。調經通經散堅軟硬。而必効立應斑雞其霸王。

升麻調經

湯。升麻八分。葛根草龍胆黃連桔梗連翹酒芍酒柏莪朮三稜甘草各五分。歸尾芍藥各三分。生黃芩四分。稍虛加夏枯草。有痰加天花粉知母各五分。少陽加柴胡四分。先用水浸半日。煎熱服。再用大料爲末。蜜丸菘豆大。每百丸。服藥時足高去枕仰臥。緩緩以前湯送下。治瘰癧透頸。或至頰車。屬足陽明。瘡深遠隱曲肉底。屬足少陰。乃戊胃傳於癸腎。俱作塊堅硬。大小不一。並皆治之。○（柴胡通經湯）柴胡連翹歸尾甘草黃芩黍粘子三稜桔梗各二分。黃連五分。紅花少許。水煎熱服。忌苦藥泄大便。治少陽部分。項側有核堅而不潰。名曰馬刀。一湯元氣無虧者可服。○海藻散堅丸。海藻昆布龍胆草蛤粉通草貝母枯礬真松蘿各三錢。麥曲四錢。半夏二錢。爲末酒調服。或蜜丸菘豆大。每三十九丸。臨臥蔥白煎湯下。并含化咽之。忌甘草魚雞豬肉五辛生冷。治瘰癧馬刀。堅硬形瘦。潮熱不食。兼治一切瘰癧氣神効。○軟硬皂子丸。皂子一盞。去粗皮黃心。玄參連翹各一兩。水五盞。煮乾揀軟者食。後細嚼津液下。硬者蜜丸如彈。每夜含化一丸。半月即効。未破者破。已破者令核易落。不問遠年近日。腫硬

疼痛者宜。如體盛硬甚者。皂子用礶砂醋煮。令酥。瘰少少服。瘰多多服。○必效散。
礶砂一錢半。輕粉一錢。麝香五分。巴豆五箇。檳榔一箇。斑貓四十枚。爲末。用雞子
二箇。取清調勻。復入壳內。濕紙封固。蒸熟取出晒爲末。虛者五分。實者一錢。五更
姜酒調服。如小腹作痛。溺如粉片血子。是毒出也。若覺小便澀痛。用益元散一服。或
毒從大便出。尤快。未下。三日後再進一服。以病根去盡爲度。治暴患瘰癧。宜此劫之。
○（立應散）。連翹赤芍川芎當歸甘草滑石各五錢。黃芩斑貓各三錢。土蜂房蜜水洗
飯上蒸晒乾。白牽牛各二錢半。川烏尖七箇。爲末。每一錢濃煎木通湯調臨臥服。毒
從小便出。如粉片血塊是也。未効再服。繼以宣熱丹解其風熱。且斑貓性毒。濟以烏
丸。或衝上麻悶者。嚼葱白茶清下以解之。如小便澀。用燈心煎湯調五苓散。患處用
麪膏藥貼。若宜導癰疽惡毒。去黃芩。○斑貓丸。斑貓一兩。薄荷四兩。爲末。以雞子
清和丸。菉豆大。空心及半空心臨臥茶清下一丸。每日加一丸。加至五丸。每日減一
丸。減至一丸。又每日加一丸。加至五丸。後每日仍服五丸。以臍不痛。小便取下惡物
爲効。如小便祕。喫蔥茶少許。或用烏雞子一箇。頂上開一竅。攪勻以斑貓一箇。入
內。以紙封之。蒸熟去斑貓。吃蛋一日一箇。煎生料五積散送下。不過四五枚。已破者
生肌。未破者消散。
治瘰癧多年不瘥。

瘰癧已破兼外治白蛇白蠶宣熱補中而銀右蠶繭貓蝠可敷也。白蛇散。
白蛇

二兩。青皮黑丑各五錢。生犀角五分。爲末。每一錢入膩粉五分。研勻五更糯米飲調
下。已時利下惡物。十日後再進一服。忌發風壅熱物。如瘡已成者。一月可効。治九漏
瘰癧。增寒發熱。或痛或不痛。利後用海藻石決明羌活瞿麥各等分爲末。米飲調下二
錢。日三服。下盡清水後。調補以除病根。○（白蠶丸）海藻姜蠶各等分爲末。取白梅

肉湯泡搗丸梧子大。每六七十丸。臨臥米飲下。毒當從大便泄去。忌豆心雞羊酒麵。日五六服。治癰生於頭項上交接名蛇盤癰。宜早治之。或單用海藻一斤。浸酒服亦好。○宣熱丹。薄荷皂角連翹何首烏蔓荊子三稜荊芥各一兩。爲末。用熱醋浸淡豆豉二兩半。搗膏和丸梧子大。每三十九丸。熟水下。日一服。解癰癰風熱之毒。自小便宣毒後。及病雖愈。宜常服之。○補中勝毒餅。黃芪一錢。人參三分。甘草五分。已上三味。補氣調中爲主。當歸生地熟地白芍各三分。已上四味。和血生血涼血。惟芍藥兼能益氣之虛。陳皮三分。順氣。升麻五分。足陽明引藥。柴胡五分。足少陽引藥。連翹一錢。散血結氣聚。瘡藥不可缺也。防風五分。散結去上部風邪。已上共爲末。湯浸蒸餅。調劑理作餅子。晒乾搗如米粒大。每三錢白湯下。治癰癰馬刀挾癰。在手足少陽陽明部分。受心脾之邪而作。如足陽明部。瘡多倍升麻加漏蘆一錢乾葛五分。手足太陽項脊背腰強者。加羌活一錢。獨活五分。腫甚加鼠粘子三分。堅硬加昆布。硬甚加三稜莪朮各二分。寒月身涼。或有腹痛。加肉桂二分。暑月身熱。或有煩悶。加酒黃連黃柏各三分。腸胃有瘀血。加牡丹皮二分。少食加麥芽神曲各二分。便秘加酒大黃或麻仁桃仁秦芫。陰寒祕結。去諸苦藥加附子一錢。姜煎冷服。如瘡屬陽明部分。忌柴胡鼠粘子。屬少陽部分。爲馬刀挾癰。忌獨活漏蘆升麻乾葛加瞿麥三分。○銀右散。硃砂雄黃蛇含石磁石各一錢半。銀右石乳香沒藥各一錢七分。明礬一錢。信石白丁香各六分。麝香三分。牛黃一分。巴豆二錢半。爲末。唾口涎調勻。用本身男左女右手塗瘡上。外用新筆蘸藥圈四圍。藥點中間。水粉膏貼之。上藥一七二七。其核自落。後用生肌散。○蠶繭散。蠶繭三箇。白礬信石。各一錢。俱火煨爲末。糝爛肉上。三日其核卽下。○貓蝠散。貓頭骨一箇。蝙蝠一箇。二味俱撒黑豆上。同燒其骨。化碎爲末。乾糝治癰癰多。年不愈。其效如神。

通用貓頭要減加

貓頭丸。貓頭骨一箇。酥炙。蝙蝠一箇。以硃砂三錢。填入腹內。瓦上炙焦。南星白礬各一兩。爲末。用黃蠟溶化。和丸。菘豆大。每三

十丸。臨臥米飲下。如風熱實者。加防風黃芩山梔蟬退川芎連翹桔梗各五錢。虛者加夏枯草二兩。虛癆骨蒸。加玄參一兩。胡黃連五錢。汗多。加牡蠣三錢。有咳加麥門冬

一兩。血虛。加歸芍生地。氣虛。加參朮各一兩。毒重。加雄黃。痛甚。加乳沒各二錢。堅硬加海藻四錢。成漏加穿山甲一兩。便燥用蜜爲丸。空心及夜臥含化三丸尤妙。治

癩癰馬刀。不論遠年近日。已破未破。用此加減得宜。皆效。

吞貼夏枯益虛者

單夏枯草散膏。夏枯草六兩。水二鍾。煎至七分。食後服。虛甚者煎成膏。多服益善。并塗患處。兼服十全大補湯加香附貝母遠志。

治癩癰馬刀。已潰未潰。或日久成漏。生血散結。退寒熱之聖藥也。惟實者宜以行散之藥佐之。治癩癰潰爛久不愈者。用鼠骨亂髮如雞子大。以三年臘月豬脂。煎令骨髮

俱消。半塗瘡。半酒調服。須臾鼠子從瘡口出。

【痰核】潤便含化丹。或海帶丸以內消融。

含化丹。姜蠶大黃青黛胆星。各等分爲末。蜜丸含化。治腦項耳後結核。

○（海帶丸）。海帶青皮貝母陳皮各等分。甚者加昆布。爲末。蜜丸彈子大。每一丸。食後含化。治痰核癭氣。經久不消。

【癭瘤】開結舐掌散。或南星膏以外敷瀉。

神效開結散。沈香二錢。木香三錢。陳皮四兩。珍珠四十九粒。砂鍋固濟

火煨。豬厭肉子。生豬項下喉嚨系一枚如棗大。微扁色紅。取四十九箇。瓦上焙乾。共爲末。每二錢。臥時冷酒調徐徐咽下。輕者三五服見效。重者一料全愈。忌酸鹹油膩

滯氣之物。治男婦項下癭疾。不問遠年近日皆效。○（祇掌散）海藻一兩散結。黃柏二兩降火。爲末。每用少許置掌中。時時舐之。津液送下。如消三分之二。卽止後服。
○單方大蜘蛛插酒頓服。或海藻浸酒。久服。癭氣癩癧皆效。○（南星膏）鮮南星一箇研細。稠粘滴好醋三五點。和膏或醋調乾南星末亦好。先將針刺腫處。令氣透。却以前膏攤紙上。量形大小貼之。覺痒則頻貼取效。治肌膚頭面頸項生癭瘤。大如拳。小如栗。或軟或硬。或不疼不痛。癭疽亦治。熱者加黃柏。虛者加川烏尖少許。

【乳核】一醉可消。芷貝中漏蘆可加。一醉膏。瓜蘘一箇。去皮研爛。甘草五錢。沒藥二錢半。用紅酒三碗。煎至一碗半。分

兩次溫服。重者再進一服。以瘥爲度。或加當歸白芷乳香亦妙。治癭疽發背乳癰初起神效。如要宣毒。加皂刺一分。○（古芷貝散）白芷貝母各等分爲末。每一錢。酒調頻服。治有孕乳結核。名曰吹妳。有兒外吹妳。宜此頻服。不然膿出。若無乳行者。加漏蘆煎酒調服。外用起酵生麵。如蜂窠發過上有青色。無妨焙乾爲末。并水調敷。如乾。以水時潤之。甚者加白芷貝母乳香沒藥少許。

【乳癰】單青頻服。瓜蘘外參芪難舍。單青皮湯。青皮四錢。水煎日二服。治婦人

陳皮去白炒爲末。入麝香少許。每二錢酒調服。初發赤腫。痛不可忍。一服卽散。已潰及外吹妳亦效。○（瓜蘘散）瓜蘘仁消毒。青皮疎肝。各一錢。石羔二錢清胃。甘草節行瘀。沒藥止痛。歸尾破血。皂刺金銀花各五分。青橘葉取汁二匙解毒。水酒各半煎。空心服。治乳癰未潰者卽散。如已潰者。去石膏沒藥皂刺金銀花。用當歸身加人參黃芪川芎白芍煎服。○單方用蒲公英英金銀花等分。水煎濃汁。入酒少許。服之卽散。○治乳勞癰爛見心者。用貓兒腹下毛。煨存性爲末。乾糝。或入輕粉少許。清油調搽。

消【肺癰】膿以南星補肺補脾真要訣。

消膿飲。南星一錢。知母貝母生地阿膠川芎桑白皮白芨白芷甘草各五分。射干

桔梗天門冬薄荷杏仁半夏紫蘇防風各七分半。生姜七片。烏梅一箇。水煎服。治肺癰有膿腥氣。上衝嘔吐咳嗽。○參芪補肺湯。人參黃芪白朮茯苓陳皮當歸山茱萸山藥

五味子麥門冬甘草各五分。熟地一錢半。牡丹皮一錢。姜煎服。治肺癰腎水不足。虛火上炎。咳吐膿血。發熱作渴。小便不調。○參朮補脾湯。人參白朮各二錢。黃芪二

錢半。茯苓陳皮當歸各一錢。升麻三分。麥冬七分。桔梗六分。五味子四分。甘草五分。姜煎服。治肺癰脾氣虛弱。咳吐膿涎。中滿不食。凡肺癰見膿血久不愈。必兼服

此藥。以補脾生肺。否則不治。

止【肺痿】血用紫苑白欬白芨非苟且。

紫苑散。紫苑知母貝母各一錢半。人參桔梗茯苓各一錢。阿膠甘草各五分。五

味子十粒。姜煎服。治虛勞咳嗽見膿血。肺痿變癰。○單白欬散。同棹樹皮煎湯飲之。能收斂瘡口。○（單白芨散）。為末。每二錢。臨臥糯米飲調服。治久咳成痿。咯血紅

痰。

內固清心散。【癰】發【胸】前。

內固清心散。長砂茯苓人參白豆蔻雄黃棗豆朴硝甘草腦麝白角。各等分為末。每一錢。蜜湯調服。治惡

瘡熱甚。厥痛作渴。煩燥。以此解毒神效。○（清心散）。遠志赤茯苓赤芍生地麥門冬知母甘草各等分。姜棗煎服。治癰有熱症。如小便閉。加燈心木通。○（清心丸）。黃連

一兩。茯神赤茯苓各五錢。為末蜜丸梧子大。每百丸米飲送下。治諸痛瘡瘍。皆屬心火。此藥主之。

神效瓜蒌湯。疔生脇下。瓜蒌一箇。當歸甘草各五錢。沒藥乳香各一錢。水酒各半煎服。治乳癰腸癰。一切癰疽。初起者消。已成者潰。及潰

後除毒。老幼皆宜。其查又可外敷。

大射干能升【胃】三仁牡丹清芳。大射干湯。射干山梔赤茯苓升麻各一錢。赤芍一錢半。白朮五分。水煎入地黃汁一合。蜜少

許。調服。治胃腕瘰癧熱成癰。腐爛成膿。身皮甲醋。咳嗽膿血。如熱毒盛加磨犀角汁以助升麻。咽痛便秘加馬牙硝馬勃。三仁湯。薏苡仁二錢半。冬瓜仁二錢。桃仁牡

丹皮各一錢半。水煎溫服。治腸癰腸中疼痛。煩毒不安。或脹滿不食。溺澀。婦人產後虛熱。多有此病。縱非是癰症。疑似之間。便可服之。牡丹散。牡丹皮人參天麻白茯苓黃芪薏苡仁桃仁白芷當歸川芎各一錢。官桂甘草各五分。

木香三分。水煎服。治腸癰冷症。腹濡而痛。時時下膿或血。

大黃湯本利【腸】敗醬梅豆多寔。大黃湯。大黃朴硝各一錢。牡丹皮瓜蒌仁桃仁各二錢。水煎服。治腸癰小腹墜腫。按之則痛

肉色如故。或微赤腫。小便如淋。汗出增寒。其脉遲緊。膿未成者。宜急服之。敗醬散。薏苡仁二錢半。敗醬一錢半。附子五分。水煎空心溫服。以小便利為度。治腸癰脉

數。身無熱。腹滿冷症。梅豆湯。烏梅一箇。黑豆百粒。薏苡仁二合。水煎入阿膠生蒲黃各一錢。再煎服。治腸癰冷熱症。及肺癰咳嗽膿血不止。

【便毒】兩解而敗。瘀立消。兩解湯。辣桂大黃白芍澤瀉牽牛桃仁各一錢。乾姜五分。甘草一分半。水煎溫服。治便毒。內蘊熱氣。外挾寒

邪。精血交錯。腫結疼痛。

【懸癰】國老。而元氣可掉。國老膏。粉草帶節一兩。用山澗水一碗浸三時。令透。以慢火炙乾。仍投前水浸透。再炙至水乾爲度。用酒三盞。

煎至八分。空心服。并查。三日一服。治懸癰。不拘腫潰。兩服卽愈。

【痔】初連魏連歸蘇葛秦羌止痛神。

連魏散。黃連阿魏山查神曲桃仁連翹槐角犀角。各等分爲末。以少許置掌中。時時舐

之。津液嚥下。如三分消二。卽止。後服治食積痔。○（連歸丸）。全當歸黃連各四兩。防風枳殼各二兩。爲末。用前浸黃連酒打糊丸。梧子大。每六七十丸。米飲下。忌羊魚雞鵝煎炒熱物（治痔漏及脫肛便血）。○加味連壳丸。黃連一兩。枳壳厚朴各五錢。當歸四錢。木香黃柏各三錢。荆芥一錢。蠟皮一箇。爲末。糊丸。梧子大。每三十九丸。溫水下。治濕熱內甚。飽食腸癖。發爲諸痔。久而成瘻。○加味香蘇散。陳皮枳壳川芎槐花各五分。檳榔木香桃仁蘇葉香附甘草各二分半。姜棗煎服。治氣痔。○乾葛湯。乾葛枳壳半夏茯苓生地杏仁各五分。黃芩甘草各二分半。黑豆百粒。姜三片。白梅一箇。水煎服。治遇飲酒。發動痔瘡。腫痛流血。○秦芫湯。秦芫羌活各一錢二分。黃芪一錢。防風七分。升麻麻黃柴胡炙甘草各五分。藥本三分。細辛紅花各少許。水煎服。忌風處大小便。治痔漏成塊。下垂不止。○止痛丸。羌活一兩。郁李仁一兩半。大黃八錢。檳榔木香桂心川芎各五錢。爲末。蜜丸。梧子大。每三十九丸。空心白湯下。治痔瘡痛甚便燥者。宜此微利之。古云積氣生於脾臟傍。大腸疼痛陣難當。但令稍瀉三焦火。莫慢多方立紀綱。○二神丸。枳壳皂角煨五焙子炒各等分。爲末。蜜丸。梧子大。每三十九丸。溫水下。治無酒色。但飽食久坐成痔。初起經久皆效。

【痔】久槐角槐膽地黃蝟皮釣腸妙。

槐角丸。槐角一兩。地榆黃芩防風當歸枳壳各八兩。爲末。酒糊丸。梧子大。每三十九丸。

空心米飲下。治痔漏脫肛。五種腸風下血等症。○加味槐角丸。槐角生地各二兩。以生血涼血。當歸黃芪各一兩。阿膠川芎各五錢。以補虛。黃連瀉心火。條芩涼大腸。枳壳寬大腸。秦艽去大腸風。防風爲血症上使。連翹爲血症中使。又能散經絡中火邪。地榆爲血症下使。又能涼血升麻各一兩。升散火邪。又白芷五錢。引諸藥入大腸經絡。蓋痔乃經絡病也。共爲末蜜丸。或酒糊丸。梧子大。每五十丸。漸至七八十丸。溫酒下。治痔漏通用。及腸風下血。○槐膽丹。三月上巳日。揀肥實槐子用丸盆如法固臍。埋背陰牆下。約三尺深。預先取黑牛胆五六箇。臘月八日取前槐子裝在胆內。高懸陰乾。至次年清明日取出。磁器收貯。每空心白湯下。一日服一粒。二日二粒。漸加至十五粒止。以後一日減一粒。週而復始。不問遠年近日。痔瘡服之如神。久服黑髮固齒。○加味地黃丸。熟地黃芪各一兩半。槐花黃柏杜仲白芷各一兩。山茱萸獨活山藥各八錢。牡丹皮茯苓澤瀉各六錢。白附子二錢。蜜丸梧子大。每五十丸。空心米飲下。五痔滋陰必用之。○蝟皮丸。槐花艾葉炒黃枳壳地榆當歸川芎黃芪白芍枯礬貫衆各五錢。蝟皮一兩。髮灰三錢。豬蹄甲十枚。炙焦。皂莢一錠。醋炙。爲末蜜丸梧子大。每五十丸。米飲下。治諸痔出血。裏急疼痛。欲成漏者。○釣腸丸。瓜萸蝟皮各二箇。胡桃肉十五兩。俱燒存性。雞冠花五兩。青礬煨白礬煨附子生各一兩。白附子天南星枳壳半夏訶子各二兩。爲末醋糊丸。梧子大。每一十九。空心溫酒下。治諸痔久漏。脫肛腫痛。或生瘡時有膿血。及腸風下血虛寒。經久不愈。

【漏】無輕利水而豚胃芎歸急補虛。

牽牛酒。黑牽牛末一分。入豬腰子內。以線札囊葉包。慢火煨熟。空心細嚼。溫酒送下。

通行漏瘡中惡。水自大腸出。○豚胃丸。蝟皮七錢。牡丹皮黃連各一兩。槐花二兩。羌活六錢。入豬肚內縫定。煮爛去藥食肚。如硬再服。以患處軟方止。或同藥爲丸服。亦

可。痔漏皆效。○芎歸丸。川芎當歸黃芪神曲地榆槐花各五錢。阿膠煎芥木賊髮灰各一錢。爲末蜜丸梧子大。米飲下五十九丸。治痔下血不止。

漏貫內生肌而黃蠟黑玉自充竅

內生肌丸。枯礬鹿角芝麻各一兩。爲末蜜丸梧子大。溫酒下三十九丸。竅寒後去鹿角加象牙一

兩。黃蠟爲丸。常服斷根。○加味蠟礬丸。象牙五錢。露蜂房姜蠶蛇退血竭木香各三錢。乳香二錢。白礬一兩。爲末。黃蠟四兩爲丸。梧子大。溫酒下二十九丸。治新久諸漏。

○（黑玉丹）。蝟皮牛角腮各八兩。豬蹄甲百枚。雷丸芝麻各二兩。槐角三兩。頭髮敗棕各四兩。苦練根二兩半。俱入罐內燒存性。取出入乳香一兩。麝香四錢。爲末。淨糊

丸梧子大。先嚼胡桃一枚。溫酒下。十五丸。日一服。甚者三服。忌別藥。治男婦痔漏腸風疼痛。或穀道虫痒不可忍。○薰漏瘡方。艾葉五倍子白膠香苦練根等分。如燒香

法。置長桶內。坐薰瘡處。○洗漏瘡方。露蜂房白芷或大腹皮苦參煎湯薰洗。候水出盡。拭乾。取向東石榴根皮爲末。乾糝以殺淫虫。少須傳藥。○齒髮散。人齒頭髮雞腔

腎各等分。俱燒存性。入麝香輕粉少許。爲末乾糝。乾者麻油調搽。治漏瘡惡瘡。生肌裏欲乾者用之。○蜂房散。露蜂房炙黃二分。穿山甲龍骨各一分。麝香少許爲末。臘

月豬脂調敷。濕則乾糝。治久年漏瘡。或暫瘥復發。或移於別處。○取漏虫法。用活黃鱧一條。擲在地上。就其盤曲處。以竹釘五七枚釘穿。以香油塗之。覆瘡上。扁布繫定。

良久覺瘡痛不可忍。取鱧入水中。覺蠕動有如絲之虫未盡。再復如是者。五六易後。用乾艾煎湯。入白礬三錢。洗淨。以黃連檳榔等分爲末熬之。月餘方愈。臘亦宜。○

蝸牛膏。蝸牛一錢。片腦麝香各少許。搗爛取汁敷痔上。痛止腫消。○古熊冰膏。熊胆二分半。冰片半分。爲末。用白雞胆三枚。取汁。或蝸牛田螺井水。可調勻入罐內。

勿令泄氣。臨臥以手指搽痔上。

【陰瘡】柏蛤銅綠。妬精蘆腦以津調。

柏蛤散。黃柏以磁鋒割末。同蛤粉末等分。糝上即愈。蓋黃柏去熱。蛤粉燥濕故也。治

下疳濕瘡。○銅綠散。五倍子五錢。白礬一錢。乳香五分。輕粉一字。銅綠少許。為末。洗淨糝之。治男婦陰部濕淹瘡。○蘆腦散。蘆甘石一兩半。黃連八錢。同入砂鍋煮一宿。去黃連取甘石晒乾。入片腦五分。為末。乾糝。治下疳瘡。或湯泡少許。洗一切眼疾。○津調散。黃連款冬花等分為末。先以地骨皮蛇床子煎湯洗拭。然後以津液調敷。治妬精瘡臭。

爛膿汁淋瀝。

陰蝕鳳衣旱螺。截【疔】鵝管兼敷。俵。

鳳衣散。鳳凰衣煨。黃連各等分。輕粉片腦各少許為末。乾糝。或鴨子清。調治下疳瘡

腫痛神效。○旱螺散。白田螺壳煨過。入腦麝輕粉各少許為末。香油調搽下疳瘡上即癒。○截疔散。蜜陀僧白斂白芨。黃丹各一錢。黃連五分。輕粉一分。腦麝各半分為末。

乾糝或維入瘡口。以膏貼之。治年深疔瘻瘡大效。○鵝管散。黃連大黃各一錢。鵝管石赤石脂各五分。雄黃一分。片腦半分。為末。津液調敷。治病瘥後犯房。玉莖皮破腫

痛。○洗下疳瘡藥。黃連黃柏當歸白芷獨活防風朴硝荊芥各等分。水煎入銅錢五十文。烏梅五箇。鹽一匙。煎溫湯日洗五七次。洗後用木香檳榔黃連銅青輕粉枯凡蠟蛸

各等分。麝香少許為末。至夜敷上。

補心疏鯉。脹滯【陰戶】如淋。

補心湯。人參茯苓前胡半夏川芎各三分。陳皮枳壳紫蘇桔梗乾姜甘草各五錢。當歸白芍各一兩。熟地

一兩半。每四錢姜棗煎服。治婦人陰戶生瘡。或痛或痒。如虫行狀。膿汁淋瀝。陰蝕已盡。治之當補心養胃。如濕熱有虫者。去姜蘇參梗。加苦參北艾桃仁吳萸水炒黃連。

○古硫鯉丸。大鯉魚一箇。去鱗皮。入硫黃一兩。黃泥固臍。火煨烟盡。爲末。米糊丸梧子大。每二十九丸。溫酒下。如下疽生虫。所下如柿汁臭穢。及心中疼痛。悶絕。虛煩甚者。不治。

藿香養胃瘡生【子宮】可笑。

藿香養胃湯。藿香薏苡仁神曲烏藥砂仁半夏茯苓白朮人參各五分。華澄茄甘草各三分半。姜棗煎服。治

陽明經虛不榮肌肉。陰中生瘡不愈。

止【囊痒】牡礬檳硫頻擦。

牡礬丹。牡蠣黃丹各二兩。枯礬四兩。爲末。遇夜睡時。用手捏藥於痒處擦之。不一時又擦。三四次後。自然平

服。治陰囊兩傍生瘡。或陰濕水出。其痒甚苦。夜則搔之無足。後必自痛。又兩股及脚心汗濕無可奈何者。亦宜。○硫檳散。檳榔二箇。破開以黃丹三錢合在內。濕紙包煨。蛇床子硫黃各四錢。全蝎六箇。輕粉青黛各五分。麝香少許。各爲末和勻。再用少許。清油調抹。兩掌擦熱。抱囊一頃。次擦兩腿上。治陰囊上及兩腿上風濕瘡痒。

【利囊】濕。龍膽慢炒易療。

黑龍湯。龍胆草炒黑柴胡木通甘草節當歸金銀花皂刺赤芍防風黃連吳萸。水炒各等分。水煎服。一服腫痛止

後。加川芎茯苓。治陰囊腫痛溺澀。寒熱作渴。

【附骨】寒鬱。漏蘆取以汗下。

漏蘆飲子。漏蘆白斂黃芩麻黃枳實升麻芍藥甘草朴硝各五分。大黃一錢。水煎熱服。治一切惡瘡毒腫丹

瘤瘰癧疔腫魚眼五發癰疽目翳吹。初起如傷寒表裏症具者。宜服。

【附疽】濕熱。蒼柏加以青甘。青草蒼柏湯。蒼朮黃柏各三錢。青皮一錢半。甘草五分。虛者加牛膝一錢。夏加黃芩八分。冬加桂枝五

分。痛甚無汗加麻黃二分。水煎入姜汁少許調服。治環跳穴痛不已。

大苦參吐【人面】於膝蓋。大苦參丸。苦參四兩。防風荆芥白芷川烏赤芍何首烏獨活山梔川芎牙皂蔓荊子茯苓山藥疾藜黃芪羌活白附

子各一兩。草烏三錢。爲末。麵糊丸梧子大。每三五十丸。空心溫酒茶清下。治人面瘡及臙瘡。

白膠香敷傷【手】於脛尖。白膠香散。白膠香赤石脂枯礬各五錢。黃柏乳香沒藥輕粉各二錢。爲末。乾糝。濕則油調敷。治諸疔侵蝕。日久

不愈。下注臙瘡疼痛。內外踝生瘡。○謝傳傷手瘡方。豬屎火煨。檳榔各五錢。片腦五分。花椒龍骨各一分。有膿水加輕粉一錢。爲末。乾糝。濕者麻油調搽。治脚上生瘡腫痛作痒。抓破汁流。或打扑成瘡者。尤妙。

【外臙】龍骨馬齒。而窰土兼除濕熱。龍骨膏。龍骨乳香沒藥陀僧各二錢。海粟肖一錢半。肥皂子燒存性五個。爲末。用綿

紙雙重以針插亂孔。清油調藥。夾內縛貼瘡上。隔日一番。兩回貼之。○馬齒膏。馬齒莧煎汁一釜。澄去渣。入黃蠟五兩。慢火熬成膏。塗之。治三十六種風瘡。多年惡瘡及臙瘡濕癬白禿杖瘡。旋加梳垢。可封疔腫。○窰土膏。經年窰窰土燥濕。或只用窰心土黃丹輕粉黃柏散熱。乳香沒藥散瘀。赤石脂生肌。各等分爲末。清油調成膏。用傘紙夾住貼之。以絹縛定。縱痒不可動。直待臙瘡結痂去之。未愈再貼。先以茶清洗過方貼。

【內賺】油艾礬紙。而黃蠟能補潰癰。

桐油膏。桐油二兩宜水毒。百草霜生肌止血。黃丹生肌止痛。髮灰補陰。冷者加鹿角

灰乳香各三錢。同熬成膏。攤油紙上貼之。血虛痛甚者尤宜。如經年紫黑者。先用爐灰膏去瘀。○斬艾膏。斬艾川椒各五錢。水粉一兩。黃丹三錢。輕粉一兩為末。熟麻油調膏。隔紙貼之。○蠟礬紙。綿紙疊十二重。看瘡大小。煎成方塊。以紙燃釘住。却用麻油二兩入川椒四十九粒。慢火煎枯黑去查。入槐枝四十九寸。煎枯黑去查。入黃蠟一兩。枯凡一錢。輕粉二分。俟溶化。即入前紙分油滲透。勿使焦黃。取起。貼時用槐枝蔥椒煎湯洗拭。取前紙齊香貼上。外另油紙緋絹緊縛週時。取下近瘡紙一重。候紙取盡。則瘡全愈。其效如神。氣虛膿多者尤宜。黃臘膏。香油一兩。入胎髮如梅大。熬消化。入白膠香黃臘各一兩。溶化。入生龍骨赤石脂血竭木各一兩。攪勻候冷。磁器收貯。每用捏作薄片。貼瘡上。外以箬葉絹綿縛之。三日後番過藥。貼以活血藥。煎湯洗之。外賺亦妙。

【瘡疥】活血四物。槿皮首烏。當歸連歸可餐。

活血四物湯。當歸川芎芍藥生地各一錢半。桃仁九個。紅花一錢。

蘇木八分。連翹黃連防風甘草各六分。水煎服。治諸疥瘡經久不愈。槿皮散。槿皮枳殼各燒存性四兩。杏仁水煮熟。荆芥穗各二兩。炙甘草五錢。為末。每服二錢。溫好酒調下。治肺臟風毒。遍身瘡疥。及癩疹癢痒。兼治面上粉刺風刺。○何首烏散。何首烏荆芥防風蔓荊子威靈仙阿坡草甘草各一兩。為末。白湯調服二錢。治脾肺風毒。頭面遍身癬疥癢痒。及紫白癩風。肌肉頑麻等症。○當歸飲。當歸白芍川芎生地防風荆芥疾藜各一錢。何首烏黃芪甘草各五分。姜煎服。治偏身疥癬。或腫或痒。或膿水浸淫。或發赤疹癩癰。皆心血凝滯。內蘊風熱所發。○當歸丸。當歸五錢。黃連一錢半。大黃二錢半。甘草一兩為末。先以當歸熬成膏。和丸。胡椒大。每一二十九丸。食前米飲

下。漸加至利爲度。治疥瘡血熱便秘。及疹痘已出。聲啞喘急。便秘等症。○連歸湯。黃連當歸各一錢。連翹黃芩各七分。甘草二分。黑瘦人合四物湯。加大楓子黃柏。肥白人加荆芥羌活白芷蒼朮。取其能勝濕也。粟受實者。合四物湯加大黃芒硝水煎服。治諸瘡痛。

瘡疥摩風一七。吳茱萸剪草。二黃硫黃任禿。摩風。蛇床子五錢。大楓子十個。杏仁二十個。枯凡樟腦各

二錢。川椒輕粉水銀各三錢。雄黃一錢半。銀硃一錢。爲末。用烏柏油三兩。研勻爲丸。彈子大。磁器貯。每用少許。呵焯遍擦之。治疥癬風癩。諸濕痒瘡。及婦人陰蝕瘡。漆瘡火丹。諸般惡瘡。○(一士散)。雄黃三錢半。寒水石白膠香黑狗脊蛇床子各一兩。枯凡黃連各五錢。吳茱萸硫黃各三錢。斑貓十四箇。爲末。先以湯洗去瘡痂。然後用臘月豬油。調於掌心。擦熱鼻中嗅二三。却擦上。一擦即愈。治濕疥腫痛。作痒臭爛。(吳茱萸散)。吳茱萸白凡各二錢。寒水石一錢半。蛇床子三錢。黃柏大黃硫黃輕粉

各一錢。檳榔一箇。樟腦五分。爲末。香油調敷。治乾疥及春月發者。宜此開鬱爲主。○(剪草散)。寒水石蕪夷各二錢。剪草枯凡吳茱萸黃柏各一錢。蒼朮厚朴雄黃各五分。蛇床子三錢。輕粉一錢。爲末。香油調敷。治沙疥。○(二黃散)。黃芩黃連大黃各三錢。蛇床子寒水石。各三兩。黃丹五分。白礬一錢。輕粉白芷無名異木香各少許。爲末。須

先洗刺破。油調敷之。治膿窠瘡。退熱消腫。止痛乾膿結痂。硫黃餅。礬製硫黃一兩。爲末。用水調成餅。貼磁器碗底。復轉用蘄艾一兩。川椒三錢。爲末。火燃薰乾硫黃。

臨用先以柳桃桑槐楮五枝。煎湯洗拭。然後用麻油硫黃末搽之。治虫瘡及冷瘡。喜就火灸湯泡者。○抑考退熱治乾痒出血。須用芩連大黃。或松香樟腦。退腫止痛。須用

寒水石白芷。止痒殺虫。用狗脊或蛇床子枯礬。殺虫用蕪夷水銀硫黃。甚者加藜蘆斑貓。煎膿用無名異松皮炭。頭瘡加黃連方解石。脚上用黃柏。陰囊用吳茱萸。紅色用黃

外科入門 南豐李樞外科藥性賦 七五

丹。青色用青黛。就火與熱湯。用硫黃。濕瘡用香油調。乾瘡用豬油調。

【頑癬】浮萍為君。頑癬丸。浮萍蒼朮蒼耳各一兩。苦參一兩半。黃芩五錢。香附二錢半。為末。酒糊為丸。白湯下。○古萍蛇丸。浮萍半斤。烏梢蛇三

錢。為末。蜜丸。重六錢。三日服一丸。用風藥洗身上。隨量將酒嚼下。取汗。九日服三丸。大麻風癬。亦效。忌鹽。

【血風】馬莧可覓。大馬齒莧膏。馬齒莧焙乾五錢。黃丹黃柏枯凡兒茶各三錢。輕粉一錢。為末。生桐油調攤油紙上。用葱椒煎湯先洗淨患處。貼之。

治兩足血風瘡。并兩足背風濕瘡。痛痒至骨者效。

【癩風】初起吐下。醉仙再造莫遲疑。醉仙散。胡麻子牛蒡子蔓荊子枸杞子各一兩。俱炒紫色。白疾藜苦參瓜萐根防風各

五錢。輕粉四錢。為末。每一錢。早午晚各茶清調服。服後五七日間。先於牙縫內流出臭涎。渾身覺疼。昏悶如醉。後利下臭屎膿血為效。量大小虛實服之。治大風病。偏身癩疹。搔痒麻木。或去輕粉。量體加芥連。可調理餘毒。(再造散)。大黃皂刺各一兩。白牽牛六錢。鬱金五錢。一方無此二味。為末。每五錢。或二錢。五更酒調面東服之。○當日利下惡物。或膿或虫。如虫皆黑色。是多年。赤色。是近日。數日後又進一服。去虫積盡乃止。大治癩風惡疾。

【大麻】紫雲補瀉。參蛇蠲痺換肌骨。大麻風丸。苦參三斤。羌活獨活白芷白欬白蒺藜天花粉何首烏各四兩。皂刺蝦當歸

各半斤。為末。用皂角五斤。切細溫水浸五日。去查慢火熬成膏。和丸梧子大。每百丸。空心酒下。治大麻風初起。偏身瘡點。五色不知痛痒。手足麻木等症。○紫雲風

丸。何首烏四兩。五加皮姜蠶苦參當歸各二兩。全蝎一兩半。牛蒡子羌活獨活白芷細辛生地漢防己黃連芍藥蟬退防風荆芥蒼朮各一兩。爲末。煉蜜或酒糊丸。梧子大。每七十丸。溫酒米飲任下。治血分受濕。偏身發紫血泡。痛痒有虫。若白水泡。則爲天庖瘡。乃此類之輕者。○補氣瀉營湯。升麻連翹各六錢。蘇木當歸黃連黃芪全蝎地龍各三分。黃芩生地各四分。人參二分。甘草一分半。桔梗五分。○桃仁三枚。水酒各半。煎減半。入麝香少許。胡桐淚一分。蠅虫水蛭各三枚。白豆蔻二分。再煎熟服。或爲丸亦好。治大風滿面連頸。極痒。眉脫鼻崩膚敗。宜辛溫散熱。甘溫補氣。兼瀉胃熱心火以止痒。補肺以升陽。外用針砭去惡血。忌酒麵生冷物。○活神丹。羌活玄參當歸熟地各等分。爲末。蜜丸梧子大。每五十丸。空心白湯下。大風病滿面者。可常服之。○加味苦參丸。苦參一斤。防風荆芥蒼朮耳子胡麻子皂刺各十兩。蔓荊子牛蒡子黃荊子枸杞子何首烏禹餘糧蛇床子各三兩。白芷一兩半。爲末。用皂角煎膏和丸。梧子大。每五十丸。茶酒任下。治大風瘡。及諸風赤白癩風。○單苦參酒。苦參半斤。洗淨剉碎。將絹袋兜浸酒二壘。春冬浸一月。秋夏浸十日。每飲一小鍾。日三次。大能消一切風熱瘡毒。理脾補心養氣。瘡科聖藥。如酒盡以苦參晒乾爲末。酒糊丸服。尤妙。○三蛇丹。土桃虫烏梢蛇白花蛇各一條。苦參四兩。爲末。用皂角煎膏爲丸。梧子大。每六七十丸。煎防風通聖散下。粥飯壓之。日三服。三日一洗乃安。治大風手足麻木。髮脫眉落。遍身瘡疹癢痒。一切疥癬風痰皆效。○白花蛇丸。白花蛇一條。當歸二兩。川芎白芍生地防風荆芥酒芩連翹胡麻子何首烏升麻羌活枳椇各一兩。爲末。將浸蛇酒和水打糊丸。梧子大。每七十丸。茶清下。治頭面手足白屑瘡痒。皮膚皴燥。○獨瘰散。羌活獨活皂刺白芷各五分。當歸白朮各一錢半。赤芍一錢。土茯苓五錢。水煎服。治癩風肢節拳攣。宜此養血祛風。○換肌散。烏梢蛇白花蛇地龍各三兩。細辛白芷天麻蔓荊子當歸苦參威靈仙荆芥穗甘菊花紫參沙參木賊不灰木灸甘草沙苑疾藜天門冬赤芍

定風草何首烏石菖蒲胡麻子草烏蒼朮川芎木鱉子各一兩。為末。每五錢溫酒調服。
 治癩風年深不愈。以致眉髮脫落。鼻梁崩損。重者方可服之。○(換骨丸)。苦參浮萍
 各一兩半。大黃槐花白芷川芎各一兩二錢。蒼朮一兩。乳香沒藥沈香木香各三錢。麝
 香五分。為末用麻黃五斤。煎膏和丸彈子大。每一丸。臨臥溫酒化下。忌風二三日。兼
 治一切疥癬風疾。一方去蒼朮加當歸防風甘松白花蛇尤妙。○(凌香花)散。凌霄花
 五錢。蟬退地龍姜蠶全蝎各七枚。為末。每二錢溫酒調服。服後於浴室中住在湯內一
 時許。服藥則效。治諸癩風症。○浴癩方。用桃柳桑槐楮五枝各一斤。煎濃湯一桶。
 先蒸。候半溫。坐桶內半時頃。浸洗一日。一月洗兩次。極妙。一切瘡疽亦效。

【楊梅】輕減通聖丸。搽洗何須幾遭。

加減通聖散。防風白蘚皮赤芍連翹黃芩各
 八分。牛蒡子一錢。金銀花三分。山梔歸尾

各五分。荆芥槐花各四分。姜蠶甘草各二分。水煎服。如初起便祕。加酒大黃一錢半。
 便難加皂子三分。胃弱食少加白朮一錢。陳皮半夏各五分。頭上多加川芎八分。薄荷
 一分。下部多加牛膝黃柏各四分。遍身多加木通桔梗地骨皮各六分。心火加黃連。腎
 火加玄參各四分。氣虛加參芪。血虛加熟地各六分。久虛便利加硬飯五錢。○加減通
 聖丸。即前方共半斤。再加苦參半斤。為末泔糊或蜜丸梧子大。每七十丸。空心米飲
 溫酒任下。搽藥。杏仁十四枚。針挑火上燒。半生半熟。輕粉一錢。片腦二厘。為末。豬
 胆汁或香油調搽。不畏痛者加胆礬三分。摩風膏亦好。洗藥。土地骨皮荆芥苦
 參細辛各五錢。煎湯先蒸後洗。遍身出汗為效。如洗務要湯寬。浸洗良久方佳。

楊梅重多化毒散。吹藥限定三日。

化毒散。生大黃一兩。解熱毒。穿山甲五錢。虛
 者三錢。解毒。姜蠶三錢去風。蜈蚣一條去虫。

歸尾五錢破血。為末。每二錢酒調。日二服。○吹藥。黑鉛八分。溶化入水銀一錢。同
 結成餅。銀硃一錢半。炒明凡雄黃各一錢。為末。棗肉搗勻分作六丸。每用一丸。放火

籠內。令病人以巾包頭。口吹眼看其藥丸。待烟盡則止。當日早午晚各吹一丸。次日早午吹一丸。第三日只早吹一丸。次後三五日。或口流涎。以黃連菘豆煎湯解之。又服化毒散。三日後以加減通聖散丸。調理斷根。

皂刺皂根【頑癬】筋疼可祛。

皂刺丸。皂刺一兩。桑寄生何首烏石南藤白蒺藜五加皮地骨皮白蘚皮各七錢。草烏枸杞牛蒡子歸尾五

靈脂蔓荊子胡麻子防風苦參虎脛骨地龍京墨木鱉天花粉各五錢。白膠香沒藥乳香各三錢。痛甚加麝一字。爲末。麵糊爲丸。梧子大。每五十丸。硬飯湯下。日二次服。兩月斷根。忌狗肉魚腥房事。治遠年楊梅癰癬頑瘡。筋骨疼痛○(皂根丸)當歸二兩。黃芪一兩半。人參蘄艾各一兩。麻黃五錢。皂角樹根皮四兩。爲末。蜜丸。梧子大。每五十丸。土茯苓煎濃湯下。治楊梅風毒。

仙糧象牙大楓【癰】漏如失。

仙遺糧湯。土茯苓一兩。乾者七錢。防風木瓜木通薏苡仁白蘚皮金銀花各五分。皂子四分。水煎空

心日三服。治楊梅風毒。及誤服輕粉。以致癰瘰筋骨疼痛。不能動履。或壞肌傷骨者。服此除根。永無後患。凡患下疳瘡者。宜此預防之。如氣虛加參芪。血虛加芎歸熟地牛膝。肺熱去土茯苓倍薏苡仁金銀花。○(仙遺糧丸)。土茯苓一斤。防風木通薏苡仁防己白茯苓金銀花木瓜白蘚皮皂刺各五錢。白芥子四錢。當歸身七錢。爲末。蜜丸。或浸酒服。忌生冷魚鷄煎炒茶酒房室十餘日。治楊梅瘡後腫塊成癰。如虛弱者。加人參五錢甚少。○單仙遺糧丸。一味爲末。蜜丸。梧子大。每五十丸。川椒煎湯下。治楊梅瘡或鼻崩眉落。筋緩骨拳者皆效。○(象牙丸)。象牙三錢。蟹甲蝟皮各一箇。爲末。棗肉丸。櫻桃大。每一丸空心小便化下。服五日後。仍用三味爲末。豬胆汁調敷。治楊梅瘡

成漏。大楓丸。大楓子肉半斤。荊芥當歸苦參各一兩半。羌活獨活防風蟬退全蝎各一兩。爲末。用大楓子壳煮汁。和晚米糊丸。梧子大。每百丸。日三次溫酒下。但大楓子性熱燥痰傷血。服多病癒失明。用者慎之。○取輕粉法。用開口川椒每空心以土茯苓煎湯吞下。卅粒。卽利。輕粉於椒內。從大便出。洗起川椒。服至椒內無輕粉乃止。○(治天泡瘡)方。用野菊花棗木根煎湯洗。洗後用防風通聖散。同蚯蚓泥爲末。略炒蜜調敷之。極妙。或只用黃柏滑石爲末。油調敷之。如從肚皮上起者。裏熱發外。宜內服防風通聖散加減。

提疔賽金。外治十種有三。

提疔錠子。雄黃硃砂各三錢。青鹽砒霜白丁香輕粉斑貓各一錢半。蟾酥麝香各一兩。草麻子廿粒。爲末。用黃蠟溶化。和丸梧子大。捻作錠子。用針刺破疔頭。放一錠於疔上。又刺四邊五七下。令惡血出爲妙。却用水粉膏貼之。內服賽金丹。治疔瘡危篤發昏。兼治癰疽。○賽金丹。用明凡四兩。溶化入黃丹二兩。銀釵攪之。慢火熬令紫色。先以針週回挑破。用津液調敷。數度。無令瘡乾。其疔卽潰。如不潰。入信石一錢。雄黃硃砂各五分。貼之卽潰。治一十三種疔瘡。

追疔保生。接命奇功第一。

追疔瘡。羌活獨活青皮防風黃連赤芍細辛甘草節蟬退姜蠶獨腳蓮各五分。先將澤蘭葉金銀花金線重樓各一錢。生姜搗酒。或搗水。入酒。熱服。然後用生薑十片。水酒各半煎前藥。熱服衣復取汗。如有膿加首烏白芷。要利加青木香大黃。在脚加木瓜。病減後前藥加大黃一錢。以去餘毒。○保生錠子。蟾酥三錢。雄黃二錢。爲末。用青桑皮二兩。同搗如泥爲丸。六分重。捻作錠子。硃砂爲衣。陰乾。如疔瘡用冷葱湯磨服八分。仍用冷葱湯漱口嚥。

下。外用針刺開疔頭。將錠子一分填入疔內。被蓋出汗。二日爛出卽癒。如背發。亦用冷葱湯磨服。再磨二分敷患處。被蓋出汗。其患卽癒。體虛清貴。及婦人胎前產後。毒淺者最宜。○蟾肝丸。端午日取蟾肝一具。入雄黃五錢。搗丸。菘豆大。硃砂爲衣。每三丸葱酒下。善能發汗解毒。如痘疹不出。研胡荽酒下最妙。○賽命丹。蟾酥硃砂雄黃胆凡血竭乳香沒藥各三錢。蜈蚣麝香各五分。細辛全蝎蟬退穿山甲姜蠶牙皂各六錢。白凡用信少許同粘。去信不用。片腦各分爲末。端午日用酒糊丸。菘豆大。每三丸。用葱酒一小鍾吞下。被蓋出汗。或吐或不汗。再進一丸。服後喫白粥調理。忌黃瓜水茄。一切動風之物。治癰疽發背。疔瘡乳癰。魚口便毒。一切無名腫毒。及小兒臍風亦效。賽飛龍奪命丹。○一捻金。卽前賽命丹爲末。每服二三分。溫酒調下。如服賽命丹後。毒未盡起。再用此末催之。惟疔瘡服此藥後身涼者卽死。○治疔單方。蒼耳草一握。生姜四兩。同搗爛入生頭酒一碗。去查熱服。大汗卽愈。或以菘豆野菊花爲末。酒調飲。醉睡覺痛定熱除。外用蒼耳根莖苗子。燒灰爲末。醋泔或靛調塗疔上。毒根卽出。山鄉疔腫初起。緊急無賽命丹者。用此更快。又或無蒼耳處。用烏柏葉搗汁一二碗頓服。得大便利爲妙。冬月用根研水服之。以利爲度。食災牛馬患者尤效。○五聖湯。大黃金銀花甘草各一兩。瓜蒌一箇。皂刺二兩。每用生姜一兩。酒煎服。一方去皂刺加當歸赤芍枳殼。治一切疔腫癰疽。初覺憎寒頭痛。○蜂蛇散。土蜂房二窠。蛇退一條。共入罐中。鹽泥固臍。火煨存性。爲末。每一錢。空心酒調服。少頃腹中大痛。痛止疔瘡化爲黃水。體質者。後服五聖湯。

【折傷】損內。雞鳴花蕊。石堪消。雞鳴散。大黃一兩。桃仁七粒。歸尾五錢。酒煎五積。痛不可忍。若氣絕不能言者。急以小便灌之卽甦。○花蕊石散。硫黃四兩。花蕊石一兩。爲末。入瓦灌內。盤泥固臍。晒乾安四方磚上。以炭火自巳午時煨至經宿。候冷

取出研細。磁罐盛之。如一切金刃及打撲身體出血者。急於傷處糝藥。其血化爲黃水。如內傷血入臟腑。熱煎童便入酒少許。調服一錢立效。如牛觸腸出不損者。急送入。用桑白皮或生白麻爲線縫合肚皮。縫上糝藥。血止立活。並不得封裏瘡口。恐作膿血。如瘡乾以津液潤之。然後糝藥。如婦人產後敗血不盡。惡露奔心。胎死腹中。胎衣不下。並用童便調服。○單人中白散。火煨醋淬爲末。每五分。酒調服。治閃挫跌撲。傷骨極重者。其效如神。

折傷見紅。歸鬚蚌霜可窒。

當歸鬚散。歸尾一錢半。紅花八分。桃仁七分。甘草五分。赤芍烏藥各附蘇木各一錢。官桂六分。水酒各半煎。

空心服。治打撲以致氣凝血結。胸腹背痛。或寒熱。如挫閃氣血不順。腰脊痛者。加青皮木香。脅痛加柴胡川芎。○古蚌霜散。蚌粉百草霜各等分爲末。每一二錢。糯米飲調服。側柏枝研汁尤效。治傷損大吐血。或因酒食飽。低頭掬損。吐血過多。并血妄行。口鼻俱出。但聲未失者。皆效。如鼻衄舌衄。及灸瘡出血。並用乾糝立止。○古烏附湯。烏藥一錢。香附二錢。甘草三分。爲末。淡鹽湯調服。治跌撲吐血不止。又能調中快氣。治心腹刺痛。

定痛應痛稱陣王。

乳香定痛散。乳香當歸白朮各二錢。白芷沒藥甘草羌活人參各一錢。爲末。每二錢溫酒并童便調服。治打撲墜墮傷損。一切疼

痛。如血虛者去羌參加川芎芍藥生地牡丹皮。○應痛丸。草烏八兩。生姜生葱各一斤。同搗淹兩宿。焙。蒼朮破故紙骨碎補各八兩。穿山甲小茴各六兩。爲末酒糊丸梧子大。每五十九。溫酒米飲任下。忌熱物。治折後爲四氣所侵。手足疼痛。○陣王丹。大黃一兩。石灰六兩。同炒灰紫色爲度。去火毒。篩過敷傷處。立效。一方加小兒髮灰。乳香沒藥蒲黃各少許。爲末。用未開眼老鼠子。和藥搗爛。陰乾爲末。不問刀箭出血木石損傷。敷之如神。且免破傷風症。

夾骨接骨見醫術。

夾骨法。小蝦蟆四五箇。皮硝三分。生姜一兩。酒糟一碗。腫者加紅內消同搗爛。敷手足折傷之處。一方用菜豆粉一味。炒令紫色。

以熱酒同熱醋調敷損處。用竹紙蓋貼。將杉木皮或桑皮二片夾定。其效如神。○小曲散。小麥麵鍋煤各五分。狗頭骨乳香五倍子各一分。為末。用熱酒調敷傷處。不可敷破處。重者加天靈蓋少許尤妙。爛者只用鳳尾草一味。搗爛敷之。或以此草煎湯洗亦好。○接骨紫金丹。土鱉自然銅骨碎補大黃血竭歸尾乳香沒藥礪砂各等分。為末。每八厘。熱酒調服。其骨自接。治跌打骨折。瘀血攻心。發熱昏暈。及瘀血自下吐血等症。如遇經事不調。每服加麝七厘。即通。○接骨丹。乳香沒藥各五錢。自然銅一兩。滑石二兩。龍骨赤石脂各三錢。麝香一字。為末。用好酒三碗。煮乾就炒燥為末。化黃蠟五錢為丸。彈子大。每一丸。酒煎。用東南柳枝攪散熱服。若骨已接。去石脂龍骨。臨臥含化一丸亦妙。○麻藥方。牙皂木鱉紫金皮白芷半夏烏藥土當歸川芎川烏各五兩。草烏小茴坐擊草酒煮熟各一兩。木香三錢。傷重手近不得者。更加坐擊草草烏及蔓陀羅花各五錢。並無製煨。為末。諸樣骨碎骨折出自窩者。每服二錢。好紅酒調下。麻倒不識痛處。或用刀割開。或剪去膏鋒。以手整頓骨節歸原。用夾夾定。然後醫治。如箭簇入骨不出。亦可用此麻藥。或鉗出。或鑿開。取出後用鹽湯或盪水與服立醒。○鬪齒方。點椒五錢。天靈蓋紅內消白芷二錢。各為末。齒動糝上即安。或已落有血絲未斷者。亦可糝藥。齒齦間鬪之。○接指方。真蘇木為末。敷斷指間。接定。外用蠶繭包縛完固。數日如故。亦治刀矢所傷者。

【破傷】開關定搐。蜈蚣星風及二烏。

蜈蚣散。蜈蚣二條。江鱧三錢。無江鱧以全蝎代之。為末。每一錢。防風羌活煎湯調服。治破傷風搐搦。角弓反張。外用擦牙或吹鼻亦好。如表解不已。傳入裏者。當服江鱧丸。○單全蝎散。蝎梢七箇。為末。熱酒調服。凡患破傷風症。非此不除。○古星風

散。南星防風各等分。爲末。如破傷及金刃傷。或打撲內有損傷。以藥末敷傷處。然後以溫酒調下一錢。如牙關緊急。角弓反張。及打傷欲死。但心頭微溫者。以童便調灌二錢。并進二服。如顛犬咬。先以口含漿水洗拭。更不作膿大效。蓋南星爲防風所製。服之不麻。○二烏丸。生川烏白芷天麻各二錢。生草烏雄黃各二錢。爲末。酒糊丸梧子大。每十九溫酒下。治破傷風角弓反張。牙關緊急。○烏蛇散。烏梢蛇六錢。麻黃一兩。草烏乾姜附子川芎白附子天麻各五錢。蝎梢二錢半。爲末。每一錢熱酒調。日三服。治破傷風及洗頭風。

破傷止血定疼。鱗蝟魚膠與甲質。

鱗蝟酒。破傷初覺有風時。急取熱糞堆內鱗蝟虫一二箇。用手捏住。待虫口中吐些小水。如

緊急。只煎去尾。將腹內黃水抹瘡口。再滴些小入熱酒內飲之。身穿厚衣。片時瘡口覺麻。兩脅微汗。風出立效。虎咬亦宜。○魚膠散。魚膠燒存性爲末。入麝香少許。每二錢。熱酒米飲任下。亦可溶化外敷。治破傷風口噤強直。○硃砂指甲散。人手足指甲。燒存性六錢。硃砂南星獨活各二錢。爲末。分作三服。熱酒調下。治破傷風手足顛掉不己。

表熱瓜石小芎。而半表無汗審羌榆。

瓜石湯。瓜萸仁九錢。滑石一錢半。南星各一錢。赤芍陳皮各一錢。黃連黃柏黃芩白芷各

五分。甘草二分。姜煎服。治破傷風發熱。○(小芎黃湯)。川芎五錢。黃芩三錢。甘草一錢。水煎服。治破傷風表熱。○(羌麻湯)。羌麻黃菊花川芎石膏防風前胡黃芩細辛枳殼茯苓蔓荊子甘草各五分。白芷薄荷各二分半。姜煎熱服。治破傷風半表半裏無汗。(榆丁散)。地榆紫花地丁草防風馬齒莧各等分。爲末。每三錢。溫米飲下。治破

傷風半表裏。頭微汗。身無汗。不可發汗者。宜此。

裏實江鱧大芎。而臟和養血兼防朮。

江鱧丸。野鴿糞炒。江鱧燒。姜蠶各五分。雄黃一錢。蜈蚣二條。天麻一錢。為末。分作

二分。將一分燒飯為丸。梧子大。硃砂為衣。將一分加巴霜二分半。飯為丸。每用硃砂藥廿丸。加巴霜藥一丸。二服加二丸。至便利為度。再服硃砂藥。瘡癒即止。治破傷風驚而發搖。臟腑祕澀。邪在裏者。宜此下之。○(大芎黃湯。川芎一錢。大黃羌土黃芩各二錢。水煎服。治破傷風二便秘赤。自汗不止。○(養血當歸地黃湯。當歸川芎生地芍藥。本防風白芷各一錢。細辛少許。水煎服。治病久氣血漸虛。邪氣入胃。宜此養血榮筋。○(白朮防風湯。白朮黃芪各二錢。防風四錢。水煎溫服。治破傷風發表過多。臟腑和而自汗不止者宜。

【通用】忍冬或丸或散。

忍冬藤湯丸。忍冬藤五兩。甘草節一兩。或加黃芪當歸各五兩。尤妙。入砂鍋內水二碗。慢火煎。至一碗。入酒一

大碗。煎數沸。作三次溫服。一日夜喫盡。如病重一日夜服兩劑。俟大小腸通利。為藥力到。外用忍冬藤蓮花葉木杵搗爛入酒少許。敷瘡四圍。留中以泄毒氣。治一切癰毒外發內疽。及婦人乳癰。常服托裏消毒。一方用忍冬根藤花葉置罐內。以酒浸之。糠火煨一宿。取出晒乾。入甘草少許。為末。酒糊丸。梧子大。每百丸。溫酒米飲任下。消渴後宜服此藥。預防發癰。亦主痔漏。

概施黃蠟。加礬加葱。

蠟礬丸。黃蠟二兩。溶化待溫。入明礬末四兩。和勻。衆手急丸。梧子大。每三十九。食前酒下。日二服。定痛生肌。護膜止瀉。

消毒化膿。及諸內癰排膿托裏之功甚大。或金石補藥發疽。非此莫治。若遍身生瘡。狀如蛇頭者。每服百丸。大有神效。若蛇蝎及一切毒虫所傷。溶化熱塗患處。內更服之。其毒即解。為外科癰疽之要藥也。服至三四兩後。愈見其功。癰毒潰後服之甚穩。腸癰瘰癧及內科心痛尤效。如漏瘡用丸溶化。加雞腔肝髮灰末。和勻成條。塞入漏孔。○葱礬丸。端午午時取明礬晒乾為末。磁器盛之。遇腫毒初起。用末三錢。和葱白搗勻。酒調服。盡量一醉。或吐。以茶壓之。或飯與葱搗丸服。亦可。外用礬末五錢。麝香一分。取蝦蟆腸肚和藥搗膏。敷瘡四圍。一日夜即愈。治諸腫發背。一切惡瘡。

返魂湯既可加減。

赤芍木通白芷何首烏枳壳小茴烏藥當歸甘草各五分。水酒各半。煎湯。使隨症用之。治血氣逆於肉理。故令壅結癰疽。最宜調和榮

衛。但此方宜與內托十宣散相間用之。並加忍冬藤。最治內癰。但當審其虛實。或通或補。補則用附子。通則用大黃。如不明虛實。則此方亦能通順。可無他變。惟流注加

獨活。毒重加穿山甲全。蝎蟬退連翹。隨症加減。

化毒丸仍要折衷。

大黃牽牛槐花白芷穿山甲蜈蚣全蠶雄黃硃砂蟾酥明礬鉛丹。各等分。為末。米糊丸。梧子大。每八丸。葱酒下。癰疽初起。用之發

汗如神。

痛極乳香內服。口渴竹芪見效。

乳香止痛散。粟壳六兩。白芷三兩。灸甘草陳皮。各二兩。沒藥乳香各一兩。丁香五錢。每五錢水

煎服。治瘡腫疼痛不止。○竹葉黃芪湯。淡竹葉生地各一錢。黃芪麥門冬當歸川芎。甘草黃芍藥人參半夏石羔各五錢。水煎服。治癰疽氣血虛。胃火盛。而作渴等症。

潰甚聖愈作主。食少參芪收功。

聖愈湯。生地熟地川芎人參各五錢。當歸黃芪各一錢。水煎服。治癰疽膿水出多。心煩睡臥不安。

五心煩熱等症。○人參黃芪湯。人參白朮陳皮蒼朮麥門冬當歸各五分。黃芪一錢。升麻六分。黃柏四分。神麴三分。水煎服。治潰後少食不眠。發熱等症。

蒜豉【灸】以拔毒。

隔蒜灸法。先以濕紙覆上。立候紙先乾處。爲瘡頭。記定。然後用獨蒜去兩頭。切中間三分厚。安瘡頭上。用艾炷於蒜上灸之。每五

炷換蒜再灸。如瘡大有十數頭。作一處生者。以蒜搗爛攤患處。鋪艾炷蒜散。再換。治一切癰疽腫毒。大痛。或不痛。或麻木。若痛灸至不痛。不痛灸至痛。其痛乃隨火而散。此拔引鬱毒從治之法。有回生之功。若蒼色或白或紫。不起發。不大痛。不作膿。不問日期。最宜多灸。未成者消。已成者殺其火勢。○豆豉餅。淡豆豉爲末。用唾津或漱口水和作餅。如錢大。半分厚。置患處。以艾炷餅上灸之。餅乾又易。治癰疽腫硬不潰。潰而不斂。并一切頑瘡惡瘡。未成卽消。已成卽潰。不效者血氣虛敗也。

桑葱【熨】以祛風。

桑枝灸法。治發背不起發不腐。用桑枝燃着吹息火焰。以火頭灸患處。日三五次。每次片時。取瘀肉腐動爲度。若腐肉已去。新肉

生遲。宜灸四圍。陰瘡癩癬。流注膿瘡。寒邪所襲。久不愈者。尤宜用之。未潰則拔毒止痛。已潰則補接陽氣。其陽症腫痛極甚。或重如負石。初起用之。水出卽消。其經數日者用之。雖潰亦淺。且無苦楚。○葱熨法。生葱搗爛炒熱。頻熨患處。至冷再換。治流注結核。骨癰鶴膝等症。先用隔蒜灸。餘腫尙存。用此熨之。以助氣血行壅滯。其功甚大。又跌撲損傷。止痛消腫。散血之良劑也。

【洗】毒肉汁易求。

洗毒散。蛇床子地骨皮紫花地丁草麻黃荊芥防風枯礬各三錢。葱白三根。水三碗。煎至二碗。於無風處洗之。治諸般惡瘡。及風濕

陰蝕瘡。○(肉汁湯)。白芷甘草羌活蜂房黃芩赤芍當歸各一錢。用豬蹄爪肉一斤。煮汁分二次去油花肉查。方入前藥。煎十沸。俟溫。以絹蘸湯揩洗。惡血隨洗而下。忌風冷婦人猫犬。治一切瘡疽有口。

【點】瘡爐灰當密。

爐灰膏。用嚮糖爐內灰一升半。風化石灰一升。炒紅以竹箕盛貯。用滾湯三碗。慢慢淋自然汁一碗。銅鍋盛慢火熬。如稀糊。先下巴

豆末。次下蟾酥各二錢。白丁香末五分。炒石灰一錢。攪勻再熬。如乾麵糊。取起俟冷。以磁罐盛貯。勿令泄氣。每用時。以簪頭挑少許。放指甲上研。口呵氣調勻如泥。將患處用針撥開。以藥點之。治一切無名腫毒惡瘡。及外治擦癩氣衆。除瘤點痣等症。有膿者就足無膿者就散。惟好肉及眼上忌用。如點癩癧。去蟾酥加輕粉一錢。畏痛加乳香沒藥各一錢。尋常消瘤點痣。只用灰膏。不必加藥。○去惡散。雄黃一錢。巴豆一箇。同研如泥。入乳香沒藥各末少許。又再研勻。如諸瘡毒有惡肉不能去者。每取少許。點上即去。

【敷】分陰陽。

陰陽散。赤芍生血止痛去風。白芷去風生肌止痛。石菖蒲和氣行血能破腫硬。五倍子消腫生肌。各二兩。獨活三兩。止風動血。紫荆皮五兩。破氣

逐血消腫。爲末。葱酒或醋調敷。治癰疽腫毒流注。此藥平和。故曰陰陽。○抑陽散。草

天花粉三兩。姜黃白芷赤芍各一兩。爲末。茶湯任調敷。治癰疽屬陽症。○抑陰散。草

烏二兩。白芷赤芍南星各一兩。肉桂五錢。葱湯或熱酒調敷。治癰元氣虛寒。腫不消散。或不潰斂。或筋攣骨疼。一切冷症神效。○雞血散。用雄雞剪去冠尖。少許倒提滴血瘡上。血盡再換。不過五六雞。痛止毒消。其瘡自愈。內以人參六兩。分作六次。盡日煎服。治癰疽屬陰症。○(鐵箍散)。乳香沒藥大黃黃柏黃連南星半夏防風羌活皂

刺木鱉子瓜。裏根阿膠甘草節草烏。各等分。爲末。醋調成膏。砂鍋內火熬黑色敷之。寒者熱用。熱者寒用。治癰疽腫痛。赤暈散漫。及諸般瘡癩。○鉄井欄。芙蓉葉重陽前採。蒼耳葉端午前採。燒存性爲末。蜜水調敷。一切腫毒背癰。以此藥圍定。不復畔開。○(單巴豆膏)。巴豆炒焦研如膏。須臨用製之。庶不乾燥。如發背中央肉死。塗之卽腐。未死塗之生肌。惡瘡久不收斂。內有毒根。以紙燃蘸藥納之。根去卽斂。元氣虛弱。或因尅伐胃氣。以致毒氣散漫。中央肉死。急服大補之劑。中塗三四寸許。至五六日。赤黯之界自裂。紋如刀割狀。中央漸潰。若脾氣大虛。肉不知痛。急補脾胃。肉多復生。○(單小粉膏)。用隔年小粉。愈舊者愈好。不拘多少。入鍋炒之。初炒如錫。炒久則乾成黃黑色。候冷爲末。陳米醋調。令稀稠得所。以磁罐收貯。如一切癰疽發背。無名腫毒。初發微熱未破者。量所腫大小。用厚皮紙攤開。中剪一孔。以泄毒氣。貼上。卽如冰冷。疼痛卽止。少頃覺痒。不得揭動。久則腫痛自消。其效如神。○單糯米膏。揀淨糯米三升。入磁盆內。於端午前四十九日。以冷水浸之。一日兩度換水。時以轉手淘轉。勿令米碎。至端午日取出。用絹袋盛之。風乾。每旋取少許。炒黑爲末。冷水調成膏。量瘡口大小貼之。絹帛包定。直候瘡愈爲度。若金瘡誤犯生水。瘡口作膿。急以此藥裹定。腫處已消。直至瘡愈。若癰疽毒瘡。初覺微腫。吡腮。並貼項下及腫處。若竹木簽刺入肉者。臨臥貼之。明日其刺出在藥內。若貼腫毒。乾卽換之。常令濕爲妙。惟金瘡水毒不可換。恐傷瘡口。

【線】有三品。上品錠子。專治十八種痔漏。紅礬二兩半。乳香沒藥硃砂各三錢。牛黃五分半。礞砂一錢熟。四分生。自信火煨一兩。○中品錠子。專治翻花癰瘤等症。白礬三兩八錢半。乳香沒藥各五錢半。硃砂三錢。牛黃七分半。礞砂五分熟。五分生。金信一兩半。火煨黑烟。止用淡清烟。○下品錠子。專治發背疔瘡等症。

紅礬三兩二錢。乳香六錢。沒藥五錢。硃砂三錢。牛黃四分半。礪砂二錢四分。半熟半生。白信三兩。火黑烟盡。半日取起用。各依法製爲末。麵糊和勻。捻成錠子。看瘡漏大小深淺。插入錠子。如肉內黑色。勿上生肌散。直待黑肉去盡。方可上生肌散。若瘡無頭者。用太乙膏。加厚藥一粒貼之。白礬二兩。乳香三錢二分。沒藥三錢七分。硃砂四分。牛黃五分。白信二兩。火煨烟盡。半日取用。巴霜三錢。白丁香二錢半。姜黃三錢半。爲末。或唾津調敷。一日換三次。但瘡破插上前錠子。○通用青金錠子。銅綠三錢。青礬胆礬輕粉砒霜白丁香苦葶藶各一錢。片腦麝香各少許。爲末。麵糊或煉蜜加白芨末爲錠子。如麻黃大二三寸長。看瘡口深淺插入。疼者可治。不痛者不治。如開瘡口。用生砒。去死肉。用煨砒。生好肉去砒加枯礬。○取久疽久痔漏中朽骨法。用烏骨雞脛骨。以信石實之。鹽泥固濟。火煨通紅。地上出火毒。取骨爲末。飯丸如粟米大。以皮紙燃送入竅內。外用膏藥封之。其骨自出。

【取膿】射膿透膿

隔皮以膿法。驢蹄肉焙蕎麥粉炒各一兩。白鹽五錢。草烏四錢爲末。水調作餅。慢火炙微黃色。去火毒。爲末。醋調成膏。攤厚紙上。

貼患處。水自毛孔而出。其腫自退。諸般腫毒皆效。○射膿法。枯礬黃丹各一錢。砒霜五分。爲末。麵糊爲丸。捻作錠子。每用粘藥於頭。欲出處以膏貼之。自潰。治諸瘡節。膿水已成。卽當針開。決出陳臭惡痰。若惡痰不出。須當用此藥以射其膿。○又方用陳壞米一錢。礪砂五分。白丁香二十一粒。爲末。粳米粥丸。粳米大。每用一丸貼瘡上。以膏貼之。其膿自潰。○透膿散。蠶繭一箇。燒灰酒調服。卽透一箇瘡口。若用兩三箇。卽透兩三箇瘡口。或用黃蠟作小丸服之。俱不可多服。治諸癰瘡及附骨疽不破者。不用針刀。一服卽破也。

【生肌】完肌平肌。

生肌定痛散。乳香沒藥龍骨硃砂雄黃各一錢。血竭兒茶海鱗鱗各二錢。赤石脂五錢。白芨白斂各一錢半。片腦一分。或加天靈蓋一

錢。爲末糝之。外貼膏藥。生肌止痛。如神。○生肌長肉膏。龍骨三錢。白芷二錢半。血竭二錢。黃丹神砂。各五錢。石羔一兩。樟腦少許。爲末。先將黃蠟一兩。溶化。入香汕

少許。然後入藥末。攪勻得所。捻成條子。塞瘡口內。肌肉自長。如痛甚加乳香沒藥各二錢。○完肌散。定粉枯礬黃連乳香龍骨各二錢。黃丹輕粉各一錢。爲末糝之。○平

肌散。狗頭骨露蜂房男頭髮。各燒存性一錢。桑白皮五分。麝香輕粉各少許。爲末。津液調敷。治漏瘡及一切瘦漏。經久不合。○易簡方。端午日採一平合花蕊。量入古墳

內舊屋脊上舊船底上三樣石灰。搗爛陰乾爲末。乾糝。乾者麻油調搽。不問金刀撲跌狗咬湯火。所傷。神效。

【斷血】金毛無蹤。

斷血藥。金毛狗脊一兩。明礬三錢。血竭少許。爲末糝上。其血卽止。○又方。寒水石花蕊石龍骨黃柏沒藥各五錢。黃藥子七錢半。

一方加白芨乳香輕粉爲末。敷上以絹帛札定。治金瘡出血不止。及諸瘡疼痛。膿血不乾。久不生肌。

【斂口】木檳有准。

斂口藥。輕粉木香黃連白芨爲末。臨肉滿糝之。諸瘡不合口者。皆效。若用之太速。毒氣舒泄未盡。必於其傍。遂發大疽。○古香榔

散。木香檳榔各等分爲末。糝上。乾者蠟油調塗。生肌斂肉。止痛甚速。一方加黃連當歸各等分。○單方用經霜桑葉爲末。頻糝治瘡大窟不斂。外又以桑葉煎湯洗之。或加

白斂白芨雞肱胫之類。亦可。

【外貼】內服。太乙雲母麒麟兮。神應萬應。千槌欲成丹。

太乙膏。玄參白芷當歸肉桂大黃

赤芍生地各一兩。用油二斤半浸。夏三冬十。春秋七日。方入銅鍋內文武火煎。至藥枯黑。濾去渣。入黃丹十二兩。以槐枝不住手攪。煎至滴水成珠。軟硬得中。即成膏矣。治一切癰疽腫毒。不問年月淺深。已成膿者。並宜。如發背先以溫水洗拭。攤排絹貼之。更用冷水送下。血氣不通。溫酒下。赤白帶。當歸煎酒下。咳嗽及喉閉。喉風。綿裹含化。一切風赤眼。貼兩太陽穴。更以山梔煎湯下。打撲損傷。外貼內服。陳皮煎湯下。膝痛外貼內服。鹽湯下。唾血桑白煎湯下。婦人經閉腹塊作痛。貼之。經行痛止。一切疥瘡。則煉油少許和膏塗之。虎犬蛇咬湯火金瘡傷。並外貼內服。諸瘰癧瘡。節及楊梅瘡毒潰爛。先用鹽湯洗淨貼之。並用溫酒下三五丸。梧子大。以蛤粉為衣。其膏可收十年不壞。愈久愈妙。○雲母膏。川椒白芷赤芍肉桂當歸菖蒲黃芪白芨川芎木香龍胆草白斂防風厚朴桔梗柴胡人參蒼朮黃芩附子茯苓良姜百合皮松脂各五錢。甘草柏葉桑白皮槐枝柳枝陳皮各二兩。用清油四十兩。浸封七日。文武火煎。以柳木不住手攪。候匝沸。乃下火。沸定。又上火。如此者三次。以藥枯黑。濾去渣。再熬入黃丹二十兩。沒藥鹽花血竭麝香乳香各末五錢。雲母硝石各末四兩。以槐枝不住手攪。滴水成珠。不軟不硬為度。磁器收貯。候溫將水銀二兩。以絹包定。以手細彈。鋪在膏上。名養膏。每用時先刮去水銀。或丸梧子大服。或攤絳布上貼。隨宜用之。如發背敗蒲煎湯洗拭貼之。內服一兩。分三次溫酒下。未成者即愈。乳癰瘰癧骨疽毒穿至骨。外貼內服。一兩。分三次酒下。甚者即瀉惡物。腸癰內服五兩。分五次。甘草煎湯下。未成膿者消。已成膿者隨藥下膿。下後每日仍酒下五丸。膿止住服。發頤發鬚發眉發耳臍癰牙疼瘤癩。及一切瘡節腫毒。並外貼。即時毒消痛止而愈。甚者內服。風眼貼兩太陽穴。小腸氣茴香煎酒下一分。日二服即愈。難產溫酒下一分。血暈欲死。姜汁和童便溫酒下十九丸即醒。死胎榆白皮煎湯下五錢。即生。壁虎蜘蛛咬。外貼留瘡口。虎豹咬。甘草煎湯洗拭貼之。每日一換。蛇犬咬。外貼內服十九丸。生油下。箭頭入

肉。外貼每日喫熟菜豆少許。箭頭自出。中毒藥酒下一分。每日一服。四日瀉出惡物。立瘥。但有所苦。藥到即愈。忌羊血。餘無所忌。如收此藥防身。以臘紙裹。不可風乾。可收三十年。不損藥力。○麒麟竭膏。當歸木鱉肉知母五倍子細辛白芷各五錢。槐柳枝各十四寸。一方用山茨菇紅芽大戟巴豆各五錢。用香油三兩半。同煎。八味入鍋內。文武火煎。以柳枝不住手攪。煎至藥枯黑。濾去渣。入松香十兩。歷青末二兩。仍不住手攪。如沸溢即下火攪之。再上火一茶頓。滴水成珠。不軟不硬。即入血竭三錢。輕粉麝香各一錢。雄黃四錢。乳香沒藥各末五錢。徐徐而下。速攪極勻。凝則再上火。勿令沸溢。傾入水中。浸半日後。以手搏之。漸漸軟和。番復揉扯。如金絲之狀。再入水浸之。如前揉扯。春夏頻換水多浸。愈妙。緊急亦浸兩宿。治一切癰疽互發毒瘡。生者貼之即散。熟者即穿。遂敗生肌。首尾可用。一切疔腫結核。並貼患處。膿瘡先用整汁白礬入湯洗淨。以牛蒡子葉或金剛藤葉先貼半日。取盡惡水。然後貼膏。刻日可愈。一切臀股黃濕痒痛等瘡。並洗拭貼之。一切打撲損傷閃挫氣悶等症。並貼患處。頭疼貼兩太陽穴。赤眼貼眼胞魚尾。暴傷風冷嗽貼背心。牙疼刮藥塞牙縫。面腫貼面。小兒疳痢等疾。爲丸棗豆大。米飲下二三十丸。一切風寒濕痺臂腿疼痛。俱貼痛處。無不有效。○神應膏。香油一斤。入亂髮一團。雞子大。於銚中文武火熬至髮枯。入杏仁一兩。再煎枯黑。濾去渣。入黃芪七錢半。玄參五錢。熬一二時久。住火候火力稍息。入帶子蜂房一兩。蛇退五錢。以柳木不住手攪。慢火熬至枯黑。濾去渣。入黃丹五兩。不住手攪勻。滴水成珠。不軟不硬。磁器收貯。隨意攤貼。治諸般癰腫節毒。外科神藥。人多忽之。○萬應膏。木香川芎牛膝生地細辛白芷秦艽歸尾枳殼獨活防風大楓子羌活黃芩南星葶麻子半夏蒼朮貝母赤芍杏仁白斂茅香兩頭尖艾葉連翹川烏甘草節肉桂良姜續斷威靈仙荊芥藜本丁香金銀花丁皮藿香紅花青風藤烏藥蘇木玄參白蘇皮姜蠶草烏桃仁五加皮山梔牙皂苦參穿山甲五倍子降真節骨碎補蒼耳頭蟬退蜂

房蟹甲全蠟麻黃白芨各一兩。大黃二兩。蜈蚣二十一條。蛇退三條。桃柳槐榆桑練楮七樣樹皮各廿一寸。用麻油十二斤浸。春五。夏三。秋七。冬十日。方入銅鍋內文武火煎至藥枯黑。濾去渣。磁器收貯。另用松香一斤。溶化入前藥油二兩。同熬滴水成珠。不軟不硬。另濾入水中。番復揉扯。如金色。即成膏矣。治一切風氣寒溫手足拘攣。骨節酸疼。男人痞積。女人血瘦。及腰疼脅痛。諸般疼痛。結核轉筋。頑癬頑瘡。積年不愈。腫毒初發。楊梅腫硬未破者。俱貼患處。肚腹疼痛瘧痢。俱貼臍上。痢白而寒者尤效。咳嗽哮喘。受寒惡心。胸膈脹滿。男婦面色痿黃。脾胃等症。及心疼。俱貼前心。負重傷力。渾身拘痛者。貼後心與腰眼。諸疝小腸氣等症。貼臍下神效。○千槌膏。白松香一斤。草麻仁杏仁各三百粒。銅青三兩。乳香沒藥各一兩半。輕粉二錢。共入石臼內向日下以木杵槌成膏。如燥少加香油槌之。磁器收貯。每用忌火。宜於湯內溶化。紅絹攤開貼之。治諸般癰毒。無名惡瘡。未成者散。已成者拔毒追膿。如腹中痞塊及瘧疾。貼大椎及身椎穴。其效如神。

呼膿長肉白蠟琥珀水粉兮白膏紅膏綠膏如練錦 呼膿長肉膏。麻油三斤。入桃柳槐枝各七寸。頭

髮一團。雞子大熬焦枯。入當歸黃芪黃連各一兩半。黃柏黃芩大黃白芷杏仁防風荆芥羌活獨活連翹山梔各一兩。赤芍地黃白芨青風藤金銀花各八錢。文武火煎至藥枯黑。濾去渣。入黃丹半斤。黃蠟五兩。瀝青二兩。同煎至油滾。漸漸加之。滴入水中。軟硬得所。方入乳香。沒藥各味五錢。血竭輕粉各三錢。急手攪勻。磁器收貯。專治癰疽發背疔癤等毒。已破出膿者。油紙攤貼。如膿多用絹揩淨。將此膏放火邊略烘。再貼。第三次另換一箇貼之。貼得將收口。量瘡大小貼之。○白蠟膏。當歸生地各一兩。麻油一兩。煎藥枯黑。濾去渣。入白蠟或黃蠟一兩。溶化候冷。攪勻即成膏矣。治癰疽發背湯火等症。去腐生肌止痛補血。續筋。又與新肉相宜。其效如。或加乳香沒藥龍

骨血竭兒茶輕粉尤妙。○琥珀膏。歸尾川芎黃芪梢蜂房皂角升麻甘草葶麻子木鱉子芍藥白斂羌活藁本防風梢枸杞子瓜蒌仁蘇木白芷杏仁黃連槐枝各一兩。用水五大碗。煎至減半。去渣。其渣汁和勻。以槐枝不住手攪。慢火熬至成膏。入香油四斤。真酥二兩。羊腎脂油四兩。攪勻。文武煎至水盡。約以紙條燃着。不爆爲度。方徐徐入黃丹二斤。柳枝不住手攪。滴水成珠。軟硬得所。如軟添丹。硬再加油。再熬。方入琥珀木香乳香沒藥云母雄黃硃砂甘松各末二錢半。髮灰二兩。枯凡一兩。輕粉麝香各末二錢。急攪令極勻。微煎數沸。以磁器收貯。厚紙紅絹攤開。量瘡大小貼之。神效。治五發惡瘡疔腫癩癰。遠年冷疔痔漏。一切無名腫毒。及虎犬蛇傷。並皆治之。○水粉膏。黃丹半斤。水粉四兩。研勻用麻油一斤。煎至滴水成珠。次下乳香沒藥龍骨血竭兒茶輕粉各末二錢。攪勻磁器收貯。攤紙貼之。治癰疽癩癰。生肌斂口止痛。如貼艾炙火瘡。不須下乳沒等藥。便好。○白膏藥。水粉一兩半。赤石脂一兩。樟腦五錢。輕粉二錢半。爲末。用生豬脂去膜。同搗成膏。先將生肌散糝上。然後貼之。神效。○紅膏藥。先以黃蠟一兩。溶化。次下香油三錢。黃蠟五錢。攪勻再熬成膏。磁器收貯。貼諸瘡毒。及湯火金瘡等傷。○綠膏藥。銅青草麻子各一兩。松香四兩。木鱉子五十箇。杏仁五錢。巴豆五枚。乳香輕粉各一錢。爲末。搗勻於淨石上用斧槌千餘下。成膏。收貯。水浸。旋用治諸般惡瘡腫毒軟癩。○貼膏藥法。如瘡有膿血不淨。痲癩閉礙。須用藥水洗淨拭乾。候水氣乾。却用膏貼。貼後有黃水膿血流出。用紙揩從側畔出。一日一換。黃水膿血止。兩三日一換。貼至愈。凡洗拭換膏。必須預備。卽貼之新肉。惡風故也。

吁。瘍醫設天官。掌制毒有方。劊子手。菩薩心。誤傷何忍。周禮天官掌瘍醫。制五毒。方爲外科之祖。

醫 學 百 科 大 全

外科入門 南豐李樾外科藥性賦

九六

●●●●●
 醫學常識
 得此一書
 本為人人必不可缺乏者
 一切醫藥常識完全了解

防此不幸患病，欲使一般家庭間得知疾病之由來，而使身體康健，為之預防，此書之作，又可依法治療，不為庸醫所誤。

故此書先說明保持健康之法，次則言預防，再後則言治療而詳述其病理，原因，病狀，及調治方法，使人一覽即得，卷末並附以健康長壽法，以完成旨趣。

本書關於普通疾病，應有盡有，凡醫學上易知易解之事，網羅無遺，扼其要，會其通。實足為家庭之一大醫學顧問，凡遇疾病，翻檢即得，誠家庭健康上之指南，不論男女老幼，不可不人手一編也。

▲▲▲▲▲
 病源病狀及治療法
 居家旅行備此一書

●●●●●
 無病時可得防病之道
 有病時可以自行治療

●●●●●
 第一編 內科治療法
 第二編 小兒科治療法
 第三編 傳染病治療法
 第四編 外科治療法
 第五編 產科治療法
 第六編 產科治療法

●●●●●
 第七編 婦人科治療法
 第八編 花柳病治療法
 第九編 皮膚病治療法
 第十編 眼病治療法
 第十一編 耳鼻咽喉科治療法
 附錄 健康長壽法

●●●●●
 茲將總綱摘錄如下：

●●●●●
 第一編 內科治療法

●●●●●
 第二編 小兒科治療法

●●●●●
 第三編 傳染病治療法

●●●●●
 第四編 外科治療法

●●●●●
 第五編 產科治療法

●●●●●
 第六編 產科治療法

●●●●●
 第七編 婦人科治療法

●●●●●
 第八編 花柳病治療法

●●●●●
 第九編 皮膚病治療法

●●●●●
 第十編 眼病治療法

●●●●●
 第十一編 耳鼻咽喉科治療法

●●●●●
 附錄 健康長壽法

叢書
總目

診脈入門 內經入門 女科入門 外科入門（附療科）
辨舌入門 金匱入門 產科入門 傷科入門
藥性入門 傷寒入門 療科入門 喉科入門
湯頭入門 溫病入門 幼科入門 眼科入門

中國醫藥
入門
(療)
(科)
(入)
(門)

上海
中西醫藥書局印行

中國醫藥
入門叢書

牙科入門目錄

金匱過玉書治療法

總論

治法

辨證

忌用升藥說

疔不可用藥線說

藥忌酒說

頭面後項手指生疔便捷治法附治火眼

疔與癰疽治法異同

外科須明脈理

釘腦疔

印堂疔

鼻疔

迎香疔附迎香毒

耳疔

顴疔 附黃樂亭方案

腮疔 附黃樂亭方案

龍泉疔

虎鬚疔

反唇疔

鎖口疔

承漿疔

牙疔

穿牙疔 附穿牙毒走馬牙疔

舌疔

喉疔 附喉證
治法

螞蝗疔

開花疔

松子疔

正對口疔 附癰疽治法

偏對口疔

十指疔

蛇頭疔

天蛇毒

水蛇頭疔

蛇眼疔

蛇背疔

蛇腹疔

蛇節疔

鰓肚疔

斷指疔

僵節蛙疔

手丫疔

虎口疔 附虎口毒

托盤疔 附手心毒
穿掌毒

手背疔

手槽疔

肉龜疔 俗名脚發背
附烏茄疔

冷疔 附黃樂亭足
趾疔方案

脫骨疔

火焰疔

紫靨疔

黃鼓疔

白刃疔 附黃樂
亭方案

黑靨疔

羊毛疔 一名羊
毛痧

羊毛疔瘤

心經疔

火疔 附一切痧證治法

血疔

黑疔

魚眼疔

魚臍疔

七星趕月疔

護場疔

三十六疔

刀疔

紅絲疔

對疔

水疔

葡萄疔

暗疔

內疔

痘疔治法

看疔秘法

捲簾疔 以下俱疔方

火珠疔

忘汲疔

象虎疔

燕窩疔

注命疔

透腸疔

驪龍疔

赤斑疔

痘證回毒方 兼治疔腫

拔毒膏

痘疔潰爛方

牛糞散

蒜灸方

中國醫藥
入門叢書

疔科入門

金匱過玉書治疔法

總論 治法

疔者。堅硬有腳。其狀若釘。故名曰疔。若散腫無腳。則曰毒。有如瘡生指尖。按之其痛在骨。有硬塊如腳者。謂蛇頭疔。若散腫無腳。則謂天蛇毒。此卽疔與毒之分也。其證皆由五臟蘊毒而發。疔生於骨。根深毒重。每見失治之疔。日久膠結。致成硬腳。骨已爛出。貼於骨上。搖之不動。久不收斂。骨節脫落。若毒則自肌肉發出。其證較輕。治法則一。緩治亦防走黃。人受四時不正之氣。或恣食煎炙厚味。或誤食中瘟禽畜。及湯罐中霉爛米糝。則生疔。若早治。則十證十全。稍遲。已不過五六。失治。則十壞八九矣。唇面之疔。及紅絲

疔最易走黃。治能合法。一晝夜即可消散。他處亦然。蓋來甚速者。去亦捷也。初發時先令患者將頂上紅髮拔去。以洩毒最好。用蜘蛛拔毒法。若蜘蛛一時難覓。可用小尖刀刺患處。擠出惡血。見新血爲止。上蓋消疔毒膏。或稍加黑虎丹。背上有紅點。將鍼挑破。擠去紫血。疔發於五臟。上身之疔。背上俱有紅點。挑破以洩其毒。若脈浮數而寒熱拘急者。宜散。先服蟾酥丸。五丸。再服紺珠丹。俱以葱湯送下。灌至出汗爲度。若脈沉實而便閉口渴者。先服蟾酥丸。繼服貴金丸。重者服拔疔毒丸。以下之毒卽散矣。生於手足骨節間者。稍輕。生於頭項胸背者。較重。方書云。手指患疔。皮肉太薄。不宜早開。恐贅肉翻出。增痛。此說太拘。初發時不妨用刀輕刺。慢慢擠盡惡血。刺法。擠法。俱在乎手法。上蓋消疔毒膏。內有松香。內肉不致突出。凡疔如四圍腫痛。用鮮地丁草。或菊花梗根葉。搗汁塗之。或用溏鷄糞。或用烏龍膏解。

毒散外敷俱可。潰後硬而有腳，須用蟾酥丸或拔疔散放孔內。外蓋膏藥。

拔去疔腳。

拔去後如痛，恐有蟾酥毒，須用葱湯洗。

不但容易收口，亦不致再發。無腳者不必用。

蟾酥丸，卽用八將丹提毒，毒盡肌生，斷不可早用生肌散。恐毒未盡，反覆。

故也。陳實功云：疔瘡先刺血，內毒宜汗泄，禁灸不禁鍼，怕綿不怕鐵。

綿者，毒陷。

也。鍼者入鍼肉堅硬也。

又相傳口訣云：疔疔須明白，見證先一畫，除去刀疔。

刀疔，疔疔，忌用刀。

鍼餘。此法不可易言。雖俚俗實，疔疔之良訣也。若疔腫而不刺其毒，最易

入腹，刺後能將膿血擠清，有轉重就經，回生起死之效。倘刺之如瓜瓠，輒

而不知痛，流淡血水者，百無一生。或謂疔證屬火，不可灸，其說亦不盡然。

若紅絲疔不灸，疔頭而灸其所至之處，不可灸者，惟頭項之疔與指疔、火

疔及火日耳。

紅絲疔走毒甚速，不可拘火日不灸之說。

蓋頭項係肝膽腎三經部位，且頭爲衆陽

之首，疔乃火毒結成，再加艾灸，逼毒內攻，勢必走黃，手指之皮薄，灸則增

痛永樂大典濟生方載疔腫則灸掌後橫紋五枚七壯男左女右其腫卽消。有失治而致走黃者刺患所擠盡惡血卽隨走黃處按經細尋。有芒刺直豎卽是疔苗急用鍼刺出惡血卽於刺處用艾灸三壯以洩毒疔之於灸未可盡廢也神而明之存乎其人。

一論形色。若初起瘡頂泡色小白二日大白三四日轉紫色疔頭潰膿形若蜂窩飲食如常疔外生小瘡四圍赤腫手足溫者順若初起似疔非疔漸卽色灰頂陷如魚臍如蠶斑先青後黑輒陷無膿神昏嚙語心煩舌乾睛凝邪視驚悸喘急膿清臭穢形瘦慘黑腹痛囊縮嘔呃氣竈無脈飲食不進時流血水四肢俱冷此惡險之證也。

一論禁忌。若月內不犯房事則瘡口平坦無瘀肉最忌飲酒食肉房勞夢遺犯必走黃又忌雞魚海味生冷異香諸品及怒氣勞碌犯必加重

凡疔由火毒而成。服藥最忌辛熱助火。則毒更甚。且始終忌用升藥。用之毒與藥結成硬塊。固結不散。潰後斷不可早用生肌散。恐毒未除。反延爛耳。

一論用藥次序。初起服蟾酥丸。或狗寶丸。紺珠丹。以發其汗。倘毒勢不盡。仍憎寒惡熱。服五味消毒飲。如發熱口渴。便閉脈沉實者。邪在裏也。服加味解毒湯。加生大黃五錢。蔥頭五箇。輕者服化疔內消散。若將走黃。急服疔毒復生湯。已走黃。心煩昏憤者。服七星劍。若手足厥冷六脈暴絕者。係毒氣閉塞元氣不通。先服蟾酥丸。隨服木香流氣飲。若誤灸疔頭。煩躁譫語者。乃逼毒內攻也。宜服解毒大青湯。若潰後餘毒未盡。五心煩躁者。宜服人參清神湯。若鍼後出膿時。氣虛驚悸者。宜服內托安神散。若攻利太過。而致發渴。六脈虛大者。宜服補中益氣湯。若發汗

後汗不止。熱不退。瘡不疼。便不利者。此屬裏虛。宜服八珍湯加黃芪麥冬。凡疔收功後。不宜早補。卽見虛象。亦只可平補。而不可溫補。

一論用藥輕重。上焦風熱之證。用藥宜輕。重則恐其犯及中下。二焦惟

疔則不然。頭面之疔。最易走黃。

古諺云。面無好疔。其毒極猛。

藥非重用不可。若菊花地

丁二飲。爲治療要方。各用四兩。另加生甘草四錢。如二飲合用。至多減半。金銀花亦要藥。味清力薄。重用方效。菊花地丁。俱和平之品。金銀花雖散熱解毒。而能滋陰補虛。仲景立方。重用甘草者甚多。且有以甘草爲君者。時手用甘草。不過三四分。不知始於何人。外證用藥。本重於內證。而疔則其來甚速。非濃煎大劑。日夜當茶飲之。不能解其毒也。至若黃連黃蘗等大苦寒之藥。疔雖火證。不宜重用也。

辨證

疔之發也甚速。而其毒尤烈。有朝發夕死。隨發隨死者。有三日。五日至一

月半月而死者。初起如疥如粉刺。或發小泡。或起疙瘩。不可認作風熱疙瘩。始則或

癢或麻木。毒盛者如是。後則漸痛。亦有起即痛者。由癢而起之證。其毒必四散

遊走。最爲利害。一二日後發寒熱如瘧。甚則嘔吐煩躁。頭暈眼花。舌硬口

乾。手足青黑。心腹脹悶。精神萎頓。語言顛倒。其形大小長圓。其色黃白紅

紫。或有紅絲。無一定形。更有生於內者。亦有寒熱頭痛等證。而瘡形不現

過數日。或有一處腫起。即內疔所發之地。又有生於暗處者。初起不可誤

爲傷寒時疫。當於鬚髮眼耳口鼻肩下兩腋手足甲縫糞門陰戶等處。遍

尋細看數次。有則照後方治之。若前心後背有紅點。即照後羊毛疔治之。

要在虛心辨認。隨其證之輕重。用藥合宜。方可無慮。書云。見其小。則當大

驚。倘或緩治。或治不得法。必致走黃。變端不測。俗云。走馬看疔。極言治之

不可緩蓋疔證由五臟之毒火蘊結而發故分五色。其部位亦有一定。發於心者。生唇口。手掌指節間。其泡色紅黃。發於肝者。生手足肋脇間。其色初紫後青甚。則指甲青色。發於脾者。生口角顙顴眼胞間。起有黃泡。發於肺者。生鼻竅。手指胸臆間。起有白泡。發於腎者。生耳竅。腰腹軟處。起有黑斑。卽證之形色部位參之。而五臟之所屬可辨矣。

茲將各疔之名開列於後。

有以象形名者曰氣疔	石疔	松子疔	爛疔	鬼疔	菜萸疔	麻	
子疔	芝麻疔	鹽膚疔	浮漚疔	瓜藤疔	楊梅疔	魚尾疔	
豬疔	狗疔	羊疔	牛疔	驢馬疔	牛皮疔	蜈蚣疔	雄疔
雌疔	豆腐疔	火疔	水洗疔	刀臙疔	肉龜疔	蛇頭疔	蛇
腹疔	蛇眼疔	蛇節疔	蛇背疔	鰓肚疔	托盤疔	葡萄疔	

冷疔 對疔 羊毛疔 羊毛疔瘤 開花疔 螞蝗疔 水蛇頭疔
脫骨疔 斷指疔 血疔 護腸疔 火珠疔 水疔 魚眼疔
魚臍疔。

有以會意名者曰捲簾疔 忘汲疔 燕窩疔 注命疔 透腸疔 驪
龍疔 參虎疔 釘腦疔。

有以顏色名者曰赤面疔 黑疔 火焰疔 紫靨疔 黃鼓疔 白刃
疔 黑靨疔 紅絲疔

有以數目名者曰十指疔 三十六疔 七星趕月疔。
有以經穴名者曰迎香疔 印堂疔 合谷疔 承漿疔 人中疔。

有以部位名者曰手丫疔 頰疔 鼻疔 鬚疔 虎鬚疔 反唇疔
腮疔 牙疔 穿牙疔 暗疔 內疔 心經疔 手背疔 偏正對口

疔之類是也

以上諸疔。刺治法一切俱詳下。

諸疔或見於方書。或得之口授。若偏正對口

手背等疔。則載於刺疔捷法證極重險。

忌用升藥說

升藥者。卽周禮瘍醫之五毒藥。見鄭康成注。其方以石膽丹砂雄黃礬石慈石五味合置黃瓦瓶中燒。三日夜其煙上着。以雞羽掃取之。以注瘡口。能使惡肉破骨盡出。然諸瘡痛癢。皆屬於心。心爲火臟。又積溼熱。更以剛猛煉合之品加之。不將使弱者傷。正氣強者增熱毒乎。此說得之。桐鄉張夢廬張氏於嘉道間。以通儒爲名醫。其治外證不用升藥。皆得奏效。况今之升藥。又與古方不同。多用水銀硝礬合煉。非埋土中七八年。盡火氣不可用。蓋水銀之性善走經絡。能令瘡口變黑。筋骨拘攣。用之不當。有外證愈而成浮腫癱瘓之疾者。疔爲火毒之證。尤不可近。徐靈胎云。世人以

升藥爲收口聖藥其害無窮。又云。水銀之毒未退盡。好肉遇之。皆爲死肌。王洪緒全生集升降之藥亦禁忌。徐王二氏爲當代名醫其說非無所見。而云然也。

疔不可用藥線說

疔不用藥線。載於外科大成。余以爲外證皆不可用。不獨疔爲然也。時醫於外證潰後。慮其孔塞。輒以綿紙捲藥作線形。插入患孔。以致氣血阻隔。脈絡不能貫通。久則膿水清稀。不能收斂。後來將藥線扯去。外實中空。內已釀成一管黃水。時流幼者背脊漸凸。不久夭亡。壯者形神日羸。久成怯損。貽害匪淺。藥中用冰麝等品。卽無經不達。何必定用藥線哉。且藥線中用升藥者居多。在臂膊等硬肉處。卽不成管。亦有筋骨拘攣等弊。外科動用升藥。不肯用貴重之品者。無非爲惜資起見。余故嘗曰外科合藥。惜資

誠造孽也。

藥忌酒說

疔忌酒肉。犯必走黃。人人知之。然前人治疔之方。用酒者多。王洪緒全生集云。疔藥不宜用酒。凡藥俱不忌酒。外證之藥。有用酒煎而益效者。而疔獨忌之。以其善於走黃也。比論實前人所未發。余用古方。凡有酒者一概刪去。近時名醫黃樂亭。以葱礬散治疔。則用酒。古方亦然。取其無經不達也。是方載於白刃疔下。余用葱礬散。則以葱湯送下。間有用酒者。似較效。要視其證之何如耳。然於煎藥。則以不用爲是。

頭面後項手指生疔便捷治法

附治火眼

疔之須刺。已於上詳言之矣。茲將督脈處及手指生疔。另有便捷刺法。再行聲明。俾治者更易也。按督脈起於長強穴。尾骶骨端。終於斷交穴。上唇門牙正中齒根。

百勞穴爲脊盡上行要路。又名大椎脊骨第一椎上陷中。與肩齊。如證生於督脈經行之地若

後項之正對口頭項下之天庭。從鼻直上入髮際五分。眉心中之印堂。鼻柱下之人中。

一名水溝。等處最好刺白勞穴以洩毒。生頭面者俱可刺。如患對口項強不能轉側刺後

片時卽能活動再刺委中穴毒必解而轉輕。刺法用三稜鍼輕刺擠出紫

血。來經之穴。其色故紫。隨以麻油食鹽擦穴上俾毒可透洩。刺不可深內經所謂刺

皮無傷肉也。若指疔則無論何指須刺第三節指根近掌處。俾毒不致竄

入旁指及手心手背卽本指之毒亦可洩。此一定理也。朱子云。凡物莫不

有理。醫能明理方可言醫。余以此法治療亦於理中求之。故無不效。若頭

面之證火毒盛而腫者可用生大黃生南星片稍煎搗爛作餅貼兩足心。

一週時患處四圍塗牛膝湯或煎藥中用牛膝使火毒下行。治火眼亦極效。古人

所謂病在上而求諸下也。

委中穴 刺之不獨疔瘡有效。卽如癰疽發背紅腫疼痛及脚膝風溼。卽拄杖跛足者。鍼之亦效。若中風痰厥。牙關緊閉。不省人事者。鍼之立醒。其穴在臍中央約紋動脈陷中。令患者雙手著壁土。雙脚挺直。用三稜鍼將紙紫尖頭露半粒米許。鍼時以中指抵住鍼頭。看委中穴有細青紫脈。皆是溼毒惡血。照準青紫脈上刺之。任出黑血。至淡黃色爲止。將紙輕按片時。用膏藥貼之。三四日不可洗浴。外證可照此治。若風溼跛足等證。於放血後。令人將圓棍於手足腰背腿上推之。病卽漸愈。鍼穴不宜出血。惟委中少商兩穴必須出血。且挑疔來經之穴。與平常鍼灸不同。總宜擠出惡血爲是。方書云。冬月閉藏。宜少鍼刺。如唇疔紅絲疔等證。轉瞬卽變。不能避冬月也。最好用細磁器碎片取其鋒尖一塊。用筋一根。將頭劈開。夾縛磁鋒。以二指輕捺筋梢。將磁鋒對患處懸寸許。再用細鐵條一根。頻擊筋

根。令毒遇刺皆出。如不消再行砭之。

疔與癰疽治法異同

疔與癰雖同屬陽證。而癰之初起卽痛。繼則焮腫無頭。膿熟方可開刀。異

於疔之初發。宜刺也。疽初起有一粒椒。亦可輕刺。擠去惡血。或癢或痛。初發時另有

刮毒一法。最爲捷效。詳鼻與疔之有用刮法者相同。疔之用藥。與癰近與

疽稍異。且疽則屬陰者居多。其用藥與疔則更異。若論刺法。則尤大不同。

癰之腫高而患在肌內者。刺二三分。疽之平腫附骨者。須深刺。若疔則宜

淺而不宜深。疔與疽俱發於五臟難治。癰則起於六腑故。易治也。

外科須明脈理

林屋山人全生集云。外證之虛實。發現患處。不諳脈息。儘可救人。此說非是。蓋其所主。全以色之紅白分陰陽。不知陽中有陰。陰中有陽。未可一概

論也脈之有餘不足不可不辨有餘之脈為浮如木滑往來實有力弦勁而直

洪有力而長本位緊有力數六至半有力沉而重按之伏著骨促有止不足之脈為細如絲

遲一息緩四至中空瀼遲滯不利濡柔細弱無力短短縮虛無力革沉少結遲中動如豆

散去來無定微若無代止有定數未潰而見有餘毒氣盛也攻不宜緩已潰而見

不足元氣虛也補不宜遲倘未潰而見不足之脈則毒陷而氣虛須補陽

以發毒已潰而見有餘之脈則毒盛而氣滯必補陰以化毒夫脈之道本

不易精因其不易而竟曰治病不必診脈誤人甚矣總之外證未潰屬實

脈宜洪大已潰則虛不宜洪大矣若疔之初足寒熱拘急脈緊而數者則

在表宜汗以散之如發熱口渴便閉脈沉而實者則在裏宜下以解之緊

數沉實簡而易明此為臨證診脈之要訣也

釘腦疔

生於太陽穴及眼角邊此疔極重。九死一生。太陽穴忌刺。如欲洩毒。又非刺不可。可用兩指將患處之肉提起。以三稜鍼輕輕橫刺。擠出膿血。再挑百勞穴。自一節挑五七節。百勞詳上便捷治法。揩面獲髮。須留心。不可見水。如水流入。必致面目俱腫。證益加重。外敷消疔毒膏。內服蟾酥或狗寶丸。寒熱則用紺珠丹散之。便閉則用貴金丹下之。再服清火解毒大劑。或可轉重爲輕。

印堂疔

生於兩眉中心印堂穴。起有小泡。頭黑不痛。麻癢難忍。根腳堅硬。寒熱交作。一名眉心疔。又有初起色赤。浮痛。痛腫。甚至高突如龍眼。煩躁口渴。坐臥不安者。宜急下之。俱係心肺二經火毒。若色黯根平。硬腫疼痛者。此名印堂疽。須按陰陽虛實治之。是處乃督脈經行之路。無一輕證。宜刺人中。

百勞以洩毒。穴詳便捷治法。

鼻疔

紅腫者曰鼻疔。若起白泡曰白刃疔。

生於鼻孔中腫塞脹痛引及腦門。甚則唇腮俱腫。此由肺經火毒。宜服蟾酥丸。汗之。再用蟾酥丸研末放入鼻竅。若鼻外腫硬。即用離宮錠子塗之。或荔枝肉及爛黃雞糞同搗塗之。初起即當速治。遲則毒氣內攻。神昏嘔噦。鼻腫如瓶者。逆另有刮法。用刀挑去瘡蓋。將刀尖於患處輕刮。微癢則毒水惡血漸來。須耐心細刮數十次。毒水清後用前藥外治更效。

迎香疔

附迎香毒。

生於鼻觀下迎香穴

鼻孔旁開五分

係手陽明風熱。初生小泡。麻癢微痛。一二日

後結核板硬。腫連腮唇。惡寒身熱。最易走黃。急用鍼刺先擠出如膿之毒水一滴。再將紫血擠盡。遲則毒水散開。則大腫而毒散矣。照治唇疔之法。

治之內服加減升葛湯。若迎香毒。則係陽明痰火蘊結。宜服蘇梗花粉橘紅川貝母連翹銀花薄荷甘草鮮蘆根之類。

耳疔

疔頭黑色。又名黑疔。

證生耳竅暗藏處。有由腎經火毒而成者。亦有飲丹石熱藥積毒而成者。色黑根深形如椒目。發時痛如錐刺。牽引腮腦。破流血水。人多作耳痛治之。不知乃耳疔也。速服蟾酥丸。發汗再化蟾酥丸。膿汁滴耳。內服敗毒散。火盛者用黃連解毒湯疏解。不久即瘥。耳中如流膿水。將新棉攪乾。用枯礬一錢頭髮灰一錢。胭脂棉用溼布潮透。瓦上炙存性一錢。共爲末。以新棉捲稻柴心上。醮藥末捲入。加冰罨各三釐。更妙。再用荔枝煨爲末。麻油調敷耳外。內外並治。取效更速。

顴疔

生顴骨之間屬陽明胃經不論左右。初如粟米黃色小泡旋如赤豆。或起疔瘡或色白而頂凹堅硬似釘麻癢疼痛寒熱交作。多因過食炙煖藥酒以致胃經積火蘊毒而生此證。極重極險。初宜用刺法。內服蟾酥丸。大便結則服拔疔毒丸。火盛紅腫服黃連解毒湯。若乾陷無膿。面目腫亮。身體發熱。此乃正虛邪實。毒氣內攻不能治矣。又泡色先紫後黑。麻木不知痛癢。四圍腫散。此腎經之毒已深。亦不可治。經云。心病則顴赤。宜降心火。腎病則顴與顏黑。宜滋腎水。是顴之證。不可專委於陽明也。

腮疔

初起如粟。二三日間。面鼻赤腫。甚則咽喉頸項皆腫。此係陽明火毒。並用後方加減服之。便結毒盛者。服貴金丸。不泄服拔疔毒丸。

腮疔走黃。十分險惡。用藥以冀百中之一。

紫地丁五錢 蒲公英五錢 當歸尾貳錢 大貝母叁錢 天花粉叁錢

知每貳錢五分 皂角刺叁錢 穿山甲叁錢 金銀花貳兩 甘菊花八錢

白芷壹錢 甘草節叁錢 草河車壹錢 乳香壹錢

服三劑大效

龍泉疔 虎鬚疔

生於上唇人中。一名水溝穴。爲龍泉。乃督脈經行之地。一名閉口疔。重則飲食

不進故也。人中之旁爲虎鬚。係陽明絡經行之處。其輕者因風熱而結。初狀若蚊咬。而根盤已經堅腫。惡寒身熱。次日頭破如椒一粒。照唇疔各方治之。火盛者用黃連解毒湯。其重者或因七情內傷。或因高粱厚味。醇酒炙博。五臟蘊熱。毒邪結聚而發。經曰膏粱味發疔。此之謂也。初起形如粟粒。或如水泡。按之根深如釘著骨。痛不可忍。根盤蔓腫不透。面目浮腫。或

堅腫焮紅。惡寒身熱。惡心嘔吐。肢體拘急。三四日後。或口噤如瘧。神識模糊。甚至不省人事。牙關緊閉。此係火毒陷入心包。卽名走黃。不善治者。十難救一。急用拔疔毒丸研末。扶起灌下。泄數次。卽醒。若有紅絲。照後紅絲疔治法治之。或有生機。如餘毒入絡。遍發流注。治與陽證流注同。

反唇疔 鎖口疔 承漿疔

反唇疔發唇裏稜生於上下嘴唇。上唇屬脾。下唇屬胃。係脾胃心經火毒結成。鎖口疔生於嘴角。係心脾二經所屬承漿疔生於唇稜下陷中。係任脈所經之處。三證初起。形如米粟。旋即綳硬。其色或赤或白。或紫黑色。或不痛或麻癢。其形甚微。其毒極深。其行甚速。不日卽四圍腫大。三四日卽不救。蓋疔愈小而毒愈橫也。反唇甚則令唇外翻。鎖口甚則口不能開。承漿甚則飲食不進。腫連下頤。俱屬迅速之證。須當速治。遲則毒氣內攻。令

人昏憤惡心。卽刻走黃。治法俱按疔門。急刺患處。擠盡惡血。禁用灸法。唇上各疔。宜刺委中穴。詳便捷治法。如不熟用鍼。喚薙髮匠熟於挑痧者刺之。再

以蛔蟲洗淨。加冰片搗爛敷之。卽刻瘡口流出毒水。腫消痛止。如無蛔蟲。用五穀蟲一錢。瓦上焙乾。日礬三分。蟾酥三分。燒酒溶化敷唇上。流出毒水。卽愈。如疼痛身發大寒大熱。頭面紅腫。牙關緊閉。勢甚險惡。可用

元參 叁錢 生大黃 四錢 黃芩 貳錢 牛蒡子 貳錢 角刺 尖 貳錢 白芷

貳錢 金銀花 叁錢 木通 叁錢 麥冬 叁錢 當歸 叁錢 全蝎 尾 八分

麻仁 四錢

水煎服。藥後腹如撐動。大瀉。嘴唇流出惡水。漸卽紅消腫退。如不泄。急服拔疔毒丸。無不泄矣。泄後常服緩唇湯。

牙疔

此由胃經火毒或太陽經溼熱所致。生於牙縫兩旁。腫起初如粟粒。後如豆大痛連腮項。若麻癢破流血水疼痛異常者。卽疔也。用披鍼尖挑破。見血爲止。卽搽青果散。再以蟾酥丸噙化。徐嚥。若煩躁口渴宜服黃連解毒湯。若失治毒竄兩腮潰爛不堪者。逆頭黑者。名黑疔。則屬腎。治法同。

穿牙疔

附穿牙毒及小兒走馬牙疔。

先二日牙痛發寒熱。牙根上起紫塊。痛不可忍者是。用鍼挑破。擠出紫血。外擦青果散。內服涼血解毒降火之品。若穿牙毒初起未破爲疔。已破爲毒。色紅者可治。色青者不治。又有黑而腐臭者。無論疔與毒。至此則俱云不治。然亦有可生者。浮皮一層用筋裹綿輕輕捲去。內有紅肉。尙可吹藥救療。不可少緩。緩則直爛到底不能治矣。如筋攪不起。以鵝翎攪之。方用

薄荷叁分

兒茶六分

黃柏

壹厘製

龍骨貳厘

珍珠五厘

梅片叁厘

甘草五厘 白芷貳厘半如腫痛用叁四厘

共爲細末。吹之兼能長肉。若初腫而熱甚者。多加薄荷。若不甚腫熱。及病久。則以長肉爲主。多用兒茶龍骨珍珠。若疔與毒重者。加牛黃倍珍珠。無不奏效。又牙疔牙毒效方。

牛黃叁分 人中白 珍珠各貳分半 銅錄 兒茶 輕粉 青黛各貳分

麝香 梅片各壹分半

共研細末。先用綿蘸米泔水於患處擦盡腐肉。見血爲止。以藥末搽上。硬處以雞蛋清調。宜日換十餘次。再用生半夏生大黃各等分爲末。陳醋熬稠。敷兩足心。紙糊紮好。待乾脫落。再敷內服白馬乳。其愈更速。

舌疔

心脾火毒。舌生紫泡。其形如豆。堅硬寒熱疼痛。應心初起。宜用蟾酥丸含。

舌上隨化隨嚥。或再服三丸。以解內毒。甚者用刀刺破。服黃連解毒湯。兼搽青果散。用元硃丹亦可。

喉疔 附喉證治法


喉疔急症也。生喉間。形如靴釘。尖且長。色紫堅硬。初起麻癢。旋即大痛。用鮮菊梗葉四兩煎服。或野菊花根葉煎湯亦可。外貼異功散。一週時起泡。用鍼挑破。擠盡惡水。內吹青果散。或元珠丹。脈洪便結者。下之。再用吳茱萸爲末。醋調敷兩足心。或服除瘟化毒散。或服加味荊防敗毒散。俱可。喉如兩邊俱痛。刺兩大指少商穴。如痛一邊。即刺一邊。須擠出惡血。再刺合谷穴。鍼須少停。方可拔出。痛即大減。另再用鮮土牛膝打汁。用鷓毛蘸汁。刷入喉內。或土牛膝汁曬乾。研末。收固吹之。或用_七角僵蠶爲末。頻吹。以吐出風痰爲度。一切風熱喉證。皆可治。喉症頂心發紅紫點。宜急挑破。

用生薑桐油擦至皮白而止。無點者以兩手捏頂如提痧法久則皮即癢起。血影顯出。用鍼挑出血。仍以生薑桐油擦至皮白。又用大蒜頭一箇同食鹽打爛敷虎口穴。男左女右。良久起泡。以鍼挑破。擠盡毒水即愈。凡喉症俱可用此法。少商穴在大指端內側去爪甲角一韭葉許。用三稜鍼刺出惡血。此穴能泄諸臟之熱。但不宜灸。如喉風喉痺。顛額顛音容。大頭也。懸癰。單乳蛾等證。刺之立驗。

合谷穴在大指次指骨間陷中。又名虎口穴。

螞蝗疔 又名螞蝗風。

生於上腭如薤葉形。色白痛而不腫。身發熱。宜速刺之。吹元硃丹。有表發表。無表則解毒瀉火。



此證因怒氣傷心腎所致。不開花者易治。開花而色黑者不治。心腎之氣已絕故也。如不開花。用細辛半夏南

星牙皂各等分爲細末。以少許放患處。用刀鍼卽不知痛。此卽喉科麻藥。放藥後用刀刮去下絡。外擦青果散稍加麝香。或用元硃丹內服桔梗湯證極重險百無一二。恐與別證相混。故繪以表之。

松子疔

證生於關內小舌左右。亦有生一邊者。左屬心。右屬肺。初發形如粟色紅或帶紫。兩寸關俱緊。背寒身熱。此風火鬱積也。斷不可用刀。宜用皂角末去風痰。法詳喉疔。外貼異功散。內吹元珠丹。再用治喉六味湯加

蘇葉 赤芍 羌活 連翹 穿山甲 草河車 各壹錢。

開水泡藥。蒸服一劑。喉證屬火。水劑宜蒸不宜煎。煎則欠效。此喉科之祕訣也。去羌活蘇葉。加

乳香 叁分 玉樞丹 壹錢。 治一切喉毒。

數劑卽愈。若失治則轉紅爲黃。逐時脹腫。起魚鱗而向上。鱗如向下起白點爲魚鱗風。

爲法同。漸大如菉豆如蓮子愈大愈重。未成鱗者易治。已成鱗者難治。

飲食到喉即嘔也。重者去風痰。因虛而發者不可去。服治喉紫地湯。

正對口疔 附癰疽治法。

生天柱骨間。初起癢而不痛。有一小吻。頂上一小點如麻子。或紅或黑者。

是疔也。初發先癢後痛爲疔。又癢又痛爲疽。痛者爲癰。急刺百勞委中二穴。再用茄蒂不拘多寡。茄

蒂更佳。須預先陰乾收貯。將大銅盤內放火炭上。鋪茄蒂。罩以燈籠壳。剪去下底。令病人仰臥。

床沿另放一椅。將頭擱住。露出瘡口。或將瘡口之皮刮破。以燈籠壳之上。

口緊對瘡口。煙薰良久。瘡口自開。有一條血線。流下盤中。不可移動。斷則。

不能續。必俟紅絲流盡。則毒散矣。內服加味三星湯。外用消疔毒膏。上加。

黑虎丹貼之。四圍腫處。用塘雞糞加荔枝核末調敷。疔癰疽治法同。若茄蒂一時。

難覓。另有刮毒法。初起時用小刀將白小泡挑破。不可深刺。擠出一點白。

膿。然後輕輕細刮。帶刮帶擠。耐心將毒水擠刮淨盡。則輕者消散。重者轉輕。癰無白泡。不能刮。若潰後有細筋白腐。須用鉗剪修剔乾淨。否則必致反覆。證

係上焦鬱熱。蘊於督脈。其發故速。偷肩背拘急。項強不能側。神昏嘔噦者。凶。對口諸證。方書言須隔蒜灸。至痛而不癢。然余見灸後。有面目俱腫。煩躁不安者。徐靈胎云。頭項不可灸。誠哉是言也。按正對口來勢雖猛。其證屬陽。故易治。偏對口來勢甚緩。證多屬陰。故難治。陰與陽須分明白。誤則其害非淺。東垣云。對口發背。眉疽等證。初起宜用海馬崩毒法解之。

用生鯽魚合陳壁土全搗敷毒上即愈。加頭垢敷錢更效。

偏對口疔 附癰疽治法

生天柱骨側輭肉處。其地屬太陽膀胱經。太陽膀胱主司寒水。性質沉冷。起於巔頂。貫兩旁夾脊而下。故證多平塌漫腫。漫腫者。肉腫瘡不腫也。難治。焮腫者。瘡肉不腫也。治。

此係火毒蘊結五臟而發。是處又近於喉。故重險。非若正對口之由外感

而發者之為易治也。發時有小泡甚癢。治照正對口之熏法刮法。刺百勞

一節至二節。穴名。陶道。及委中。亦可消散。詳上便。捷治法。初起服加味三星湯并服紺

珠丹以出汗。若陰虛火旺。煩渴腫痛。則服加味四妙湯。大潰則服七聖湯

疔雖陽證。此則生於陰輭之所。使非高突紅腫。始終不可服寒涼之品。若

身倦沉重。體熱而面色形寒。瘡緝而不甚痛。或旁生許多小瘡。不可誤作護

場瘡。視為證。輕。是謂陰證。如癰而有此形。則陽變為陰。不可作陽治。疔瘡亦然。疽則

無論矣。有三陷變局者不治。

三陷者。火陷。乾陷。虛陷也。火陷者。氣不引血。外腐成膿。火毒反陷入營。漸

至神迷發瘵發厥。乾陷者。膿未透而營衛已傷。根盤紫滯。頭頂乾枯。神識

不爽。有內閉外脫之象。虛陷者。膿腐脫而肉不生。光白板亮。脾傷食減。腹

痛寒熱便溏形削。宛如怯損。犯者皆不治。

十指疔

此疔醫書不載。俗名十指疔者。因中指生疔。連及旁指故也。中指通連五指。如在首節之尖。漸潰漸愈者。或不旁及。若生中節或下節。毒之甚者。無不竄入旁指。且男生左手。不但旁及。且必延及右手。女生於右手者亦然。治法將患指末節根刺破。或已旁及。再刺所及之指根。俱須擠盡惡血。其毒自解。宜服蟾酥丸汗之。外敷葱白汁。調雄黃散內服。敗毒散。膿熱開之。貼琥珀膏。以下指疔俱照此。若十指疔久不收斂。必成損證。各指之經詳左。

大姆指屬手太陰肺經。食指屬手陽明大腸經。中指屬手厥陰心

胞絡經。無名指屬手少陽三焦經。小指屬手少陰心經。

蛇頭疔 天蛇毒 水蛇頭疔

二證俱生於手指頂尖。雖由手太陰肺經。手心包絡經。積熱所致。然俱兼脾經火毒。疔自筋骨發出。根深毒重。初起如粟。漸大如桃李。堅硬赤腫。痛極連心。其或有青黃紫白黑諸色。或麻癢不痛者。其毒更盛。天蛇毒自肌肉發出。其毒稍輕。初起悶腫。無頭色紅痛如燎火。照上治十指疔法治之。若四五日後。潰膿有黃頭。可刺者順。如不潰無膿。黑色過節者險。倘毒氣攻心。嘔吐不食。膨脹牙縫出血。則危極矣。未熟不可開刀。開則皮裂肉腐。疼痛倍增。宜輕刺皮。破以引藥。 患久即生多骨。多骨出盡。方能收口。體弱不斂者補之。更有膿不泄。火毒不化。腐爛其筋骨者。另有與二證相類。輕者名水蛇頭疔。頭有黃泡明亮者是。挑破擠去惡水。照治疔方治之。即愈。重者名斷指疔。只生於大指。黑色無膿。蛇頭疔用小泥緘一條搗爛敷之效。

或用雄黃七分。白芷三分。共研細末。將雄豬胆一箇剪去蓋。傾去胆汁。

一半入藥調勻套指牢紮一次不能全消當再換以愈爲度 或用生鴨蛋兩個蜈蚣一條焙研末以一半入鴨蛋內攪勻套指上俟蛋熱再用一半蜈蚣末入蛋再套痛則照法再治以消爲止 或用大蜈蚣一條爲末紙捲作撚點撚吹息以煙熏指三四次亦效

天蛇毒痛不可忍臭不可當者用蜈蚣一條研末猪膽汁調塗卽瘥

蛇眼疔

生指甲兩旁尖角間形如豆粒色紫半含半露硬如鐵釘係大毒所發若有黃頭突出如眼者用鍼挑破以下四疔俱照蛇頭疔治之

蛇背疔

生於手指甲根後指背兩手皆同形如半棗色赤胖腫

蛇腹疔

一名魚肚疔。初起宜灸虎口穴。

生手指中節反面。色赤疼痛。毒易攻心。與鰍肚疔似同。亦治虎口穴。

詳喉疔。

蛇節疔

一名蛙節疔。初起宜灸虎口穴。

生手指中節。遠指俱腫。其色或黃或紫。在指節骨者皆是。

鰍肚疔

此疔一指通腫。甚於蛇節疔。色紫。形若泥鰍。焮熱痛連肘臂。膿熟開之。治法同上。俗以指疔輕者。概名鰍肚。誤也。

斷指疔

生於大指。黑色無膿。不痛。初起如粟。其形似棗。漸開漸大。發時先患消渴者。多與蛇頭疔。天蛇毒等證。輕重大相懸殊。此毒皆由於膏粱厚味。房術熱藥。火蘊臟腑。耗灼真陰所致。一旦發出。不可救藥矣。古書惟有截去患指。以洩其毒。照下脫骨疔各方治之。或可挽回。

僵節疔

生於手指骨節。體虛之人多患之。與他疔不同。初起不紅不熱不痛。皮色不變。日久方痛。痛久方腐。腫仍不消。非若鰍肚疔之暴發也。其證背面通腫。形如鰍肚。與鰍肚疔相似。由手少陰痰氣凝滯而成。初發時服小金丹。再服生六君子湯。化痰去溼。外以離宮錠塗之。或用生南星醋磨敷之。腐則用八將丹內服滋補之藥。否則腫處腐爛。膿如清水。變成虛勞不治。

手丫疔

丫音鴉

手丫骨縫間結毒。焮腫。此係脾經溼火凝結而成。除大指合谷穴名合谷疔。餘指丫患此。卽名手丫疔。又名手丫發。若手背之丫是手三陽經受證。手掌心之丫是手三陰經受證。初起如粟。漸大如豆。焮熱色紅。疼痛不止。膿出稍減。初時宜疏散解毒。成功後其膿不透。須用製蠶灸甲片角刺之。

屬待膿泄邪退。須扶胃和營以收功。

虎口疔

一名合谷疔。
附虎口毒。

此證生於大指次指歧骨間。屬大腸經溼熱凝結而成。初起如粟。小泡癢熱。焮痛根深。有紅絲上攻腋內。初起將疔根挑去紅絲。當絲盡處。用鍼挑斷。虎口毒用活蟹搗爛敷上。或以蟹黃蜜調塗之亦效。愈後戒食蟹。又方用石灰內未燒化過之石子。和生蜜在粗石上杵融。敷患處。卽愈。

托盤疔

附手、心毒。
穿掌毒。

生於手掌中心。係手厥陰少陰二經所司。心火熾盛。逼血妄行。肝風鼓舞。毒散四肢。加以憂思過度。酒色不節。遂致毒流骨髓。侵入勞宮。係心經脈絡毒。故生焉。初起堅硬有泡。色如明亮。速卽挑破。治以銀花解毒湯。手心毒。一名擊珠毒。係手少陰心手厥陰心胞絡二經溼火之毒。所結。其瘡如

泡色如血赤外形雖小。內毒有餘。疼痛非常。日夜無間。輒有不能收功。流血至死者。治法宜大補佐以解毒。方用

元參貳兩 金銀花貳兩 生地黃壹兩 當歸壹兩 紫花地丁五錢

貝母貳錢 甘草貳錢 水煎服

初起時用爛黃雞屎塗之甚效。

又穿掌毒似托盤疔而實輕也。用新桑葉一把。研爛絹包。合上即愈。

手背疔 手槽疔

發於液門小指無名指岐骨陷中。中渚液門下一寸。二穴。屬手少陽三焦經。由風火與溼凝滯

而生。初起憎寒壯熱。昏悶嘔逆。漸致手背高腫。破則爛深至骨。成膿速潰

者順。發時有一小泡癢極者為疔腫而痛者為發。初時將患處刺破擠去

惡血。以雄黃散擦之。倘腫及手背。則用細鍼於四圍微刺外塗雄黃散。內

服敗毒散或羌活散。有表證用紺珠丹汗之。如裏證內疏黃連湯下之。潰後元氣虛者宜補。又手槽疔生於威靈穴。手背高骨處。治法與上同。二疔之名載於刺疔捷法。有刺法而治法不詳。余爲人治有效。故誌之。

肉龜疔 俗名脚發背

生脚背上。形如龜。初起癢而痛。漸則痛不可忍。一名足跗發。經云。三背不宜生瘡。足背肉少皮薄。骨少筋多。又在至陰之下。所以爲險證也。須辨陰陽。陽則易治。陰則難治。或由二陰精血虧損。或由三陽溼熱下注而生。初起寒熱嘔惡。紅腫堅痛作膿者。係溼熱證。屬陽治較易。若因物撞傷。初如粟粒。漸成白泡。寒熱交作。日重一日。此由溼火熾盛。須俟熱退後腫始漸消。初宜刺破疔頭。擠去惡血。內服驅溼保胎湯。或不刺疔頭。用灸法疔頭不必刺。用銀鍼徧刺四圍。隔蒜灸疔頭亦效。潰後用八將丹。脚背皮肉脫則用珍

珠生肌散兼服顧步保脫湯。若色微赤。患處微腫。而膿清。係精血大虧。難治。如色黑暗。不腫痛。亦不潰膿。煩熱作渴。小便淋漓。陰敗者。不治。速用桑枝外灸。以行壅滯。而助陽氣。服加減補中益氣湯。以補氣壯脾。攻伐之劑。斷不可用。照此法治之。尙有得生者。此疔載於刺疔捷法。僅云鍼刺四圍。治法未備。證極重險。治之不易。余故將治效之法。詳細言之。

烏茄疔

足趾腫痛。似潰非潰。北人謂之惹肥。此係農家澆糞於土上。爲烈日曬逼。結熱毒於上層。人或跣足過其地。觸其毒氣。則足趾腫痛。用鴨毛煎湯。加皂礬洗之。卽愈。

冷疔

此證生於足跟。由溼寒凝結而成。形如棗栗。紫白起泡。疼痛徹骨。漸生黑

氣腐爛孔深。時流血水。氣穢。經久不斂者。宜神燈照法照之。鐵粉散敷之。兼服補劑。如不愈。用白油膏卽效。初起時用鴿糞煎湯。放脚盆內。用舊籃頭罩湯上。以患處對熱湯。足踏籃上。外蓋舊衣。俾熱氣歸一處。冷則燒熱再熏。至不痛而止。上蓋消疔膏。

疔毒走黃。從足趾上及於膝。壅腫可畏。倘火毒攻衝入腹。難於挽救。茲以大劑日夜酣飲。三日內轉輕。卽有轉機。如加重則棘手矣。

地丁一兩

銀花二兩

連翹一兩

黃柏 錢

滑石三錢

牛膝二錢

赤苓四錢

大貝母三錢

甘菊一兩

甘草一錢

日服兩劑。三日大效。

脫骨疔

此證發於手足大指。醫宗金鑑及各方書俱名脫疽。惟東醫寶鑑則爲脫

骨疔載入疔部未發時先煩躁作熱類消渴證久而始發者是也。初生黃泡一點。如粟皮色紫暗若煑熟紅棗。久則黑氣侵漫。腐爛延開。徧傳五指。攻及脚面。如湯潑火燃。臭氣穢惡。異香難解。至脛卽死。此由膏粱厚味積毒所致。或因房術澁精。丹石熱藥。火蘊臟腑。毒積骨髓而成。方書皆云。初起只有截指一法。孫真人云。在指則截。在肉則割。欲其筋隨骨出。以洩其毒。殊不知此亦疔也。治法於未延散時。先用隔蒜灸法。不痛者宜明灸之。另用金銀花二斤。煎濃湯數十碗。飲之以解其毒。再用極大生甘草研細末。和菜油調敷極厚。日易數次。切勿間斷。如以甘草嚼爛。厚敷更效。忌食發物。尤忌房事。犯之無救再用金銀花三兩。當歸二兩。生甘草一兩。水煎連服十劑。可漸愈。藥味減少不效。切忌抓擦。或兼服驅溼保脫湯。顧步保脫湯。內外並治更妙。其或修甲受傷。及咬傷扎傷所致。亦黑漫足背腐爛氣穢。

此則較輕。又有大寒冒雪履冰受冷。其時用熱水漸溫。可無他慮。若火烘逼寒入骨。春來證發。足指其指必脫。脫後無性命憂。然此皆形似而實非脫骨疔也。脚爲四餘之末。毒所難至。何凶惡若此。不知毒所難至者。一旦聚毒於中。更不能散。

毒蘊五臟發爲大疔著名者五。

火燄疔

此乃心經火毒。生於唇口及手掌指節間。初起紅黃小泡一點。痛癢麻木。看其部位照各疔治法。甚則寒熱交作。煩躁舌強。言語疏忽。頭暈心煩。如脈洪便閉者。須下之。火盛者。宜瀉火。如大黃梔子連翹丹皮黃連木香之屬。

紫靨疔

此乃肝經火毒生於手足骨節腰脅筋骨間。初起便發紫泡。起越日破流血水。二日後穿筋爛骨疼痛。重則眼紅目昧。指甲純青。舌強神昏。睡語驚惕。若火盛便閉者下之。宜用黃芩青蒿青皮赤芍川芎青黛膽草之類。

黃鼓疔

此乃脾經火毒。生於口角腮頰眼泡。上下太陽等處。初起黃泡。光亮明潤。四圍紅色。旋繞發時。便作麻癢。綳急強硬。須照面部諸疔治之。重則肢體木痛。嘔惡惡寒。壯熱煩渴。若脈洪便閉者。宜下之。如生太陽穴。須將紅色繞處輕輕橫挑。去惡血以洩毒。不可深刺。與釘腦疔參看。

白刃疔

此乃肺經火毒。生鼻孔及兩手臂膊等處。初生白泡。頂硬根突。麻癢兼痛。破流脂水。易腐易陷。若失治至腮損咽焦。咳吐痰涎。鼻掀氣急者。不救。初

起若頂現灰色。根脚棉軟。毒不結聚。此爲陷伏陰證。雖大僅如豆。亦不治。蓋不久則昏憤喘急也。鼻爲肺竅。邪氣入肺。故發於鼻。肺位居上。手爲五臟之幹枝。故又發於兩手及臂膊之上。毒盛者有紅絲。照紅絲疔。治生於鼻者。治同鼻疔。餘照各疔治。

疔生鼻竅。名曰白刃。昏面腫脹。連及左肋。心煩嘔惡。六脈洪大。業已走黃。勢難挽回。既遠道而來。不得不勉爲圖治。用生礬三錢。蔥頭三個。打和以陳酒下之。取其澄清。無經不達。卽用大劑清解。速服之。

金銀花一兩 丹皮三錢 甘菊花一兩 連翹五錢 大貝母五錢 天

花粉五錢 當歸一兩 紫地丁一兩 甘草節五錢 知母四錢 皂角

刺五錢 製半夏二錢 白芨三錢 穿山甲四錢 乳香一錢 鬱金一

錢 鮮菊葉一兩

此方兩日共服四劑。腫消勢減。根束頂高。脈平熱退。後漸愈。

黑靨疔

此乃腎經火毒。生耳竅縫胸腹腰腎偏僻軟肉處。初生黑斑紫泡。毒串皮膚。漸攻肌肉。頑硬如釘。痛徹骨髓。重至手足青紫。驚悸沈困。軟陷孔深。目精透露者。難治。生於耳者。治同耳疔。餘須滋腎水兼清火。

五疔中惟腎經之疔不宜下。餘疔如火盛而生於上身者。惟有下之一法。最爲妥速。下則毒去。再用清解。可以無慮。否則其來甚捷。稍遲已來不及矣。

有似時疫痧證。而以疔名者。

羊毛疔

一名羊毛痧

初起頭痛身發寒熱。重者一二時。輕者一二日。卽死。視其前心坎後背心。

有紅點如疹子先用鍼挑破。取出羊毛。再用明雄末三錢。青布包扎。蘸熱燒酒於前心坎瘡上一二寸外。四圍徧擦。逐漸擦入瘡眼。其毛卽奔至背心。再於背心照前徧擦。毛俱拔於布上。隨埋入土內。服菊花飲。或地丁飲。葱礬散。護心散俱效。如醫藥不及。速往十字路口衆人行走之地。挖泥數升。冷水和丸。和雞蛋大。卽在病人臍旁及心窩內外磨擦良久。俟泥丸稍熱。開視有羊毛卽是。另換泥丸擦至無毛而止。雖已氣絕而身未冷者。皆可治。用黑豆蕎麥各等分磨末爲丸。照擦更妙。擦之無羊毛者。卽非此證。

羊毛疔瘤

此疔忽起一泡。其形如瘤。內有羊毛。亦名羊疔。初起頭痛。或發寒熱。卽用黑豆蕎麥各等分研末。挑破疔頭。塗擦。毛落卽愈。內服菊花飲。

心經疔

一名硃砂證。初起喉腫脈散。牙緊心痛。手足麻木。閉目不語。或則上嘔下瀉。若誤認爲喉風。則成不治。急用紅紙作捻。浸油照心窩背心二處。如有紅點。卽用鍼破。內有紅絲。趕卽挑出。用雷擊散二三分。吹鼻內。再秤藥末三錢。熱薑湯送下。體極弱者。加台黨參二錢。煎湯沖服。小兒一錢。重者三服卽愈。忌食生冷油膩。此證傳染極易。稍遲則不救。藥宜早服。方保無事。

火疔附一切痧證治法

初起或發寒熱。或無寒熱。

與發斑同

須於頭髮內耳後耳內眼下舌下肩甲窩

手足彎脚心腎囊陰戶糞門

通身細看。或如蚊咬。或如眼如錢

外有小疔者輕

或

嘴唇四圍數疔。

生頭面重

或有紅絲青絲。至心卽死。急將絲頭挑破。

眼皮上不可挑

取

旱烟筒中油敷之。絲卽退縮。再塗四圍。用水沖煙油服之。用滿天星方亦可。並用雞蛋清方以除根。不論有絲無絲皆神效。或用油燈草在絲頭燒

之絲亦退散。頭面生疔切不可燒。又有用大蒜切斷於常走處磨下脚泥敷疔頭四

旁。絲退而愈。倘治不合法或夢遺或犯房事則疔縮陷發狂亂語此即走

黃。看有小芒刺即是疔頭先用煙油敷四邊再用鍼挑破擠盡惡血見紅

血爲止仍服煙油用蛋清方以除根若淡紅平塌者是虛火。誤服涼藥必死。用煙

油水試之不辣者即對證。辣者即不可服。或用高麗參。一錢。用路黨參四錢亦可。元參。三錢。北五

味。六分。麥冬錢半。製附子。三錢。乾薑。一錢。水煎服。誤服涼藥神昏氣喘者亦效。陰寒虛火必用此

方。方可救命。不必以薑附太熱遲疑自誤。如熱極無脈用加味參麥散。如

眼珠突出手足冰冷。此心火熱極。無血養手足也。仍用煙油及蛋清方最

妙。有愈而復發者。根深兇險用巴豆飯米各一粒搗爛敷疔頭其根自出

疔大兩粒。凡一切痧證不可飲米湯。喫米食。犯則不救。只可喫藕粉蕎麥粉葛

粉之類亦不可多食。

有似疔非疔而以疔名者。

血疔

證生肘下兩太陽兩眼角等處。起如紅瘡。破之有竅如鍼孔。流血不止。用芫花煎濃湯。煮線紮之。或用瘦猪肉貼。或用食鹽麻油塗上。紮緊。內飲眞麻油一大碗。菜油亦可。凡血出不止。俱可。此法血止後。用野菊花煎濃湯常服。切忌茶湯。

黑疔

瘡毒潰爛日久。中有黑疔突出。狀若筋頭。堅痛不可拔。用紫椴香剉如豆大。炒黑爲細末。摻於四圍患處。敷拔疔紅膏。隔日一換。疔自脫去。先用八將丹。後用玉紅膏收功。生疔時。疔脚未去。亦有此證。與耳疔牙疔之黑疔不同。

魚眼疔

是疔多發於足爛孔甚多。宋嚴用和云。非神手不能治也。治法。先以鍼刺。如痛則癢根已走。以榆皮刮淨如線。以綿裹其尖。以線牢繫之。用探疔瘡之穴。榆所不及之處。則鍼破引榆皮而出。再自鍼穴尋之。若鍼破處病人痛而血出。則是活肌肉矣。卽於疔瘡各鍼孔中。納蟾酥丸二二粒。覆以拔疔膏。四旁腫處。敷以烏龍骨。如有赤暈。敷解毒散。膿盡方可生肌。

魚臍疔

此證頭白四面發赤。中央黑色。狀狹而長。肉下有紅線。或潮熱。一因風毒蘊結。二因氣血凝滯。三因誤食人汗所致。用臘豬頭骨燒枯研末。雞蛋清調敷。輕者數日卽愈。或用絲瓜葉及連鬚葱韭等分。同人石鉢內研爛。取汁。溫酒和服。渣另敷患處。如疔在左手。敷左腋下。在右手。敷右腋下。在左

脚貼左膀。在右脚貼右膀。在中敷心及臍。用綿縛住。俟肉下紅線處皆白。則毒散。若潮熱亦用此法。須令人抱住。恐其顛倒不治。或以鍼刺四圍。不大痛者亦不治。又瘡頭色黑。破流黃水。四圍浮漿滋膩。用蛇脫灰存性研細。雞子清調敷。或用葱白蜂蜜杵塗四圍亦效。

七星趕月疔 護場疔 三十六疔

此疔與麻子疔相似。逐日漸生。攢聚四圍。形若小瘡。頂有黑點。或雜一大瘡。故名七星趕。月初起。惡寒身熱。久則壯熱。如傷寒證。此疔面上最多。別處較少。方書載有人唇口患疔。接連七個。頭腫如斗。心悶神昏。一女丐曰。此名七星趕。月疔。用蛔蟲搗爛塗之。頃刻瘡口流出黃水。腫消神清。次日即愈。此與唇疔治法相同。若生於頭面者。則照頭面諸疔治。此疔之毒最盛。日生紅髮數根。須令人細尋拔盡。俾毒可稍泄。不可認作護場疔。蓋護

場疔生於正疔之旁其證極輕照常法治之卽瘥。又有三十六疔一名滿天星疔。此疔屬腎其毒最橫必須早治。初起微癢形腫如豆四圍赤色。日生一疔至三十六之數。雖不再生亦不能治。此疔之形亦與前疔相似宜細細辨之。

刀賺疔

形如菲葉狹長三寸許。肉色紫黑者是。各疔俱宜刺。惟此疔不可刺。刺則不治矣。內服葱礬散。外敷溏鷄糞卽愈。遲則毒氣攻心不可救。浮瀉疔亦如菲葉形長而曲與此疔相似。

紅絲疔

初起形如小瘡漸發紅絲流走最速。生於手者其紅絲至心。生於足者紅絲至臍。生於頭面者紅絲至喉。皆不治。若在手足兩處可用頭髮離絲頭

一二寸緊繫紮住。卽從紅絲延處。當頭刺破。再逐寸挑近疔根。擠盡惡血。頭有白泡。速卽挑破。擠盡惡血。先用艾火於絲頭燒之。其絲卽散。不散再燒。以散爲度。再用黑魚鱗三錢。炙研。百草霜三錢。研細。將京墨和藥磨敷絲上。或用浮萍打爛塗之。或用煙筒內煙膏塗之。俱效。方書云。紅暈與紅絲有別。紅暈狀若筋。他證毒盛者皆有之。見暈卽非美證。一暈二暈三暈已重。四暈不治。紅絲疔亦然。余遇此證。外治後內服貴金丸。以泄其毒。絲卽漸隱。無跡。再服清解大劑。雖有三四暈。無不可消。毒盛者初起惡心嘔吐。毒已攻心。速服拔疔毒丸。遲恐無救。紅絲疔有從虎口發者。宜刺商陽穴。仔食指內側。去爪

甲角蕪
葉許。

對疔

生於腦門左右。兩眼角兩太陽兩顴兩耳門。在印堂穴則生一個。初時不

覺誤爲熱癬。旋即身發寒熱。飲食不進。神思恍惚。其毒最重。宜服解毒大劑。并服西黃丸。生甘草。須用至五錢。方能殺其勢。此疔所生之部位。除兩額外。俱不宜深刺。須淺而帶橫。經所謂刺皮無傷肉也。惡血須耐心擠盡。俾毒可洩餘治同。

水疔

四圍紅赤。中一黑點。堅硬如石。痛不可忍。破後惟流血水。用土牛膝俗名臭花

娘子。搗爛入鹽少許。和勻敷之。用消疔毒膏敷之。亦可。此證乃皮膚熱毒。外治可愈。重者稍發寒熱。服敗毒散一二劑已可。其有形如水泡者。因飲不潔宿水而生。挑破後以治疔法治之。卽愈。

蒲萄疔

紫色光亮。頃刻纍纍如貫珠。周身皆有。或僅生一粒者。形似蒲萄。故名。患

者飲食言笑如常人或不覺。一日半日一見鼻血卽死。方書言無藥可救。或云有女子手腕輭處生物如豆半在肉中。色紅紫痛甚。諸方不效。後用水銀四兩。白紙二張。將水銀揉熱擦之。三日自落。前證似可照此施治。證旣名疔。又見鼻血。其爲熱毒內蘊無疑。如水銀方不見效。可用菊花地丁各四兩。生甘草四錢。煎濃湯刻刻服之。再取陳菜油三大盃。一時飲盡。並用吳茱萸末醋調足心。一日一換。引熱下行。或可見效。

暗疔

此證生於腋下。由肝脾二經毒火而成。硬若釘頭。癢而且痛。寒熱往來。四肢拘急。其色紫黑。煩躁作嘔。痛引半身。宜服蟾酥丸。急按治法。內外治之。其在未發之先。腋下忽然堅腫。散漫無頭。次腫陰囊。睪丸突出。狀如筋頭。身發寒熱。筋脈拘急。腫處焮痛。治法忌用針灸。先以蟾酥丸含化。令盡。

以冷水漱去毒涎。再用三丸嚼葱白三寸裹藥送下。蓋被取汗。汗若不出。飲葱白湯催之。如仍無汗。係毒熱滯結。急用霹靂火法使熱薰蒸。至頭面汗出。其毒自滅。再用大黃兩一。白芷三錢。共研細末爲丸。每服三四錢。葱頭三個。酒煎作湯送下。蓋被取汗。候大便通行即效。人如昏狂。瘡頭紅凸。急取路旁烏柏樹根二尺。去皮打爛。井花水調一鐘服。後泄一二次。即愈。

內疔

先發寒熱。漸次腹痛。或初起即牙關緊急。數日間忽然腫起一塊。如積聚是也。治法與上暗疔同。暗疔只生腋下。內疔則遍身皆生。糞門陰戶等處俱有。暗內二疔。人所易忽。本屬難辨。慎勿誤作傷寒雜病。若初起尋覓不見。取甌蓋上氣垢少許納口中。必有一處痛甚。即知疔所在。急宜刺去惡血。見好血爲止。再用蟾酥丸三五粒。葱頭煎湯研化灌之。凡人暴死者。多

是疔毒。急取燈。遍照其身。若有小瘡。卽是其毒。宜急灸之。再以蟾酥丸研化。水調灌下。亦有復甦。須照前法治之。

痘疔治法

天花雖爲重險之證。大半皆壞於痘中之疔。俗謂賊痘。生於五六日內。或三五枚。或六七枚不等。雜於諸痘之間。其色紫黯。甚則黑硬如石。患此則諸證蜂起。蓋痘疔能閉諸毒。痘未齊有疔。則不能盡現。痘旣齊有疔。則不能起脹。行漿時有疔。則必致倒陷不救。此由熱毒盛而併結故也。痘疔極易辨。脚有紅暈似花者。則謂之花。若痘中有紫黑乾硬。而獨大於他痘。其脚無暈。有痛有不痛者。卽痘疔也。急以鉞挑破。擠盡惡血。以拔痘疔毒。散敷之。次日再看。若仍脹硬。復鉞破。仍以前藥敷之。必轉紅活。乃已。若其核甚堅。鉞挑不動。須用鉞從四邊剗開。以小鉗鉗出。其形如疔。有半寸長。

者仍以前藥敷滿瘡口乃可無患。又手足有痘。色暗堅硬而甚痛。或外無痘而內有核作痛者。亦痘疔也。宜以艾火燒之。或以燈火烙之。俱效。若不急治。必致深陷。穿筋透髓而爛見骨。如舌上生痘疔。則用銅綠雄黃硃砂人中白共研勻。搽之自愈。

看疔祕法

天庭

當頭從鼻直人髮際五分

承漿

唇稜下陷中

地合

頰稜正中

有黑陷者。心窩舌上及男陰囊女

陰戶必有疔。

兩顴

面頰骨及四旁

兩頤

腮骨前

有黑陷者。腋下腰下必有疔。耳

上準頭

準頭鼻尖也

有黑陷者。手足必有疔。人中

鼻柱下陷中

有黑陷者。臍下必有疔。

太陽

眉後陷中

有黑陷者。腿足必有疔。

捲簾疔

生舌根下

小如黑豆。大如葡萄。致兒舌捲喉痛。速用銀鈎鈎破。去盡惡血。隨以苦茶

漱口。搽龍宮丹。方用冰片。硼砂。青黛。黃連。薄荷。荊芥。炒僵蠶。共爲細末。吹用。

火珠疔

生鼻孔內

闌塞噴火。面赤眼紅。用鈎鈎破。用黃連膏加冰片滴鼻。內服瀉金散。方用犀角牛蒡子。桔梗。芍藥。生地。黃紅花。紫草。甘草煎服。

忘汲疔

生眼沿

封蛤腫脹。煩熱面紫。宜挑破。用瓦松洗淨。打爛。罨之。

象虎疔

生耳內

會膿時宜挑破。搽拔疔散。

燕窩疔

生腋下

腫硬面赤。謔語。如在左腋。潛注。則在右之痘。沈伏失色。右則反之。宜鍼挑。

破去根。用拔疔散服消毒飲方用牛蒡子犀角芍藥生地黃紅花甘草木通茯苓連翹燈心水煎服。

注命疔

生兩足心

於出痘時腫硬如錢如豆如椒。有紫筋直透足股。挑之去血。用田螺水調冰片點之。次用慎火草菘豆浸脹。搗爛敷之。

透腸疔

生肛門旁

出痘在六七朝。腫痛如錐。挑之。煎金銀花防風湯冷洗。次用輕粉珍珠冰片研細塗之內服黃連解毒湯。

驪龍疔

生尿孔內

於五六朝。身熱譫語。眼翻肢厥。腹脹小便閉塞是也。速用蟾酥犀黃銀硃冰片麝香研末。次用黃連細茶濃煎。俟冷取半錠調藥。用細軟稻心蘸藥。

送於孔內。內服木通敗毒散。

赤斑疔

又名赤斑核。形如瘰癧。無定處。多在活肉筋骨間。有則週身之痘皆不發。盡歸於瘰癧一處矣。此極危險。治法將瘰癧用手撮起。以紅繩緊扎。後用蒜頭瓣貼患處。艾灸七次。至不知痛癢。庶痘可起而紅活矣。

痘證回毒方

兼治疔腫

銀花五錢

人參二錢

元參一錢

甘草一錢

痘瘡壞證已黑人將棄之。藥下喉即活。

人參三錢

陳皮一錢

荊芥一錢

蟬退五分

元參二錢

當歸二錢

此乃元氣虛而火不能發也。故用人參以補元氣。元參去浮游之火。陳皮去痰開胃。俾參無礙而相得益彰。荊芥以發之。又能引火歸經。當歸去

癩生新蟬退除風解毒此方之妙難以盡言初起不可服必證壞乃可服。

拔毒膏

痘疔刺出血擠後塗之。

腰黃

二錢研末

燕脂膏

五錢

紫草

三錢研末

和勻用。

痘疔潰爛方

痂後爛筋骨者。

蜜陀僧

二錢

赤石脂

三分

膩粉

三分

黃柏

三分

杭粉

三分炒

乳香

三分

沒藥

三分

伏龍肝

一錢

血竭

一錢

飛丹

八分

髮灰

五分

冰片

五厘

如有臭氣加阿魏三四分研細摻患處外蓋膏藥內服人參敗毒散加

穿山甲蟬退連翹

牛糞散

治小兒痘疔及溼熱諸瘡。毒水淋漓。久不收口。百藥不效者。

蒜灸方

治痘疔毒氣攻竄。致痘不能透發。或麻木疼痛交作。放蒜片於痘疔上。用艾絨灸之。毒隨火散。若紫血出。後腫痛不止。尤當用灸。

以上所列爲過玉書之實驗良法。可謂信而有徵。觀此而後。再將過氏所著之疔疔大全一書。詳攷其灸刺湯方等法。自可應用無窮矣。

最新出版

刺疔部位圖說

每部定價
大洋三角

海 上

版出局書藥醫西中

行發局書西中